

74.2657
469

М. Нишонов, Ш. Мамажонов,
В. Хўжаев

КИМЁ ЎҚИТИШ МЕТОДИКАСИ

1	IIA	III A	IVA	V A	VIA	VIIA	He
2	J ₂ Be U ₂	B ₃ B ₂	C ₄ C ₃	N ₅ N ₄	O ₆ O ₅	F ₇ F ₆	Ne ₈
3	Na ₁₂ Mg ₁₂	Al ₁₃ Si ₁₂	P ₁₄ S ₁₃	S ₁₅ Cl ₁₄	Cl ₁₆ Ar ₁₇	Br ₁₈ Kr ₁₉	He ₁₈
4	K ₁₈ Ca ₁₈	Sc ₁₉ Ti ₁₉	Cr ₂₀ Mn ₂₀	Fe ₂₁ Co ₂₁	Ni ₂₂ Cu ₂₂	Zn ₂₃ Ga ₂₃	As ₂₄ Se ₂₄
5	Rb ₃₅ Sr ₃₅	Y ₃₉ D ₃₉	Tc ₄₀ Ru ₄₀	Rh ₄₁ Pd ₄₁	Ag ₄₂ Cd ₄₂	In ₄₃ Sn ₄₃	Te ₄₄ I ₄₄
6	Cs ₅₅ Ba ₅₅	La ₅₇ Ce ₅₇	Hf ₇₂ W ₇₂	Ta ₇₃ Os ₇₃	Re ₇₄ Pt ₇₄	Pb ₇₅ Bi ₇₅	Po ₇₆ At ₇₆
7	Fr ₈₇ Ra ₈₇	Ac ₈₉ Ku ₈₉	Th ₉₀ Pu ₉₀	Nd ₉₁ Am ₉₁	Cm ₉₂ Bk ₉₂	Es ₉₃ Cf ₉₃	Fm ₉₄ Md ₉₄




TF0000006347

74.265
Н 69
М. НИШОНОВ, Ш. МАМАЖОНОВ, В. ХҮЖАЕВ

КИМЁ ЎҚИТИШ МЕТОДИКАСИ

(Кимё ўқитувчилари тайёрлайдиган олий ўқув
юртлари талабалари учун ўқув қўлланма)



ТОШКЕНТ “ЎҚИТИУВЧИ” 2002

Ушбу ўқув құлланма кимё ўқытувчилари тайёрлаш дастури асо-
сида ёзилған. Құлланмада берилған назарий материаллар бўлажак
кимё ўқытувчилари учун зарур бўлған билим ва кўникмаларни шакл-
лантиришга хизмат қилади.

Тақризчила: кимё фанлари доктори, профессор
А. А. ИБРАГИМОВ,
кимё фанлари номзоди, доцент
Ё. Г. АБДУҒАНИЕВ

4306010400
ISBN 5-645-03997-1

© "Ўқытувчи", "Зиё-Ношир" КШК, 2002

СҮЗ БОШИ

Жамият ривожланишининг ҳозирги босқичида таълим тизими олдида улкан вазифалар турибди. Мамлакатимизда ўқитувчиларга жуда катта масъулият юкланган. Ватанимизнинг келажаги уларнинг фидокорона ва хайрли меҳнатларининг самарасига боғлиқ. Бу фахрли вазифани бажариш учун ўқитувчининг ўзи ҳар томонлама етук ва шаклланган бўлиши лозим.

Ўқитувчилик бу касбдир. Шундай экан, ўқитувчи ўз касбининг устаси бўлиши даркор. У ўз фанини чуқур билиши билан бирга бошқаларга ўз билимларини содда ва тушунарли тарзда етказа олиши ҳам муҳим аҳамиятга эга.

Ўқитувчи доимо ўз билимини ошириб ва ривожлантириб бориши, янги ўқитиш методларини излаши, ўкув жараёнини такомиллаштириб бориши зарур.

Ўқитувчининг вазифаси, билим ва кўнікмалари, унинг иш ва шахсий сифатлари малака тавсифномасида берилган бўлиб, бўлажак ўқитувчи унга риоя қилиши керак.

Бўлажак кимё ўқитувчиси қўйидагиларни:

- 1) кимё ўқитишнинг таълим ва тарбиявий аҳамиятини, ўкувчи шахсини ривожлантиришнинг мақсади ва вазифаларини;
- 2) кимёдан мактаб дастури, дарслеклар, ўкув ва методик қўлланмалар ва меъёрий ҳужжатларнинг мазмунини;

3) кимё ўқитиш методикасининг назарий асослари (кимё ўқитиш методлари тизими) ва унинг натижаларини назорат қилиш, мактаб кимё хонаси жиҳозлари тизими, кимё хонасида бажариладиган ишларда риоя қилинадиган хавфсизлик техникаси ва меҳнат муҳофазаси ҳамда унинг қоидаларига риоя қилиш, ҳар қандай ўқитиш воситасини сақлаш ва ишлатиш тартибини, ўқитишнинг техник воситалари, уларнинг дидактик имкониятларини билиши ва унга амал қилиши лозим.

Кимё ўқитувчиси ўкувчиларни кимё фанининг асослари билан қуроллантиради, уларнинг қобилиятини ривожлантиради, уларда илмий дунёқарашни шакллантиради. Бунинг учун эгалланган билим ва кўнікмаларни педагогика, психология, кимё ва уни ўқитиш методикаси соҳаларида аниқ ўкув-тарбиявий вазифани ечиш учун қўллай олиш зарур. Ўқитувчига қўйилган касбий талаблар кимё ўқитиш методикаси курсининг методологиясини белгилаб беради.

Талаба ушбу қўлланмадан фойдаланаётганда боблар охирдаги саволларга эътибор бериши зарур. Саволлар боб матнларини самарали ўзлаштириб олишга ёрдам беради ва улар талабаларнинг ушбу қўлланма, шунингдек, мактаб дастури ва дарслеклар билан мустақил ишлашларини ташкил этишга мўлжалланган. Саволларга жавоб

топиш билан бирга талабалар мактаб дастури ва дарслерлари билан батапсил танишиб борадилар.

Ушбу қўлланма талабаларни мактаб кимё курсига киритилган назарий билимлар билан таъминлайди, мактаб кимё таълими ва кимё ўқитишиш методикасини ривожлантириш ва такомиллаштиришнинг асосий йўналишларини тушуниб олишга ёрдам беради ва ёш ўқитувчины илмий-методик муаммолар даврасига олиб киради. Бироқ, талаба кимё ўқитувчиси бўлиб етишиши учун ушбу қўлланма мазмунини ўрганишнинг ўзи кифоя қўймаслигини унутмаслиги керак. Бунинг учун мустақил фаолият жараёнидагина шаклланиб борадиган ўқитувчилик касби моҳиятининг нозик томонлари, кўникмаларини лаборатория практикуми ва педагогик амалиёт даврида эгаллаши керак бўлади.

Ушбу қўлланманни яратишида етук кимёгар методист олимлар В. Н. Верховский, Д. М. Кирюшкин, Д. А. Эпштейн, Ю. В. Ходаков, Л. А. Цветков, Н. Е. Кузнецова, Г. М. Чернобельская ва бошқаларнинг адабиётларидан фойдаланилди. Қўлланма 1997 йилда Ўзбекистон Республикаси Олий ва ўрта махсус таълим вазирлиги томонидан тасдиқланган дастурга мувофиқ тайёрланган.

Қўлланма ҳақидаги фикр-мулоҳазаларни муаллифлар самимият билан қабул қиласидилар.

Муаллифлар

КИМЁ ЎҚИТИШ МЕТОДИКАСИННИНГ УМУМИЙ МАСАЛАЛАРИ

1-§. КИМЁ ЎҚИТИШ МЕТОДИКАСИ ФАНИГА КИРИШ

• Ҳар қандай ишнинг муваффақияти муайян шарт-шароитга, ишнинг ғоявий сиёсий йўналишига, уни бажарувчисининг малакасига, моддий база ва бошқа кўплаб омилларга боғлиқ. Иш бажаришда бажарувчининг шу ишни қай даражада уddyалай олиши мухим аҳамиятта эга. Ўз иш методикасига катта эътибор берган мутахассисгина яхши натижаларга эришади. Ўқитувчининг асосий вазифаси ўкувчиларга таълим бериш, тарбиялаш ва уларни маънавий ҳам диалектик ривожлантиришдир.

Ҳар қандай жамият ўз олдига ижтимоий ва иқтисодий ривожланишни мақсад қилиб қўяди. Уни амалга ошириш таълим системасини ислоҳ қилишдан бошланади. Жамият талабидан келиб чиқиб, ўрта умумтаълим мактаблари фан асосларининг элементар билимларини бериши, ўсиб келаётган авлоднинг қизиқишлари ва қобилиятларини ҳисобга олган ҳолда фан ва техниканинг ривожи даражасида дунёқарашларини шакллантириш, сиёсий ва ижтимоий ҳаётга тайёрлаши, шунингдек эстетик дидли, маънавий ва жисмонан баркамол бўлиб етишишларини таъминламоғи зарур. Шу боис ҳар қандай давлатнинг келажаги бевосита ўқитувчиларнинг фидокорона мөҳнатлари натижасига боғлиқдир.

• Ўқитувчи деган улуғ номга лойиқ бўлиш учун инсон бу сўзнинг нақадар теран маънога эгалигини ҳис қўлмоғи лозим. Ўқитувчи келажак авлодни шакллантиради, тарбиялаб вояга етказади, шунинг учун ўбу йўлдаги барча жараёнларни ўз вақтида аниқлай олиши зарур. Ўқитувчи учун сиёсий саводхонлик ҳам мухим аҳамиятта эга.

• Ўқитувчи ўз касбининг устаси бўлиши керак. Лекин бошқа кимёғар мутахассислардан фарқли равища, кимё ўқитувчисига кимёвий билим ва малакаларни мукаммал билишнинг ўзи етарли эмас. Ўз билишини ўкувчиларга самарали етказа олиш учун ўкувчиларни яхши билиш ва уларнинг руҳиятига кириб бориш, ўқитиш усулларини мукаммал эгаллаш, ўқитишдан кўзда тутилган мақсадни тўла тасаввур этиш, унга эришишнинг восита ва йўлларини яхши билиш керак.

Ҳар қандай фан ўқитувчиси ўзи ўқитаётган фанининг дидактик билимлар асосига эга бўлиши, билим беришнинг умумий методларини эгаллаши, ўкувчиларни фикрлаш хусусиятларидан хабардор бўлиши, ҳаёт тажрибасига эга бўлиши лозим. Ўқитувчи ўз устида ишлаб, доимий равища билимларини орттириб бориши, ўқитиш-

нинг янги методларини излаши, ўқув жараёнини такомиллаштириб бориши зарур. Ўқувчилар учун ўқитувчи фақат оддий маълумот берувчи бўлмасдан, балки ҳар томонлама иборат ҳам бўлиши лозим.

Замонавий ўрта таълим мактаблари ўқитиш жараёнида уч муҳим вазифани амалга оширади: *таълим бериш, тарбиялаш ва ривожлантириш*. Бу вазифаларнинг ҳар бири алоҳида илмий билимлар системасининг ўрганиш обьекти ҳисобланади. Таълим бериш вазифасини дидактика, тарбиялаш вазифасини тарбия назарияси, ривожлантириш вазифасини эса психология ўрганади. Кимё фанининг ўзи ҳам алоҳида мураккаб тушунчалардан иборат система ҳисобланади. Улар биргалиқда янги системани ташкил этади ва бу система кимё ўқитиши методикаси (КЎМ) деб номланади.

КЎМнинг фан сифатида эътироф этиш учун юқоридаги барча системаларни унинг таркибий қисмлари сифатида қараш лозим. Чунки бу системалар КЎМнинг психологик асосларини ташкил қиласди. Шунга асосланган ҳолда КЎМни ўқувчиларга таълим ва тарбия берувчи, уларнинг дунёқараашларини ривожлантирувчи педагогик фандейиш мумкин.

Ўқувчиларнинг ёши, индивидуал қизиқишлари, қобилиятлари, жамият талабларини инобатга олиш, фан-техника ютуқларини ўқитиш жараёнига татбиқ этиш, ўқувчиларнинг ҳар томонлама баркамол бўлиб етишишларига ёрдам беради. Педагогика илмгоҳларида КЎМ фанини ўқитилиши талабаларнинг касбий тайёргарликларини таъминлайди. Ўқитувчининг эгаллаган методик билим савияси, унинг дарс бера олиш қобилияти, дарс самарадорлигини ва ўқувчилар ўртасидаги обрў-эътиборини белгилаб беради.

КЎМ фани психология ва педагогика, шунингдек бошқа табиий ва ижтимоий, гуманитар фанлар билан узвий боғланган. КЎМда фалсафий, сиёсий, иқтисодий тушунчалардан кенг фойдаланилади, педагогик ва психологик билимларга асосланилади. Ўқитиш жараёнининг қонуналари ва ўзлаштириш психологиясини билмасдан туриб, кимёни ўқитиши мумкин эмас.

КЎМнинг ўқув фани сифатида асосий вазифасини — бўлгуси кимё ўқитувчиларини ўрта мактабда ишлаш пайтида зарур бўладиган билимлар ва малакалар билан қуроллантиришдан иборат. КЎМ фани бўлажак кимё ўқитувчиларига мактабда ўзининг илмий тарбиявий фаолиятини қандай ташкил этишини, бунда техника хавфсизлиги ва атроф-муҳит муҳофазаси масалаларини эътиборга олиш лозимлигини ўргатади. КЎМ маълум кетма-кетликда, бир системага солинган ҳолда ўрганилади.

Дастлаб ўрта мактаб кимё ўқув предметининг бутун курси давомида доминантлик бўйича, ўқитишининг таълим бериш, тарбиялаш ва ривожлантириш вазифаларининг моҳияти очиб берилади. Кейинги

босқичда кимё ўқитиши жараёнини ташкил этиш билан таништирилади. Ўқув курсини бу босқичдаги структура элементлари: ўқитиши усуллари, восита ва шакллари, шунингдек, ўқитувчининг нутқи ҳисобланади. Булар ўзаро узий боғланган бўлиб, ўқитишининг уч вазифа нуқтai назаридан қараб чиқилади.

КўМни ўрганиш фақат маъруза билан чегараланиб қолмасдан, бўлажак кимё ўқитувчиларида кимёвий тажрибаларни намойиш қила олиш ва амалий машгулот ҳамда лаборатория тажрибаларини ўтказа олиш кўникма ва малакаларини шакллантиришни ҳам назарда тулади. Бундан ташқари уларга мактаб дастуридаги мавзуларни ўргатиш, ҳисоблашга оид масалаларни ечиш, дарсларни режалаштириш ва ўтказиш малакалари берилади.

Бошқа ҳар қандай фанда бўлганидек КўМнинг ҳам ўз ривожланиш тарихи мавжуд. КўМга оид дастлабки илмий ғоя ва қарашларнинг пайдо бўлиши XVIII асрга тўғри келади. Кимё фанининг вужудга келиши ва ривожланиши билан бир вақтда КўМ ҳам вужудга келган ва ривожланган.

Рус олими М. В. Ломоносов кимё фанини билувчи етук арбобларни тарбиялаб етказиш тўғрисида ғамхўрлик қилганларнинг дастлабкиси бўлган. М. В. Ломоносов атомистик нуқтаи назардан ишлаб чиқсан “Чин физик кимё муқаддимаси” асарида кимё фанининг вазифалари, мазмуни ва методларини кўрсатиб беради. У кимёни ўргатишида кимё фанининг методларидан, хусусан модда ва жараёнларни сифат ва миқдорий жиҳатдан ўрганишга олиб келувчи тажрибалардан фойдаланиш зарур деб ҳисоблаган. Шу билан бирга Ломоносов кимёни ўрганища математик ва физик усулларга алоҳида эътибор берган.

КўМнинг ривожланиши бевосита кимё фанининг ривожланиш даражаси билан боғлиқ, барча даврлардаги буюк кимёгарлар ўзларининг назариялари ва қонунларини ўргатиш билан шуғулланганлар. КўМнинг ривожига салмоқли ҳисса қўшишда А. Лавузье, Ж. Дальтон, С. Каниццаро ва бошқаларнинг хизматлари катта.

Д. И. Менделеевнинг “Даврий қонун”ни кашф қилиши кимё методикаси учун муҳим босқични бошлаб берди. Унинг даврий қонун асосида ёзган “Кимё асослари” дарслиги босиб чиқилгач, элементлар даврий жадвали гуруҳлари бўйича ўрганила бошланди. Бу усул ҳозирги кунда ҳам анорганик кимёни ўрганишининг асоси ҳисобланади. Д. И. Менделеевнинг методикасида кимё ўқитишининг аниқ шаклланган мақсад ва вазифаларини кўриш мумкин. У доктриник ўқитишига қарши бориб, ўқувчиларни илмий хуносалардан келиб чиқсан ҳолда ўқитишига ижобий ёндашиш лозимлигини кўрсатади. Менделеев кимёни саноат ва қишлоқ хўжалиги билан доимий алоқасини очиб бериш лозимлигига тўхталиб ўтади. У асосий эътиборни тажриба ўтказишга қаратади. Унинг

фикрича, амалиётда құлланиладиган моддаларни ўргатиши мақсадға мувофиқдір.

Догматик тауымга қарши чиққанлардан яна бири А. М. Бутлеров бўлиб, у ҳам кўп эътиборни методик муаммога қаратган. У яратгандык асосида дунёнинг моддий жиҳатдан бирлиги тўғрисидаги фояни ривожлантириш ётади. Буни у турли органик бирикмалар орасидаги ўзаро боғлиқликни ҳар томонлама очиб берувчи органик бирикмаларни “Кимёвий тузилиш назарияси” асосида баён қилиб беради. Ўзининг методик қараашлари ва йўлларини “Органик кимёни мукаммал ўрганишга кириш” қўлланмасида аниқ ёритиб берган.

Ўрта Осиё халқларида, хусусан, Республикамиз ҳудудида XX асрнинг бошларигача ўқитиш назарияси, шу жумладан, КўМ назариялари билан маҳсус шугулланувчи муассаса мавжуд бўлмаган. Бундай муассаса 1940 йилларга келиб республикамиз пойтахтида фаолият кўрсата бошлади. Ҳозирда педагогика фанлари илмий текшириш институти ва унга боғлиқ бўлган олийгоҳлар замонавий методик усулубларни яратишида, ўқитувчиларни методик маҳоратларини оширишда фаол ҳисса қўшиб келмоқда.

1920 йилларда кимё фани умумтаълим мактаблари ўқув дастурига мажбурий предмет сифатида киритилди ва кимё методикаси педагогик фанларнинг алоҳида йўналишига айланди. Бу даврда киё фанига, шунингдек, КўМга салмоқли ҳисса қўшган олимлардан В. Н. Верховский, С. И. Сазонов, К. Я. Парфёнов, Л. М. Сморгонский, П. П. Лебедов, Я. Я. Гольдфарб, Н. Л. Глинка, Ю. В. Ходаков ва бошқаларни эслаш жоиз.

Шу даврда кимёдан мактаб дастури тузиш муаммоси пайдо бўлди. Бу вазифани ҳал қилиш учун икки комиссия ишлади, Петроград (В. Л. Верховский раҳбарлигига) ва Москва (П. П. Лебедов раҳбарлигига) комиссиялари. Улар бир-биридан кескин фарқ қилувчи икки дастур лойиҳасини ишлаб чиқдилар.

Петроградлик муаллифларнинг асосий мақсади ўқувчиларнинг фикрлаш фаолиятини ошириш билимга қизиқишиларини йўналтириш ҳамда ривожлантиришга қаратилган эди. Бу мақсадда моддаларни синфлаш, даврий қонундан курснинг охирида умумлаштириш жараённада фойдаланиш фояси берилган эди. Намойиш қилинадиган тажрибаларга, лаборатория ишларига, шунингдек амалий машғулотларга ҳам вақт ажратилган эди. Асосий эътибор кимё курси мазмунини чуқур ўрганишга восита бўлиб хизмат қилувчи кимёвий символикага қаратилган эди. Муаллифларнинг фикрича, кимё курсини эгаллаган ўқувчи олган билимини амалий фаолиятда қўллай олиши даражасига етган бўлиши зарур.

Дастур қуйидаги камчиликларга эга эди: атом ва молекула ҳақидаги тушунчалар берилмаган, тавсия этилган ўқув адабиётлари асосан

таржима қилинган адабиётлар эди. Шунга қарамасдан, бу дастур учун 1938 йилда В. Н. Верховскийга ҳимоясиз ҳолда педагогика фанлари доктори илмий даражаси берилди.

Москва лойиҳасининг асосида кимёни халқ хўжалигида амалий қўллаш тоғаси ётар эди. Дастур илмий изланишга ёндашув тарзида ёритилган. Унда турли хил моддаларни олиш характеридаги амалий ишлар келтирилган бўлиб, жараёнларни миқдорий ўрганишга алоҳида эътибор қаратилган эди.

Москва лойиҳасининг камчиликлари: аниқ системали тузилиш мавжуд эмас, қонун, назария ва тушунчалар фақат санаб ўтилган, даврий қонун эса ўрганилмас эди.

Кимё ўқитишнинг кейинги тузилиши ва мазмуни кимё фанинг ривожланиш ва давр талабидан келиб чиқиб, муайян ўзгартиришлар киритилди. Хусусан, Республикаиз мактаблари олдида бугунги кунга келиб таълим соҳасидаги янги ислоҳ муносабати билан кимё таълимининг қасбий йўналиш ва тарбиявий вазифасини кучайтириш, ўқитиш жараёнларида компьютерлардан самарали фойдаланиш муаммосини ҳал қилиш турибди. Ўқувчиларга фан асосларини бериш билан бир вақтда уларнинг дунёқараашларини ривожланган давлатлар даражасига олиб чиқиш муҳим вазифа қилиб белгилаб қўйилди.

Демак, КЎМ — кимё, педагогика ва психология фанларининг ўзаро қўшилуви натижасида вужудга келган фан ҳисобланади.

КЎМнинг фан сифатида шаклланиб ривожланишида ўқитувчнинг асосий вазифаси ўқувчиларга имлий далилларга ҳурмат билан муносабатда бўлишни тарбиялаш, тушунтиришни замонавий назариялар кетма-кетлигида олиб борищдан иборат. Кимёвий тажрибалардан кимё фанининг илгор методи сифатида кенг фойдаланиш ҳақидаги методологик гоялар ҳам муҳим аҳамиятга эга. Бу гоялардан фойдаланиб, кимё методикасининг педагогик билимлари билан бойиган янги тизими кейинги авлодлар томонидан яратилди ва ҳозирда ўрта мактаб таълимида қўлланилмоқда.

Ўқитиш жараённида ҳамкорлик натижасида ўқувчиларнинг билиш фаолиятини амалга оширишга қаратилган иш бажарилади. Натижанинг салмоғи шахснинг ҳар томонлама гармоник баркамоллиги (маълумотлилиги, тарбияланганлик ва умумий камолот даражаси, дунёқараashi, олинган билимларни амалда қўллай олиши) ни белгилаб беради. Бу кўрсаткичнинг юксак даражада бўлиши ўрта таълим мактабларида ўқитишнинг уч вазифасини биргаликда узвий боғланишда олиб боришини талаб қиласи.

Замонавий дидактика нуқтаи назаридан ўқув жараёнининг вазифаси нафақат билим бериш, кўникма ва малакаларни шакллантириш, балки шахсга комплекс таъсир этишидир. Таълим бериш ту-

шунчаси кўпинча далилий ва назарий билимлар беришни ўз ичига олади. Таълим бериш жараёнида нафақат шу соҳага оид билим ва кўнікмалар, шунингдек, шахснинг сифатлари: эътиқоди, дунёқараши, маънавияти, ички дунёси ва бошқалар шаклланади ва ривожланади.

Ўқитишинг таълим берувчи, тарбияловчи ва ривожлантирувчи вазифалари ўзаро узвий боғлиқ бўлиб, ўқитувчи бу вазифаларни амалий фаолиятида, дарсни режалаштириш вақтида, дарс мақсадини аниқлашда алоҳида эътиборга олиши лозим.

Бу вазифаларни амалга ошириш учун ўқитувчи:

1. Ўқувчилар томонидан фан асосларини (муҳим кимёвий тушунчалар, қонунлар, назарияларни) онгли равишда ўзлаштиришга эришиши, фаннинг методлари билан танишириши.

2. Илмий материалистик дунёқарашни шакллантириши.

3. Тўғри сиёсий фояларни, меҳнатсеварлик, предметга қизиқиш ва табиатга эҳтиёткорона муносабатда бўлишни тарбиялаш.

4. Ўқувчиларнинг фикрлаш қобилиятини, мустақиллiği ва билимларини эгаллашда фаолиятни ривожлантириш.

5. Халқ хўжалигини кимёлаштиришнинг асосий йўналишлари, ишлаб чиқаришнинг асосий жараёнларидаги кимёning ўсаётган роли билан танишириш, билим ва кўнікмаларни амалда кўллай олиш кўнікмасини шакллантириш; ўқувчиларни касбга тайёрлаш, онгли равишда касб танлашларига эришмоғи лозим.

Кимё курси асосида кимёвий далилларни диалектик ўзаро узвий-лигини ва боғланганлигини исботлаш мумкин. Мисол тариқасида элемент хоссаларининг атом тузилиши билан боғлиқлигини, органик моддаларнинг хоссалари уларнинг тузилишига боғлиқлигини қайд этиш мумкин. Ҳар икки ҳолда тузилиш сабаб бўлса, хосса хулоса ҳисобланади. Буларнинг барчаси ўқувчида билимнинг ҳақиқий-лигига ишонч ҳосил бўлишига олиб келади.

Дунёқараш доимий фаолият натижасида шаклланади. Ўқув предмети ўқувчига маълумот (мазмун) беради, фалсафий қарашлар эса ўқувчиларнинг ўзлаштириш ва дунёқараш фояларини қўллаш вақтидаги мустақил фаолиятида шаклланади. Ўқитувчи мана шу фаолиятни ташкил эта олиши лозим.

Илмий дунёқарашнинг шаклланиши бир неча босқичларда амалга оширилади.

1-босқич. Алоҳида гоявий қарашлар кўриб чиқилади (тайёрлов босқичи). Бу фикрий умумлаштиришнинг қутий босқичи ҳисобланади. Масалан, “Дастлабки кимёвий тушунчалар” мавзусида модда хоссалари ҳақидаги, миқдор ва сифат тўғрисидаги (кимёвий формула ва тенгламаларни ёзиш пайтида, массанинг сақланиш ва таркибнинг доимийлик қонунларини ўрганишда) тушунчалар берилади. Қарама-қаршилик ҳақидаги тушунчалар оддий ва мураккаб модда-

ларни, металлар ҳамда металлмасларни ўрганишда, атом ва молекулаларнинг реал мавжудлиги эса атом молекуляр таълимотни ўрганишда берилади. Модда массасининг сақланиш қонунини ўрганишда материянинг йўқолмаслиги кўриб чиқилади. Шу ерда кимёвий реакция миқдорий ва сифат жиҳатларга ажратилади.

2-босқич. Материя ҳаракатининг кимёвий форма даражасидаги бир қатор асосий қарашлари шакллантирилади. Бу Д. И. Менделеевнинг дарвий қонун ва кимёвий элементлар даврий жадвали” мавзусида амалга оширилади. Бунда атомларнинг ички қарама-қаршиликлари даврий жадвалдаги элементларнинг ўзаро алоқаси миқдорий ўзгаришларнинг сифат ўзгаришларга олиб келиши ва бошқалар очиб берилади. Даврий қонун тўғрисидаги билим элементлар ва моддалар хоссасини аввалдан аниқлаш имконини ҳамда қонуннинг объективлигини ва уни дунёни англашдаги аҳамиятини белгилаб беради.

3-босқич. 8—9-синф мавзулари охирида фоявий қарашларни чукурлаштириш, янги ўрганилаётган мавзу билан уларни тўлдириб бориш билан ўқитувчи ва ўқувчиларнинг ҳамкорликдаги фаолияти вужудга келади.

4-босқич. Фоявий қарашлар ва тушунчаларни фалсафий даражада умумлаштириш, уларнинг органик кимё ва 11-синф мавзуси асосида аниқлаштириш, ривожлантириш, табиий фанлар билан алоқасини ўрганиш, органик кимё курсида ўқувчиларга боғланиш табиати, валент бурчак ва бошқаларни ўргатиш уни фан сифатида шакллантириди, органик реакцияларнинг механизми ва бориш давомийлиги вақт ҳақида гапириш имконини беради. Бу “вақт” деган фалсафий тушунча мавжудлигини англатади. Органик кимё курсида ўзига хослик ва алоҳидаликка оид умумий тушунчалар органик бирикмаларнинг қўйидаги синфлари: углеводородлар, спиртлар, альдегидлар, аминлар ва шу кабилар асосида шакллантирилиши керак.

5-босқич. Ўқувчиларда материя ҳаракатининг кимёвий шакли ҳақидаги тасаввурлар табиий фанлар ва фалсафа даражасида маълум системага солинади. Бу 11-синфда умумий кимё асосларини умумлаштириб ўқитиш жараёнида амалга оширилади.

Илмий материалистик дунёқарашни шакллантиришда кимё предметининг роли ниҳоятда муҳимdir.

Билимларни тўлақонли ўзлаштирилишини таъминловчи ўқитиш жараёни ўқув фаолиятини шакллантириди ва шу билан ўз-ўзидан аклий ривожланишга таъсир кўрсатади.

Таълим жараёнида ривожлантирувчи вазифанинг муваффақиятли бориши учун кимёвий мазмуннин маҳсус методикасини ишлаб чиқиш, ўқув жараёнига алоҳида тайёргарлик кўриш ва ҳар бир ўқувчинг руҳиятига чукур кириб бориш лозим:

Ривожлантирувчи таълимнинг мураккаблиги шундан иборатки, ҳар бир ўқувчининг ривожланиши алоҳида бўлади. Айни бир хилдаги натижага улар турли йўллар билан ва турли вақт ичиде эришадилар.

Ривожлантирувчи таълим назариясининг асосий ҳолатлари қуидагилардан иборат:

1) Таълим юксак, аммо ўзлаштира олиш даражасида тузилиши, шу билан бирга материални ўзлаштиришнинг қийинлик даражасини маълум жиҳатдан сақлаб қолиш лозим. Акс ҳолда онгли ўзлаштириш ўрнига механик тарзда ёдлаш ҳолати кузатилади.

2) Материални ўқитиш тезлиги ўқувчилар имкониятидан ортиб кетмаслиги лозим.

3) Назарий билимлар миқдорининг кескин ортиб бориши. Бу ҳолат ҳозирги замон мактаб кимё дастурида ўз аксини топган.

4) Ўқув жараёнини ўқувчилар томонидан онгли тушуниб олиниши. Бунда нафақат билимларни онгли равишда ўзлаштириш, балки усулларидан онгли фойдаланиш ҳам назарда тутилади.

Ўқувчиларнинг фикрлашларини ривожлантиришга ўқув жараёнини доимий фаоллаштириш, таълим олувчиларни билим олиш жараёнидаги фаолликларини ошириш орқали эришиш мумкин. Бунинг учун билимлар заҳирасининг ортиб боришининг ўзи етарли эмас, олинган билимларни тақрорлиги ва қайта ишлаш учун ақлий фаолият кўрсатилиши, билимларни мустаҳкамланиши, хуносалар чиқарилиши зарур.

Таълимни ривожлантиришнинг психологик шартлари қуидагича:

1) Кимёвий билимларни шакллантириш ва ривожлантириш, ақлий фаолиятни юзага келтириш, яъни кимёвий тушунчаларни шакллантиришда қайси усул ва фикрлаш жараёнларидан фойдаланиш зарурлиги кўрсатилиши керак. Билимларни ривожлантириш — ижодий қобилият ва мустақилликни ривожлантиришнинг асосидир.

2) Интеллектуал кўникмаларни шакллантириш ва ривожлантириш. Бунда ўқувчиларни мантиқий фикрлашга ўргатиш мухимdir. Таққослаш усулларидан фойдаланиш, анализ ва синтез қилиш, хуноса чиқариш, умумлаштира олиш, фикран тасаввур этиш, асослай олиш каби сифатларни шакллантириш лозим.

3) Ўзлаштиришнинг оқилона йўлларидан фойдалана олишни шакллантириш ва ривожлантириш (ўқиш кўникмаси).

Ўқитиш жараёнинда барча руҳий шароитларга амал қилинганда аста-секинлик билан ўқувчиларнинг ақлий ривожланишига эришилади. Буни руҳшуносларнинг фикрича қуидагилардан билиш мумкин:

- фикрлашнинг тизимлилиги, бунда мураккаблик даражасининг кетма-кетлик тартиби тушунилади;
- янги вазифаларини ҳал қилишда билимларни кенг қўллай олиш кўникмасининг шаклланганлиги;
- нисбатан тез фикрлаш, фикрлаш жараёнининг қатъийлиги, мустақиллик, мантиқийлик.

Кимё таълими жараёнида ўқувчиларни ҳар томонлама ривожлантириш — бу мактаб олдида турган муаммолардан биридир. Бизда кимёни ўқитишида таълимнинг ривожлантирувчи вазифасини амалга ошириш учун барча шароитлар етарли: дидактикада ва психологияда унинг назарий асослари ишлаб чиқилган, кимё методикасида уни амалга ошириш воситалари кўрсатилган, методиканинг вазифаси — ўқитувчи қўлига мактабга кимё таълимида ривожлантириш вазифасини амалга ошириш юзасидан тавсиялар беришдан иборат. Ўқувчиларни кимёни ўқитишида ривожлантиришнинг воситалари сифатида ўқув жараёнининг актив характеристи ва мазмун системаси, шунингдек муаммоли ўқитиши олиш мумкин.

Муаммоли ўқитиши — ўқувчилар онгини ривожлантиришнинг музхим воситасидир. Муаммоли ўқитиши методикаси айни предметнинг мазмуни ва ўқувчиларнинг билиш имкониятларидан келиб чиқиб аниқланади. Муаммоли ўқитишида асосий босқич муаммоли вазияти тури турли усуулар билан ҳосил қилиш ҳисобланади. Муаммоли ўқитишида ўқитувчининг дарс бериш методикаси ўзгаради, у дарсда баҳс ўюстира олиш малакасига эга бўлиши керак.

Шундай қилиб, таълим билан тарбиянинг муносабати бир томонлама эмас. Тўғри ташкил қилинган тарбия жараёни тезда ўз мөвасини беради, яъни ўқувчиларнинг ўзлаштиришига таъсир кўрсатади. Ўқувчиларда интизомлилик, ташкилотчилик, фаоллик ва бошқа шу каби сифатларнинг тарбияланиши, билимни фаол тарзда ва муваффақиятли ўзлаштиришга сабаб бўлади. Таълим-тарбиянинг бирлиги ўқув жараёнида ўқувчи шахсини ҳар томонлама ривожлантиришга олиб келади.

НАЗОРАТ САВОЛЛАРИ

1. Ўқитиши методига таъриф беринг.
2. Ўрга таълим мактаблари қандай вазифани бажаради?
3. Кимё ўқитиши методикаси фаннинг қандай муаммолари билан шугууланади?
4. КЎМнинг фан сифатида асосий вазифаси нимадан иборат?
5. КЎМ фани қандай вужудга келган?
6. Ўқитиши жараёни деб нимага айтилади?
7. Мактаб кимё ўқув предмети қандай вазифани бажаради?
8. Илмий дунёқараш қандай шакллантирилади?

2-§. МАКТАБДА КИМЁ ЎҚИТИШНИНГ МАҚСАД ВА ВАЗИФАЛАРИ

Хозирги кунда ҳар бир ўқитувчи, педагогик жамоа, халқ таълими бўлимларининг олдида ўсиб келаётган ёш авлодни ўқитиш ҳамда уларни маълум бир касбга лаёқатли қилиб тарбиялаш, шунингдек ўрта умумтаълим, ўрта махсус, касб-хунар ва олий таълимни ислоҳ қилишнинг асосий йўналишларини амалга ошириш вазифаси турибди. Бу вазифани амалга оширишда бошланғич масъулият умумтаълим, ўрта махсус ва касб-хунар мактабларининг ўқитувчилари зиммасига тушади.

Ўқитувчи балофат ёшига етмаган шахснинг ақлий ва маънавий дунёсига кенг таъсир этувчи, жамиятнинг ишончли вакилидир. Унга жамият ўзининг энг бебаҳо бойлиги — келажагини, яъни болаларини ишониб топширган. Бу шарафли ва шу билан бирга катта масъулиятли касб одамда доимий ижодий ҳаракатни, узлуксиз ақлий фолиятни, ижодий бағрикенгликни, болаларга муҳаббатни, ўзи ишининг самарасига чексиз ишончни талаб қиласди.

Бошқа ўқув предметларининг ўқитувчилари каби кимё ўқитувчисининг мақсад ва вазифалари ҳам, жамиятнинг талаб ва эҳтиёжларидан келиб чиқиб, мактабнинг умумий вазифалари билан белгиланади. Шунга кўра кимё ўқитувчиси тайёргарлик кўришда ўқутарбиявий жараённи ташкил этиш тоғасига ижодий ёндашган ҳолда ўз фаолиятини амалга ошириб бориши лозим. Бунинг учун ўқитувчи ўқувчиларнинг билиш имкониятлари, қизиқишлари ва қобилиятларини ҳисобга олиб, қуидагиларнинг моҳиятини очиб бериши лозим: модда хоссасининг унинг тузилишига боғлиқлигини; модда хоссаларидан фойдаланиб, уларни амалда қўллаш соҳаларини, кимёвий реакцияларнинг бориш қонуниятлари асосидаги билимлардан фойдаланиб, жараёнларни бошқариш имкониятлари; анорганик ва органик моддаларнинг материал бирлиги моддалар ўртасидаги ўзаро боғланиш, мамлакат ҳўжалигини ривожлантиришда кимёнинг аҳамияти; атроф-муҳитни муҳофаза қилиш.

Асосий кимёвий тушунчалар, илмий далиллар, қонунлар ва назариялар асосида кимёвий билимларни, кўнишка ва малакаларни (амалий кўнишка ва малакалар, дарслик, қўлланма ва қўшимча адабиётлар билан мустақил ишлаш, жавобларни режалаштириш, ўз-ўзини назорат қилиш малакаси ва бошқалар) фанлараро боғланишдан фойдаланиб шакллантириш, ўқувчилар билимидаги етишмовчиликни ўз устида ишлаш орқали тўлдириб боришни мукаммалаштириш.

Ўқувчиларни диалектик-материалистик дунёқарашларини шакллантириш воқеа-ҳодисалар ўртасидаги сабаб-оқибатлар алоқасини, дунёни ва унинг қонуниятларини билиш, келгуси фаолиятга ижодий тайёргарликни юзага келтириш.

Ўқувчиларни гоявий-сиёсий тарбиялаш (хукумат ва Республика Президентининг мамлакатда ижтимоий, сиёсий аҳволни яхшилаш ва ривожлантириш юзасидан чиқарган фармон ва қарорлари билан, шунингдек уларнинг бажарилиши билан таништириб бориши).

Ўқувчиларда Ватанга садоқат, байналмиллик, жамоа ишига содиқлик каби сифатларни тарбиялаш.

Ўқувчиларни иқтисодий ва экологик таълим бериш жараёнида (замонавий кимёвий ва биокимёвий ишлаб чиқаришнинг илмий асослари тўғрисидаги билим, кўникма ва малакаларни шакллантириш; миллатимизнинг меҳнат анъаналари ва ютуқлари қизиқиш уйғотиши ва ривожлантириши) эстетик тарбиялаши керак.

Ўқувчиларнинг интеллектуал, эмоционал ва билишга қизиқишлиари, интилишларини ривожлантириш мақсадида, ўқувчиларда ўрганилаётган материалнинг моҳияти ва асосий гоясини англаш малакасини, воқеликни таққослай олиш, ҳодисаларнинг сабаб-оқибат алоқаларини аниқлай олиш, умумлаштириш, фикрни мантиқий баён қилишни ривожлантириш; ўқувчиларда мустақилликни ривожлантириш (муаммоли вазиятларда қатнашиш, уйга вазифалар устида ижодий ишлаш, мустақил масала еча олиш, ребуслар, бошқотирмалар тайёрлаш), билишга қизиқиши ривожлантириш: дарс мазмунига янгича элементларни киритиш, ўрганилаётган материални ҳаёт билан узвийлигини кўрсатиш, илмий ва амалий аҳамиятини очиб бериш, ўқитиш жараёнига таълим-тарбиянинг турлича услуб ва шаклларини кўллаш, ўқувчиларнинг индивидуал қобилиятларини, қизиқишлиарни орттиришнинг турли усусларидан фойдаланиш, бунда нафақат паст ўзлаштирувчи ўқувчиларни, шунингдек кимёга қизиқкан ўқувчиларни ҳам диққат марказда тутиш лозим. Ўқувчиларни кимёни ўқитиш жараёнида фикрлаш қобилиятларини ривожлантиришнинг асосий воситаси кимё курсининг ўзидир.

Мактаб кимё курсининг мазмуни дастур асосида белгиланади ва ўқувчиларнинг фикрлаш даражасини синфдан-синфга ўтиш давомида доимий равишда ошириб биришни, уларни дунё ҳақидаги тасаввурларини умумлаштиришни назарда тутади.

7—8-синфларда атом, молекула, дастлабки кимёвий тушунчалар, асосий қонунларнинг моҳияти ҳақидаги, шунингдек элемент ва унинг бирикмаларининг хоссаларини даврий ўзгариши тўғрисидаги тасаввурлар берилади. Атом тузилишининг содда структураси билан таништирилади.

9-синфда моддаларнинг ва жараёнларнинг тузилиши, моддаларни ионларга ажралиши нуқтаи назаридан қараш, жараёнларнинг бориши ва уларни бошқаришнинг хусусиятлари, муҳим кимёвий ишлаб чиқариш усуслари ҳақидаги билимлар берилади. Углерод бирикмалари ўрганилганда органик бирикмалар ҳақида маълумот берилади.

Эски тизимга кўра, 10-синфда органик моддаларнинг тузилиши ва хоссалари, изомерияси, амалий аҳамияти, улар орасидаги генетик алоқа ўрганилади.

11-синфда биоорганик моддалар, уларнинг таркиби, тузилиши ва хоссалари билан таништирилади. Ўқувчилардаги анорганик ва органик кимё бўйича олинган билимлар маълум системага солинади ва умумлаштирилади. Жисм ва модда, кимёвий элемент ва оддий модда, кимёвий формула, кимёвий реакциялар ва шу каби бошқа муҳим тушунчалар шакллантирилиб, ривожлантириб борилади. Мана шу база асосида ўқувчиларнинг билимлари, хусусан фикрлай олиш доираси ривожлантириб борилади.

7-синфда кимёвий реакциялар — янги моддаларни ҳосил қилувчи жараён сифатида қаралади ва бошланғич модда ҳамда реакция маҳсулотига қараб классификацияланади.

8—9-синфларда шу фикрни ривожлантира бориб оксидланиш-қайтарилиш реакциялари, ион алмашиниш реакциялари, қайтмас ва қайтар реакциялар билан таништирилади. Уларнинг бориши қонуниятлари ўргатилади.

10-синфда органик реакцияларнинг турлари, уларни бориши механизми ўргатилади.

11-синфда эса қуий синфларда ўрганиладиган кимёвий тушунчалар тўғрисидаги билимлар бир системага солинади ва умумлаштирилади.

Шундай қилиб, кимё курсининг барча бўлимлари ўзаро узвий равища, уларни бир бутун қилувчи, системали ривожлантириб борувчи тушунчалар билан боғланган. Ўқувчилар билимининг системали бўлишига мазмуннинг системали бўлиши сабаб бўлади. Қачонки билим ишончли бўлса, ўқувчиларнинг фикрлаш кобилияти системали хусусиятга айланади. Мактаб кимё курси мазмунида назарий саволларни қуий синфдан юқори синфга ўтган сари кучайтириб бориши анъанаси кузатилади. Масалан, Д. И. Менделеевнинг “Кимёвий элементлар даврий жадвали ва даврий қонуни” мавзуси 8-синфда ўрганилади, 9-синфда “Кимёвий реакцияларнинг асосий қонуниятлари” бўлими киритилган, 10-синф органик кимё курсида моддаларнинг хоссалари ва жараёнларнинг бориши, элемент атомининг электрон табиати нуқтаи назаридан ўрганилади, 11-синфда атом тузилиши ва кўп электронли атомларда электронларнинг тақсимоти квант тасаввурлари асосида ўрганилади. Назарий саволларни мактаб курсида шундай кучайтириб бориши билимларнинг системали шаклланишига олиб келади.

Тушунчаларни назарий фикрлаш асосида, абстракт тафаккурдан амалиётга ўтиш йўли билан шакллантириб бориши зарур. Бу — кўп хатоликлардан сақловчи энг самарали усул ҳисобланади. Айниқса, ўқувчиларнинг ўzlари бу ишни мустақил амалга оширсалар янада яхши самара беради.

Умумлаштириш — бу фикрлаш фаолиятининг олий даражасидир. Қолған барча фикрлашга мажбурловчи усуллар ўқитувчини умумлаштиришга тайёрлайди. Қуйи даражадаги умумлаштириш ўқувчиларда кўникмаларни ҳосил қиласи ва кейинги босқичга тайёрлайди.

Ўрта мактаб кимё курсида маҳсус умумлаштирувчи мавзулар мавжуд бўлиб: 7—8-синфларда анорганик моддаларнинг синфлари ва хоссалари, 9-синфда кимёвий элементларнинг даврий жадвалдаги ўрни, атом тузилиши ва хоссалари, 10-синфда органик бирикмалардаги кимёвий боғланишнинг электрон табиати ва асосий органик бирикмаларнинг хоссалари умумлаштирилади, 11-синфда ўқувчиларнинг анорганик ва органик кимё курси бўйича олган барча билимлари системалаштириш асосида умумлаштирилади. Кимё ўқитувчиси ўз ўқувчиларида умумлаштира олиш кўникма ва малакаларини шакллантириши шарт. Умумлаштиришнинг амалий аҳамияти билан бир қаторда ўқитувчи билишнинг якуний босқичи, билимларни амалиёт билан боғлашни конкретлаштиришни ҳисобга олиши муҳимдир.

Кимёни ўқитишда ўқувчилар фикрини ривожлантириш учун турли воситалардан ташқари муаммоли ўқитиш; кўргазмали воситалардан, шунингдек, ўқитишнинг техник воситаларидан кенг фойдаланиш; билимларни системали назорат қилиш; мустақил ишларнинг турли усулларини кўллаш; ўқувчиларни ўқитишда дифференциал ёндашишдан ҳам фойдаланилади.

Ҳозирги фан ва техника тараққиёти шароитида таълимнинг ривожлантирувчи вазифасига талаб ортиб бормоқда. Шунинг учун ўқитишда фақат билимларнинг оддий жамланмасини бериш билан чегараланиб қолмаслик керак. Ўқитиш жараёнида ўқувчилар фикрлашининг диалектик системасини шакллантириш муҳим аҳамиятга эга бўлган вазифалардан биридир. Бу вазифани ҳал қилишда ҳозирда мавжуд бўлган методик усуллар ичida муаммоли ўқитиш кўпроқ самара бермоқда.

Муаммоли ўқитиш — бу ривожлантирувчи ўқитиш бўлиб, ўқувчиларнинг берилган билимларни ўзлаштиришга бўлган эҳтиёжини қондиришга қаратилган. Амалиётнинг кўрсатишича, ўқувчиларни ниманидир тушунишга бўлган эҳтиёжи муаммоли ўқитиш пайтида яққолроқ намоён бўлади. Ўз навбатида ўқитувчи олдида муаммоли ўқитиш доирасида ундан қаҷон ва қандай фойдаланишни аниқлаш вазифаси туради. Ўқитувчининг қўйган муаммосини ўқувчилар ҳал қилишда қийналмасликлари зарур. Муаммоли ўқитишни амалга оширишда асосий вазифа мазмунни таҳлил қила олиш, ундаги муаммони аниқлай олишдан иборат. Бундай ҳолда муаммоли ўқитишдан фойдаланиш системаликка эга бўлади. Бу эса фикрлашни, идрокни ривожлантиришда муҳим аҳамиятга эга.

8-синфда атом тузилиши назарияси ўтилгач, элемент хоссалари айни атомнинг тузилишига боғлиқми ёки боғлиқ эмасми? — деган муаммо пайдо бўлади. Ўз ўрнида баъзи саволларга ҳам жавоб бериш талаб этилади. Нима учун литий ва натрий элементларининг хоссалари ўхшаш? Нима сабабдан элементларнинг хоссалари даврий равишда ўзгаради? Нима учун нисбий атом массаларини ортиб бориш кетма-кетлигида бузилиш мавжуд? Яъни, калий элементи $^{39}_{19}\text{K}$, аргон элементи эса $^{39,9}_{18}\text{Ar}$ тартиб белгисига эга, аксинча эмас. Демак, кимёни ўқитишнинг ҳар бир босқичида ўқувчилар ўзларининг предмет бўйича тайёргарлик даражасига ва фикран ривожланганлигига қараб турли муаммоларни ҳал қилиб борадилар. Муаммоли ўқитиш дастурининг белгилари қўйидагилардан иборат: муаммоли вазиятлар сони, субъектнинг муаммони ҳал қила олишга тайёргарлиги, муаммоларни турли йўллар билан ҳал қилишнинг имкониятлари.

Муаммоли ёндашишни амалга оширишда қўйидаги босқичлар мавжуд.

1-босқич. Муаммони қабул қилишга тайёргарлик. Бу босқичда ўқувчилар муаммоларни ҳал қила олишлари учун зарурый билимларни бериш фаоллаштирилади. Тегишли тайёргарликсиз ўқувчилар муаммони ҳал қилишга киришишлари мумкин эмас. Масалан, 8-синф ўқувчилари олдига нима учун бир хил миқдор ва сифат таркибига эга бўлган моддалар турли хоссаларга эга бўлади? — деган саволга жавоб топиш қўйилса, бу муаммони ҳал қилишга ўқувчилар шошилмайдилар. Чунки уларнинг билимлари бу муаммони ҳал қилиш учун ҳали етарли эмас.

2-босқич. Муаммоли вазиятни яратиш. Бу муаммоли ёндашувнинг энг қийин ва жавобгарликни талаб қилувчи босқичи ҳисобланади. Бу босқичга тавсифли бўлган хусусиятлардан бири ўқувчилар ўқитувчи уларнинг олдига қўйган вазифани ҳал қила олмасликларидадир. Бундан улар ўзларидаги мавжуд билимлардан фойдаланиб, билимлар заҳирасини янги билимлар билан бойитишга ҳаракат қиласдилар. Бунинг учун улар қийинчиликнинг сабабини ҳис қилишлари зарур. Синф муаммони ҳал қилишга тайёр бўлса-да, уни уddeлай олмаслиги ҳам мумкин. Ўқувчилар вазифани муаммо аниқ бўлган-дагина ҳал қилишга киришадилар.

3-босқич. Муаммони тартибга солиш — бу юзага келган муаммонинг натижасидир. У ўқувчиларнинг изланиш ўйналишини, қайси саволга жавоб излаш лозимлигини кўрсатиб беради. Бу ўқитувчи томонидан ўқувчилар олдига қўйиладиган билиш вазифасидир. Агар ўқувчилар муаммоларни ҳал қилишга қизиқсалар, уларнинг ўзлари муаммоларни яратишлари мумкин.

4-босқич. Муаммони ҳал қилиш жараёни. У бир неча поғоналардан иборат:

- а) ғояни илгари суриш;
- б) ҳар бир ғояни ҳал қилиш учун режа тузиш;
- в) ғоянинг тасдиқланиши ёки тасдиқланмаслиги.

5-босқич. Ҳал қилиш йўлининг тўғри ёки нотўғрилиги, агар мумкин бўлса уни амалиётда аниқлаш. Муаммоли вазиятни яратиш ўқитувчидан катта маҳорат талаб этади. Шунинг учун услубчилар унга катта эътибор берадилар. Кимё ўқитишида муаммоли вазиятни яратиш учун КЎМ куйидаги усулларни тавсия этади.

— ўқувчиларга маълум бўлмаган ва тушунтириш учун қўшимча маълумот талаб этувчи бир қатор далилларни бериш ёки намойиш этиш. Уларда янги билимни эгаллашга интилишни пайдо қилиш. Масалан; ўқитувчи элемент атомининг аллотропик шакл ўзгаришларини намойиш этади ва нима учун бундай шакл ўзгаришларни айни бир элемент атомлари ҳосил қилиши сабабларини тушунтириб беришни талаб этади. Ёки ўқувчиларга NH_4Cl ва KCl тузларининг аралашмасини бир-биридан ажратиб бериш вазифа қилиб кўйилади. Ўқувчилар ҳали NH_4Cl нинг ҳайдалишидан бехабар бўлганликлари сабабли қўшимча маълумот излайдилар;

— ўқувчилардаги билимлар асосида нотўғри фикрлаш ҳосил бўлганда, мавжуд билимлар ва ўрганилаётган мазмун ўртасида қарама-қаршиликнинг пайдо бўлишидан фойдаланиш. Масалан, ўқитувчи ўқувчиларга куйидагича савол беради: CO_2 ни оҳакли сув орқали ўтказиб, шаффор эритма олиш мумкинми? Ўқувчилар аввал ўтказилган тажрибага кўра, оқ чўкма ҳосил бўлишини айтадилар. Ўқитувчи эса тажрибада $\text{Ca}(\text{HCO}_3)_2$ нинг ҳосил бўлишини намойиш этади ва тушунтириб беради;

— аввал ўрганилган назария ва қонун асосида янги билимларни тушунтириш. Масалан, нима учун Na_2SO_4 эритмаси электролиз қилинганда катодда водород, анодда кислород ажralиб чиқади? — деган саволга ўқувчилар металл ионларини оксидловчилик ҳамда анионларнинг активлик хоссаларидан келиб чиқиб, шунингдек оксидланиш-қайтарилиш жараёnlари, ионларнинг оксидловчилик ёки қайтарувчилик хусусияти ва электролизнинг моҳиятидан келиб чиқиб жавоб беришлари лозим. Бунда ўқитувчи уларни керакли йўналишга йўналтириб туради;

— маълум назария асосида фоя яратилади, сўнгра бу ғоянинг тўғрилиги амалиётда синаб кўрилиб, ишонч ҳосил қилинади. Масалан, чумоли кислотаси кислоталарга хос кимёвий хоссалар билан бирга альдегидларга хос кимёвий хоссаларни ҳам намоён қилишининг сабаби нима? Ўқувчилар бу саволга жавоб беришда ўз муносабатини билдирадилар. Ўқитувчи тажриба қилиб кўрсатади, сўнг тажриба натижасини тушунтиради;

— вазифани бажариш шароити ва охирги мақсади берилиб, уни ҳал қилишнинг энг қулай усулини топиш сўралади. Масалан, ўқитувчи рақамланган учта пробиркада уч хил модда: BaCl_2 , HNO_3 , ва NaOH эритмалари борлигини айтади ва уларни кам сонли синаш йўли билан аниқлашни тавсия этади. Ўқувчиларнинг жавоблари синф жамоаси билан биргаликда муҳокама қилинади;

— берилган шароитда вазифани мустақил бажариш сўралади. Бу вазифа ижодий ҳисобланиб, уни ҳал қилиш учун дарсларда ўрганилганларнинг ўзи етарли бўлмайди. Ўқувчи уйда ўйлаб кўриши, маълум қўшимча адабиётларни ва маълумотларни ўқиши тавсия қилинади. Масалан, контакт усулида сульфат кислота ишлаб чиқаришда хом ашё сифатида маҳаллий шароитда мавжуд бўлган ишлаб чиқарилган маҳсулот таннархини камайишига олиб келувчи қайси манбалардан фойдаланиш мақсадга мувофиқлигини аниқлаш топширилади;

— тарихийлик принципидан фойдаланиш ҳам муаммоли таълим учун шароит яратади. Масалан, кимёвий элементларни системалаштириш йўлини излаш Д. И. Менделеевни даврий қонунни кашф этишга олиб келганлиги, шунингдек органик кимёвинг ривожланишида электрон тузилиши асосида органик моддаларнинг молекулаларида элемент атомларининг ўзаро таъсирлашувига боғлиқ бўлган кўнгина муаммоларнинг ҳал қилиниши.

Муаммоли ёндашувдан фойдаланишда шуни ёдда тутиш зарурки, муаммоли вазиятдан дарсларда доимий равища, бирини иккинчиси билан алмаштириб туриб фойдаланишгина ўқувчиларни фикрлашга ундаиди. Энг муваффакиятли уюштирилган муаммоли вазият сифатида ўқувчиларнинг ўзлари таклиф қилган муаммони ҳал қилиш дарсларини олиш мумкин. Ўқитувчи муаммоли таълимни амалга оширишда синф билан шундай ўзаро муносабатни шакллантириши лозимки, ўқувчилар фаол бўлсинлар, ташабbus кўрсатсинлар, ўз фикрларини очиқ баён қилсинлар. Бунда ўқувчи фикри нотўғри бўлса, ўзаро муназара давомида бошқа ўқувчи бу хатони тўғрилаши мумкин. Ҳар бир айтилган фикрни асослаш талаб этилсин.

Ўқитувчининг саволлари албатта муаммоли тавсифга эга бўлиши лозим. Муаммоли вазиятни яратишда ва вазифаларни ҳал қилишда, аввало, ўқитувчининг ўзи намуна бўлиши лозим. У ўз фикрини айтиши ва уни асослаб бериши даркор. Бахсни яхши уюштириш жиддий назарий тайёргарликни ва предмет бўйича чуқур билимга эга бўлишини талаб этади. Муаммоли ўқитишининг энг фойдали томони шундан иборатки, у аввалимбор ривожлантирувчи тавсифга ва ўқувчиларни ўз билимига ишонч ҳосил қилишга, мустақилликка ўргатади. Ўз кучига ишончни орттиради. Бундай ёндашиш анча эмоционал бўлганлиги сабабли ўқувчиларда

тилган амалий машғулотларни бажаришлари мажбурийдир. Маълумки, имтиҳон билетларига назарий саволларгина эмас, балки дастурда кўрсатилган тажрибалар ҳам киритилган. Ўқувчилар амалий машғулот вақтида тажрибани онгли равишда бажара олишлари кимёвий эксперимент техникасини ўрганишлари, ҳодисани тўғри изоҳлашлари, конкрет фактларни умумий қоидаларига қўллай билишлари керак.

Кимёвий тажрибалар кўрсатиш

Тажриба ўтказишга яхши тайёрланиб, техника хавфсизлигига алоҳида эътибор бериш лозим. Агар ўқитувчи ўз ишига эътибор билан қараса, кимё дастурида кўрсатилган тажрибаларнинг барчаси муваффақиятли чиқади. Пробиркада ўтказилган тажриба ўқувчиларни идрорк қилишда қийинчиликка олиб келади. Шу сабабли тажрибаларни каттароқ пробиркада, колба, мензуркаларда кўрсатиш керак. Ўқитувчи тажриба қилиб кўрсатиш жараёнида узоқдан яхши кўринмайдиган объектларни бутун синфини айланиб кўрсатиб чиқиши, айрим ҳолда тажриба объекти орқасига оқ қофоз ёки қора қофоз қўйиб кўрсатиши керак.

Кимёвий масалалар

Кимёда миқдорий масалалар, сифатга оид масалалар, кимёвий тушунчалар, назариялар, қонунларга оид масалалар катта аҳамиятга эга.

Миқдорий масалалар: моддаларнинг формулаларини тузиш, формуласлар бўйича ҳисоблаш, кимёвий тенгламалар тузиш, кимёвий тенгламалар бўйича ҳисоблаш, эритмаларга оид ҳисоблаш.

Сифатга оид масалалар: моддаларни билиб олиш, моддаларни тозалаш, моддани ҳосил қилиш, моддаларнинг классификацияси, кимёвий тушунчалар, даврий қонун ва атомларнинг тузилиши.

Кимёвий масалаларнинг мажбурий минимуми: 7—8-синфларда:

- формулалар бўйича моддаларнинг молекуляр оғирлигини ва модда таркибидаги элементларнинг нисбатларини ҳисоблаб топиш;
- берилган фоиз концентрациялар бўйича маълум миқдор эритма тайёрлаш учун керак бўладиган эритувчи ва эритиладиган модда миқдорларини ҳисоблаб топиш;

- маълум концентрацияли маълум миқдор эритма таркибидаги эриган модда миқдорини ҳисоблаб топиш;
- кимёвий бирикмалар таркибидаги элементлар фоиз миқдорини бирикма бўйича ҳисоблаб топиш;
- модданинг маълум миқдоридан ҳосил қилиниши мумкин бўлган маҳсулот миқдорини шу модда формуласи бўйича ҳисоблаб топиш;
- кўрсатилган моддадан маълум миқдорда ҳосил қилиш учун керак бўладиган моддаларнинг миқдорини ва модданинг маълум миқдоридан ҳосил қилиниши мумкин бўлган модда миқдорини реакция тенгламалари бўйича ҳисоблаб топиш.

9-синфда:

- моддаларнинг назарий йўл билан ҳисоблаб топилганига нисбатан неча фоиз чиқишини аниқлаш;
- реакция учун модданинг бири ортиқча олинган бўлса, реакция натижасида ҳосил бўлган маҳсулот таркибига кирадиган модданинг миқдорини аниқлаш:
- таркибида маълум фоиз қўшимча бўлган моддалардан ҳосил қилинадиган модданинг миқдорини аниқлаш.

10—11-синфларда:

- модда таркибидаги элементларнинг фоиз миқдорига асосланниб, бу модданинг энг оддий формуласини топиш;
- модданинг газсимон ҳолатдаги зичлиги маълум бўлганда унинг молекуляр массасини топиш;
- модда таркибида элементларнинг фоиз билан ифодаланган миқдорлари ва унинг газсимон ҳолатидаги зичлиги маълум бўлганда шу модданинг молекуляр формуласини топиш;
- модданинг кимёвий формуласи бўйича унинг зичлигини топиш;
- маълум оғирлик миқдордаги газнинг нормал шароитда эгаллаши мумкин бўлган ҳажмини топиш;
- маълум миқдордаги моддалар ўзаро таъсир этганда ҳосил бўладиган газнинг нормал шароитдаги ҳажмини ҳисоблаб топиш;
- айтилган моддадан маълум миқдорда ҳосил қилиш учун зарур бўлган газ ҳажмини ҳисоблаб топиш.

Дарсликдан фойдаланиш

Кимё ўқитиш жараённада ўқувчиларни дарслик билан мустақил ишлашга ўргатиб бориш катта аҳамиятга эга. Бунда дарслик билан ишлашнинг синфда ҳамда уйда ишлаш йўлларини ўргатиш

керак. Дарс давомида китобдаги масалага оид ҳамма нарсанни эмас, балки ўқитувчининг ёрдами талаб қилинадиган энг мураккабларнигина баён этиш ва шу билан тажрибалар учунгина эмас, ўқувчиларнинг дарслик билан мустақил ишлаши учун ҳам вақт қолдириш лозим. Ўқувчиларга дарсликдан тасвирий материалдан ишлаб чиқариш жараёнларининг схемаларидан, кимёниг амалий ҳаётдаги роли тўғрисидаги маълумотлардан, лаборатория ишларининг тафсилотларидан, такрорлаш учун берилган саволларидан машқ ва мисоллардан мустақил суратда фойдаланишни таклиф этиш керак.

Ўқувчиларга қуйидагича топшириқлар бериш лозим: синфда тушунтириб берилмаган материални дарсликдан, қўшимча ўқув қўлланмалардан фойдаланиб билиб олиш;

- тегишли расмлар, диаграмма ва схемалар чизиб, уларни тушунтириб бериш;
- дарсликдаги машқларни бажариш;
- мавзу охирида берилган саволларга жавоб қайтариш;
- дарсликдан асосий кимёвий тушунчаларни топиш, уларни аниқ материаллар билан тўлдириш;
- дарсликдаги материалдан фойдаланиб амалий машгулотларга тайёрланиш ва бошқалар.

Дарслик билан ишлаш ўқитувчининг бевосита раҳбарлиги остида қилинадиган ишдан секин-аста ўқувчиларнинг мустақил ишларига айланиши лозим.

Ўқувчиларни, маҳсус маълумотномалардан, жадваллардан (моддаларнинг эрувчанилиги, металларнинг фаоллик қатори, элементлар даврий системаси ва жадвали ва ҳоказо) фойдаланишга ўргатиш лозим.

НАЗОРАТ САВОЛЛАРИ

1. Метод атамасининг лугавий маъноси нима?
2. Ўқитиш методлари қандай классификацияланади?
3. Ўқитиш методига қандай талаблар кўйилади?
4. Ўқув материалини баён қилиш усули неча хил бўлади ва қандай амалта оширилади?
5. Ўқув экспурсиялари қандай ўтказилади?
6. Эксперимент неча хил бўлади?
7. Намойиш қилинадиган тажрибаларга қандай талаблар кўйилади?
8. Амалий ишлар қандай ўтказилади?
9. Кимёвий масалалар ечишининг қандай дидактик аҳамияти бор?
10. Кимёвий масалаларнинг мажбурий минимумлари ҳақида нималарни биласиз?

4-§. ТЕСТ ТУРЛАРИ ВА УНДАН ЎҚУВЧИЛАР БИЛИМИНИ НАЗОРАТ ҚИЛИШДА ФОЙДАЛАНИШ

Тест саволлари билан синов ўтказилганда ҳар бир ўқувчининг кобилияти, хотираси ва қандан фикрлаши яққол билинади. Бу ўқувчиларга якка ҳолда ёндашиш, яъни уларнинг ҳар бирига касб танлашда алоҳида йўналиш бериш имкониятини беради.

Тест атамаси инглизчадан олинган бўлиб, ўзбекчага ўтирилганда текшириш, тадқиқ этиш, синаб кўриш деган маънони англатади.

Тест бу қисқа, стандарт ва одатда вақт билан чегараланган синовдир. Синов натижасига кўра, бажарувчининг баъзи бир тавсифи, шунингдек унинг билими, кўникмаси ва малакаси ҳақида хулоса чиқариш мумкин.

Мактабда қўлланиладиган тестлар Б. Немерко ибораси билан айтганда “Таълимнинг маълум қисми мазмунига мослаштирилган, уларни бажариш натижаси асосида ўқувчилар томонидан ана шу мазмун қай даражада ўзлаштирилганлигини аниқлашга имкон берадиган топшириқлар мажмуасидир”.

Тест танлаш ва унинг тузилиши (саволлар, тавсиялар, чизмалар) ўқитувчини қайси омиллар қизиқтиришига боғлиқ бўлади. Тестлар мактабда қўлланиладиган ўқитиш мақсадига боғлиқ равишда маълум мезонларга жавоб бериши керак.

1. Фактлар ва улар ўртасидаги ўзаро боғлиқликни билиш.
2. Назарий ва амалий муаммоларни ечиш.
3. Ўз-ўзини баҳолаш.
4. Билимларни янги шароитда мустақил қўллай олиш.

Тестлар қўлланилаётганда имкони борича тўрт умумий мезонни инобатга олиш даркор. Тестдаги топшириқлар сони материал ҳажмига, кўзда тутилаётган текцирувнинг қанчалик ёритилганлигига ва қанча вақт ичida ўтказишга мўлжалланганлигига боғлиқдир.

Тест ўқувчининг билим даражаси, кўникма ва малакасини аниқлашга имкон берсагина муваффақиятли ҳисобланади. Айни предмет учун қўлланаётган тест ёрдамида фақат билим даражасинигина аниқланиб, бошқа мезонлар инобатга олинмаган бўлса ёки хотиранигина аниқлаб, предметни билишни баҳолашга имкон бермаса, у муваффақиятсиз тузилган ҳисобланади.

Хозирги вақтда бу жараёнда статистик ва дидактик машиналар кенг жорий этилаётганлиги муносабати билан жавоби танлаб олинадиган тест топшириқларини қўллаш мақсадга мувофиқдир. Жавоби танлаб олинадиган топшириқ уч қисмдан иборат бўлади: ядро, тўғри жавоб ва тарқоқлик. Тўғри жавоб ядрони тўлдиради, тарқоқлик эса чала ёки нотўғри жавоб тарзида бўлади. Ўқувчи чала ёки нотўғри жавобни инкор этиши ва тўғрисини танлаш учун назарий материални жуда яхши билиши керак.

Тест мазмунига кўра ҳар хил бўлиши мумкин: предметли (айни предмет бўйича ўз билимини текшириш), мантиқий ва психологик. Предмет бўйича маълум ўқув материали асосида тузилган, стандартлаштирилган тестлар ютуқли тестлар деб номланади. Улар ўқувчи билими ва малакасини, яъни ўзлаштириш даражасини баҳолаш учун хизмат қиласди.

Ўқув жавобининг шаклига қараб тестлар жавоби танланадиган ва жавоби мустақил танланадиган бўлади. Ана шундай тартибдаги тест топшириғида тўғри ва чала ёки нотўғри жавоблар бўлади. Кўпинча тестдаги топшириқ 3, 4 ёки 5 та бўлиб, жавоблар A, B, C, D, E каби ҳарфлар билан белгиланади. Тест топшириғида 2 ва ундан ортиқ тўғри жавоб бўлгандан жавобларни ҳарф билан белгилаш жуда қулади. Айниқса, тест синовлари компьютер ёрдамида ўтказилганда муҳим аҳамиятга эга. Буни қуйидаги мисол ёрдамида яққол тушуниб олиш мумкин.

1. Қуйида келтирилган кислоталарни қайсилари нордон туз ҳосил қиласди?

1. H_2SO_4 ; 2. HCl ; 3. H_3PO_4 ; 4. HNO_3 ; 5. H_2SO_3 .

Маълумки, бир негизли кислоталар нордон туз ҳосил қила олмайди. Тўғри жавобни белгилаш қуйидагича бўлади:

1. H_2SO_4 ; 2. HCl ; 3. H_3PO_4 ; 4. HNO_3 ; 5. H_2SO_3 .

Лекин компьютер учун бундай жавоб нотўғри ҳисобланади. Компьютер фақатгина тўғри белгиланган битта жавобни тан олади. Вуҷудга келган қийинчиликдан жавобларни ҳарфлар билан белгилаш ёрдамида қутулиш мумкин. Бунинг учун жавоблар қуйидагича белгиланади.

A) Фақат 1; B) 2 ва 3; C) 1, 3 ва 5; D) Фақат 2; E) Фақат 4.

Бу ерда тўғри жавоб С ҳарфи билан белгиланган бўлиб, сульфат, фосфат ва сульфит кислоталар нордон туз ҳосил қиласди. Шуни таъкидлаш жоизки, келтирилган топшириқ жавоби танланадиган тестга мисол бўла олади. Жавоби мустақил танланадиган тестлар топшириғи матнида бўш жой қолдирилади. Топшириқнинг тавсифига қараб бўш жойга ўқувчи томонидан тўғри кимёвий белги, формула, тенглама ёки масаланинг жавоби ёзилиши керак.

Матнли тестга мисол келтирамиз.

2. Кимёвий элемент атомларининг оксидланиш даражаси ўзгариши билан борадиган жараёнлар... реакциялари дейилади.

Жавоб: Оксидланиш-қайтарилиш.

Жавоби мустақил тузиладиган тестларни жавоби танланадиган тестларга айлантириш ҳам мумкин. Масалан:

3. Айни элемент атомининг ҳосил қилган ковалент боғланишлар сони... деб аталади.

- A) Оксидланиш даражаси.
- B) Валентлик.
- C) Оксидланиш сони.
- D) Электрокимёвий валентлик.
- E) Координацион сон.

Тўғри жавоб: B.

Бу ерда ўқувчи жавобни мустақил тузиши ҳам мумкин. Тўгриси-ни танлаб олиши ҳам мумкин. Бундай тест аралаш ёки комбинаци-яли тест деб аталади. Комбинацияли тестнинг дидактик самараси юқори ҳисобланади ва шунинг учун ҳам у кўпроқ қўлланилади. Кимё ўқитишда қўлланиладиган тест топшириқларини тавсифига кўра мантиқий ва психологик гуруҳга ажратилади.

Мантиқий тестларда масала шартлари тўлиқ берилган, шартлари тўлиқ берилмаган, шартлари етарлидан ортиқча берилган бўлиши мумкин. Ҳар бир ҳол учун мисоллар келтирамиз.

3. Қуйида берилган қайси карбид сув билан таъсирашганда метан ажralиб чиқади?

- A) CaC_2 ; B) BeC_2 ; C) Al_4C_3 ; D) Ag_2C_2 ; E) MgC_2 .

Бу топшириқнинг шарти тўлиқ берилган бўлиб, карбидлар ичida фақаттина алюминий карбидгина метан газини ажратиб чиқаради.

Демак, тўғри жавоб C.

Масала шарти чала берилган тест топшириғига мисол келтирамиз.

5. Водород галогениднинг ҳавога нисбатан зичлиги 4,41 га teng. Шу газнинг водородга нисбатан зичлигини аниқланг.

- A) 60; B) 62; C) 64; D) 68; E) 70.

Масала шартида ҳавонинг нисбий молекуляр массаси 29 га teng-лиги келтирилмаган. Бироқ ўқувчи ҳавонинг нисбий молекуляр мас-сасини билиши зарур.

Масала шарти етарлидан ортиқча берилган тест топшириғига мисол келтирамиз.

6. Нисбий молекуляр массаси 98 га teng бўлган сульфат кислота-нинг ўювчи натрий билан ўзаро таъсирашувчи... реакцияси деб ата-лади.

- A) Бирикиш; B) Нейтралланиш; C) Гидратланиш;
- D) Оксидланиш-қайтарилиш; E) Полимерланиш.


Тест топшириғи шартида “Нисбий молекуляр масса” ортиқча бўлиб, келтирилган маълумотнинг йўқлиги масаланинг ечилишига

таъсир этмайди. Маълумки, кислота ва асоснинг ўзаро таъсирилашуви натижасида туз ва сув ҳосил бўлиши нейтралланиш реакцияси дейилади.

Тўғри жавоб: В.


Психологик тестлар ўқувчиларнинг билимларидан ташқари диққати ва хотираси, иродаси каби психологик хусусиятларга суяниди. Психологик тестларга мисоллар келтирамиз.

7. Қуйида келтирилган этилен қатори углеводороднинг тўғри номини кўрсатинг.



- A) 2,2-диметил пентин-4.
- B) 5,5-диметилпентан-2.
- C) 2-метилгексен-5.
- D) 5-метилгексан-2.
- E) 2,2-диметилгексин-5.

Келтирилган модданинг тузилиш формуласини қуидагича ёзиш ҳам мумкин.



Модда Женева номенклатураси бўйича қўш боғ жойлашган углерод атоми томонидан рақамланиб, сўнг номланади. Демак, бу модда 5-метилгексен-2 дир. Модданинг тузилиш формуласини ёзиш тартибини бироз ўзgartириб шакл ясаш асосида психологик тест ҳосил қилиш мумкин.

Психологик тестнинг фақатгина расм ёки чизма воситасидагина эмас, балки мантикий йўл билан ҳам ҳосил қилиш мумкин.

8. 1 моль азот 3 моль водород билан реакцияга киришганда неча моль амиак ҳосил бўлади?

- A) 4 моль; B) 2 моль; C) 3 моль; D) 1 моль; E) 5 моль.

Намуна қилиб олинган тестни ечишда ўқувчи 1 моль азот ва 3 моль водород реакцияга киришганда 2 моль амиак ҳосил бўлишини тенглама асосида қисқа вақт ичida ҳисоблаб чиқиши керак. Бироқ кўп ҳоларда улар реакцияга киришаётган моддаларнинг моллар сонини шунчаки қўшиб қўядилар, натижада 4 моль амиак ҳосил бўлади деб нотўғри хulosага келадилар.

Тестлар түғри ва тескари ҳам бўлиши мумкин. Тескари тест түғри-
сидан фарқ қилиб, келтирилган жавоблар ичидан нотўғрисини то-
пишни тақозо этади.

9. Куйида келтирилган хulosаларнинг қайси бири Авогадро қону-
нига хилофдир?

- | | |
|-----------------------------|-------------------------------|
| A) Нормал шароитда 0,5 моль | H_2 11,2 л ҳажмни эгаллади. |
| B) Нормал шароитда 1 моль | H_2 22,4 л ҳажмни эгаллади. |
| C) Нормал шароитда 2 моль | H_2 67,2 л ҳажмни эгаллади. |
| D) Нормал шароитда 3 моль | H_2 67,2 л ҳажмни эгаллади. |
| E) Нормал шароитда 2 моль | H_2 44,8 л ҳажмни эгаллади. |

С. бандда Авогадро қонунига хилоф хulosага келинган, чунки 2
моль водород нормал шароитда 44,8 л келади.

Тескари тестлар ўрганилган кимёвий билимларни янги номаъ-
лум вазиятда қўллай билишга ўргатади.

Кимё дарсларида қўлланиладиган тестларни дидактик жиҳатдан
2 гуруҳга бўлиш мумкин:

1. Ўқувчиларнинг назарий билимларини аниқлаш учун хизмат
қилувчи тестлар.

2. Ўқувчиларнинг эгаллаган кўникма ва малакаларини аниқлаш
учун хизмат қилувчи тестлар.

Биринчи гуруҳ тестлар ўқувчиларнинг асосий тушунча ва қонун-
лар, шунингдек, фактик материалларни қай даражада ўзлаштирган-
ликларини аниқлашга хизмат қиласди. Иккинчи гуруҳ тестлар ўқув-
чиларнинг кимёвий белгиларни билишлари, формула ва тенглама-
лар тузиш, моддаларни номлаш, кимёдан бажарган тажрибаларнинг
моҳиятини англай олганлигидан тортиб, масалалар еча олиш малака-
ларини қай даражада шаклланганлигини кўрсатади. Юқорида кел-
тирилган 1, 2, 3, 4 ва 6 тестлар биринчи гурухга 5, 7, 8, 9 эса иккин-
чи гурухга таалуқлидир.

Шуни таъкидлаш лозимки, келтирилган гуруҳларга бўлиш нис-
бий ҳисобланади. Чунки билим эгаллаш малакасиз, малака эса би-
лимсиз шаклдан олмайди.

Ўқитувчи тест синовларини қўллаганда ҳар бир ўқувчининг ин-
теллектуал қобилияtlарини ҳисобга олиши зарур.

Ўқувчиларнинг билим даражалари турлича бўлганлиги учун қўлла-
ниладиган тестларнинг қийинлик даражалари қуйидагича бўлиши
мақсадга мувофиқ: 40% ўртacha, 25% қийин, 20% анча қийин, 15%
жуда қийин. Демак, жами тестнинг 40% ўртacha ўқийдиган, 65% яхши
ўқийдиган, 85% аълочи ва иқтидорли ўқувчилар, ҳаммасини эса фа-
қат иқтидорли ўқувчиларгина бажара оладиган бўлиши керак. Қийин-
лик даражаси турлича бўлган тест топшириқларига мисоллар келти-
рамиз.

Ўртacha ўқийдиган ўқувчилар бажара оладиган тестга мисол:

Күйидаги белгиларнинг қайси бири олтингутурт элементига таалкуқли?

- A) Sc; B) S; C) Sm; D) S; E) Se.

Тестнинг **D** бандида олтингутуртнинг белгиси келтирилган. Берилган элементлар қаторидан яхши ўқийдиган ўқувчилар учун қыйидагича тест тузиш мумкин.

Келтирилган кимёвий элементлар қаторидан уларнинг электрон қавати тузилиши асосида р-оила элементларини аниқланг.

1. Sc; 2. S; 3. Sm; 4. S; 5. Se.
A) 1; B) 2 ва 3; C) 2, 4, 5; D) 3; E) 4, 5.

Ўқувчи бу тестни ечиши учун ҳар бир элементнинг электрон формулалари ва ташқи энергетик қаватда қайси тавсифдаги элементлар жойлашганлигини билиши керак. Ана шундагина олтингутурт, селен ва кремний р-оила элементларига киришини топа олади.

Тұғри жавоб: **C.**

Келтирилган элементлар қаторидан аълочи ўқувчилар учун қыйидагича тест тузиш мумкин.

Күйида келтирилган ишлатиладиган кислотага, күмир қўшиб қиздирилганда икки хил газ ҳосил бўлади ва уларнинг қай бири оҳакли сувда чўкма ҳосил қиласи? Масалада қайси элементнинг кислотаси ва қайси газлар ҳақида сўз юритилган?

- A) Si, CO₂, N₂O; B) Sc, CO₂, NO₂;
C) Se, CO₂, SeO₂; D) S, CO₂, SO₂;
E) Sm, CO₂, SO₂.

Масалани ечиш учун ўқувчи кимё саноатида асосан сульфат кислота ишлатилишини унга кўмир қўшиб қиздирилса, карбонат ангидрид ва сульфид ангидрид газлари ҳосил бўлишини билиши керак.

Тұғри жавоб: **D.**

Элементлар қаторидан иқтидорли ўқувчилар учун қыйидагича тест тузиш мумкин:

Келтирилган кимёвий элементлардан қайсиларининг атомлари қўзғалган ҳолатда энг кўп ва қандай валентлик имкониятларига эга бўлади.

- A) S—2, 4, 6: Se—2, 4, 6;
B) Sc—1, 2: Sm—1, 2, 3;
C) Sc—1, 2: S₂—4, 6;
D) Si—2, 4: Sc—2, 4, 6;
E) Sm—1, 2, 3: S₂—4, 6.

Бу тест топширигини бажариш учун ўқувчи атом тузилишидан үкүр билимга ва тез фикрлай олиш қобилятига эга бўлиши керак. Бунда электрон формулаларнигина эмас, балки атомларнинг асосий ва қўзғалган ҳолатларини ҳам тасаввур қила олиш талаб қилинади. Бу тестда тўғри жавоб А.

Ушбу тестни иқтидорли ўқувчигина чегараланган вақт ичидага топа олади. Шундай қилиб, келтирилган 5 та кимёвий элемент қаторидан 4 та тест тузилди. Биринчисида топиладиган топшириқ 1 та, иккинчисида 2 та, учинчисида 3 та, охиргисида эса 6 тадир. Охирги тестни ечган ўқувчи қолган 3 тасини ҳам еча олиши шубҳасизdir. Учинчисини ечган ўқувчи 2- ва 1-тестларни еча олади, бироқ 4-сини еча олмайди. Иккинчи тестни ечган ўқувчи 1-тестни ҳам еча олади, бироқ 3- ва 4-тестларни еча олмайди. Ўртача ўқийдиган ўқувчи фақат 1-тестнингина еча олади. Тўртала бандда берилганларни иқтидорли ўқувчигина чегараланган вақт ичидага топа олади.

Тест синовларини қўллаганда ўқитувчи вақт омилини ҳам ҳисобга олиши талаб қилинади. Ўқувчи тест топширигини қанчалик қисқа вақт ичидага бажара олса, унданда билим, кўнкима ва малаканинг шаклланганлиги даражаси шунчалик юқори ҳисобланади. Кимёда қўлланиладиган тестлар шундай тузилиши лозимки, токи уни бажариш учун ажратилган вақт етарли бўлсин. Ҳар бир тестнинг қийинлик даражасига қараб турлича вақт берилиши керак. Масалан, биринчи қийинлик даражасидаги тестлар 10—15 сония, иккинчи қийинлик даражасидаги тестларга 25—30 сония, учинчи қийинлик даражасидаги тестларга 45—60 сония, тўртинчи энг қийин тестлар тавсифига кўра 1 минут ва ундан бир оз ортиқ вақтда бажариладиган бўлиши мумкин. Умуман олганда эса, ўртача ҳар бир тест учун ажратиладиган вақтга нисбатан берилган тестларни бажариш учун амалда сарф қилиниши лозим бўлган вақт тенг бўлиши керак. Акс ҳолда тест синовидан олинган натижага ўқувчиларнинг билимларини тўлиқ аниқлаш имконини бермайди.

Тест синовининг яна бир муҳим томони топшириқларнинг ишончлилик даражаси ҳисобланади. Дидақтика тадқиқотлардан тест топшириқлари сони қанчалик кўп бўлса, натижасининг ишончлилиги шунча юқори бўлиши аниқланган. Уни қуйидаги маълумотларда ҳам кўриш мумкин:

Тест топшириги сони. Ишончлилик даражаси. Қўллаш вақти.

10	20—30%	Жорий назоратда
25	50—55%	Чорак охира
50	70—75%	Йил охира, битириш имтиҳонида
150	90%	Олий Ўқув юртига киришда

Ишончлилик даражаси ҳар бир синовда бажарилган тестлар асосида аниқланган. Келтирилган маълумотлар кам сондаги (айниқса ўнта) тест саволларидан ўқувчиларнинг билим даражаларини назорат қилиш мақсадидагина фойдаланиш кераклиги, натижани баҳолаш объектив бўлмаслигини кўрсатади.

5-§. ТЕСТ АСОСИДА КИМЁДАН ЎҚУВ МАТЕРИАЛЛАРИНИ ТАКРОРЛАШ ДАРСИННИНГ ТУЗИЛИШИ ВА МЕТОДИКАСИ

Мактаб ўқитувчилари учун ўқув материалларини тақрорлаш ва тест топшириқларини ечишни ўргатиш учун қуийдаги дарс структураси таклиф этилади.

1. Дарснинг мавзуси.
2. Дарснинг мақсади. Айни мавзу ўқув материалларини тақрорлаш ва унга оид тест топшириқларини ечишни ўргатишдир.
3. Дарс методи. Суҳбат, ўқувчиларнинг мустақил ишлари.
4. Ўқувчилар учун адабиётлар: ўрта мактаб кимё курси бўйича 8—9—10—11-синф ўқувчилари учун дарслик, А. Абдусаматов ва бошқалар. “Кимёдан тестлар” ва уларнинг ечимлари. 7—9-синфлар 2001 й. Г. П. Хомченко. “Олий ўқув юртларига кирувчилар учун қўлланмана”. 2001 й. В. В. Сорокин, Э. Г. Злотников “Кимёни биласизми?”, “Ўқитувчи” 1998 й. “Ёрдамчи тестлар”, Т. “Ўқитувчи”, 2000, 2001 й.
5. Дарс режаси.
1. Ўтилган дарсни мустаҳкамлаш ва берилган вазифаларни текшириш.
2. Айни мавзуу материалларини қисқача тақрорлаш ва унга оид тестлар ечиш ҳамда тузилишни ўргатиш.
3. Мустақил тестлар ечиш.
4. Уйга вазифа. Дарслик ва адабиётлардан фойдаланиб мустақил тестлар тузиш.

Тест дарсларини ўтишда қуийдагиларга эътибор бериш талаб қилинади. Дарс бошланишида ўтилган дарс тақрорланади. Бунда ўқувчилар уйда тузиб келган тестлар таҳлил қилинади. Муваффақиятли тузилганлари ўқувчилар билан ечилади. Янги дарс назарий материални қисқача тақрорлаш билан бошланади. Сўнгра ўқитувчи ўтилаётган мавзуу бўйича 3—4 та тест тузиб ечиб кўрсатади. Ўқувчилар тест ечиш йўлини ўрганиб олганларидан сўнг, уларга мустақил равишда вақтга қараб 3 тагача тест ечишни топширади. Тест саволларига жавоблар йиғиб олинади ва ўқувчилар билими назорат қилинади. Дарс охирида ўқитувчи ўқувчиларга уйда тест тузиб келиш вазифасини беради.

Тестларнинг қандай хилларини тузиб келишини аниқ кўрсатиш муҳим аҳамиятга эгадир. Ўқитувчиларга қулай бўлиши учун қўлла-

ниладиган материаллар тавсия қилингандар дарс тузилишига мос ҳолда берилган.

6-§. “КИМЁНИНГ АСОСИЙ ТУШУНЧАЛАРИ” МАВЗУСИ БҮЙИЧА ТЕСТЛАР ТУЗИШ

Дарснинг мақсади кимёнинг асосий тушунча ва қонунларига оид материалларни тақорорлаш. Шу мавзу асосидаги тестларнинг хиллари билан таништириш. Ўқувчиларда мустақил тест тузиш ва ечиш малакаларини ҳосил қилиш.

Дарс режаси:

1. Асосий тушунчалар ва уларга оид тестлар тузиш ва ечиш.
2. Асосий қонунлар ва уларга оид тестлар тузиш ва ечиш.
3. Мустақил тест топшириқлари ечиш.
4. Уйга вазифа.

Ўқитувчи томонидан дарс бошида қуйидаги энг муҳим тушунчаларнинг мазмуни эслатиб ўтилади.

Элемент ядроининг мусбат заряди бир хил бўлган атомлар тури. Атом кимёвий элементнинг барча хоссаларини ўзида сақлаб қоладиган энг кичик заррачадир. Атом мусбат зарядланган ядро ва электронлардан иборат электронейтрап заррачадир.

Молекула модданинг кимёвий хоссаларини ўзида сақлаб қолувчи энг кичик заррачадир. Валентлик айни элемент атомининг бошқа элементнинг муайян сондаги атомларини ўзига бириткириб олишидир. Валентлик атомнинг ҳосил қилган кимёвий боғланишлар сони. Нисбий атом масса элемент атомининг ўртача массасини углерод изотопи массасини $1/12$ қисмига нисбатан келтириб чиқарилган катталиkdir. Моль модданинг миқдорий ўлчови. Моль $0,012$ кг (12 г) углеродда нечта углерод атоми бўлса, таркибида шунча заррачалар (атом, молекула, ион ва бошқалар) бўлган моддалар миқдоридир.

Моль такрибида $6,02 \times 10^{23}$ молекула атом ёки бошқа заррачалар бўлган модда миқдоридир. $N_A = 6,02 \times 10^{23}$ моль сони Авогадро доимийси, моляр масса М-мода массаси г нинг модданинг миқдорига (“НЮ” деб ўқилади) нисбатига teng.

$$M = \frac{m}{\nu}$$

Барча моддалар оддий ва мураккаб моддаларга бўлинади. Оддий моддаларнинг молекулалари бир хил элементларнинг атомларидан ташкил топади. Кўпчилик элементлар икки ва ундан ортиқ оддий модда шаклида бўлади. Бу ҳосиса аллотропия, ҳосил бўлган моддалар эса аллотропик шакл ўзгаришлари дейилади. Масалан, фосфор элементи оқ, қизил, қора оддий моддаларни ҳосил қиласи. Улар бир-биридан тузилиши билан фарқ қиласи.

Кимёнинг асосий тушунчалари асосида қуйидаги тестлар бўлиши ва ечилиши мумкин.

1. Қуйида келтирилган моддаларнинг қайси бири оддий модда ҳисобланади?

А) Фосфин

В) Фосфор

Д) Фосфор (III оксид)

С) Фосфор (V оксид)

Е) Фосфат кислота.

Оддий модда бир хил элементнинг атомларидан ташкил топишини билган ҳолда тестни ечамиз.

А. Фосфин 2 та элемент атомидан ташкил топган. Демак, у мураккаб модда. В. Фосфор молекуласи фақат битта элемент атомларидан ташкил топган. Демак, бу оддий модда. Қолган С. D. E. жавоблардаги моддалар 2 ва ундан ортиқ элемент атомларидан ташкил топган. Улар мураккаб моддалар ҳисобланади. Демак, тўғри жавоб В бандида берилган.

2. Углероднинг аллотропик шакл ўзгаришини кўрсатинг?

А) Фосфин; В) Фосген; С) Озон; D) Кварц; Е) Олмос.

Саволга жавоб топиш учун уларнинг молекулалари таркибини кўрсатамиш.

А) PH₃; В) COCl₂; С) O₃; D) SiO₂; Е) C.

Таърифга кўра, углероднинг аллотропик шакл ўзгариши олмос ҳисобланади. Тўғри жавоб Е.

3. Массаси 49 г бўлган сульфат кислотадаги структура бирлигини аниқланг.

А) $6,02 \times 10^{23}$; В) $3,01 \times 10^{23}$; С) $12,04 \times 10^{23}$; D) $2,2 \times 10^{23}$;
E) $30,9 \times 10^{23}$.

Сульфат кислотанинг моляр массасини ҳисоблаймиз.

$$M - H_2SO_4 = 98 \text{ г моль}$$

1 моль моддада $6,02 \times 10^{23}$ молекула бўлишини билган ҳолда 49 г сульфат кислотани молекулалар сонини ҳисоблаймиз.

$$98 \text{ г } (H_2SO_4) - 6,02 \times 10^{23}$$

$$49 \text{ г } H_2 SO_4 - X$$

$$X = \frac{49 \text{ г} \cdot 6,02 \cdot 10^{23}}{98} = 3,01 \cdot 10^{23}$$

Түғри жавоб: В.

4. Куйидагиларнинг қайси бирида атом тушунчасига түғри таъриф берилган?

1. Атом элементнинг кимёвий хоссаларини ўзида сақлаб қолувчи энг кичик заррачадир.

2. Атом мусбат зарядланган ядро ва бир неча электронлардан иборат электронейтрапл заррачадир.

3. Атом модданинг кимёвий хоссаларини ифодаловчи энг кичик заррачадир.

А) Фақат 1; Б) Фақат 2; С) Фақат 3; Д) 1 ва 2; Е) 2 ва 3.

Түғри жавоб 1- ва 2-бандда берилган бўлиб у D ҳарфи орқали ифодаланган.

7-§. “КИМЁНИНГ АСОСИЙ ҚОНУНЛАРИ” МАВЗУСИ БЎЙИЧА ТЕСТ ТУЗИШ

Ўқувчиларга қуйидаги маълумотлар берилади. М. В. Ломоносов кашф этган масса ва энергиянинг сақданиш қонунига асосан реакцияга киришган моддаларнинг массаси ҳосил бўлган моддаларнинг массасига teng. Тенгламаларга коэффициентлар қўйиш масса ва заријларни ҳисоблаш шу қонун асосида бажарилади.

Эквивалентлар қонунига мувофиқ моддалар бир-бири билан эквивалентларига мувофиқ равишда реакцияга киришади. Элемент ёки модданинг эквиваленти 1,008 оғирлик қисм водород ёки 8 оғирлик қисм кислород билан бирикадиган ёки уларнинг ўрнини оладиган миқдордир. Элементнинг эквивалент массаси Э, атом массаси А ва айни бирикмадаги оксидланиш даражаси О орасида қуйидагича боғлиқлик бор:

$$\Theta = \frac{A}{O}.$$

Мураккаб модданинг эквиваленти шу модда иштирок этадиган реакция билан ифодаланади. У кўп негизли асос ва кислоталар учун ўзгарувчан катталик ҳисобланади. Авогадро қонуни асосида газсизмон моддаларнинг молекуляр массалари ҳисоблаб чиқилади. Чунки бир хил шароитда бир хил ҳажмдаги газлар массасининг нисбати моляр массаларнинг нисбатига teng бўлади, яъни:

$$\frac{m_2}{m_1} = \frac{M_1}{M_2} = D$$

Бу ерда: m_1 ва m_2 газларнинг массалари, M_1 ва M_2 ларнинг моляр массалари, D биринчи газнинг иккинчи газга нисбатан зичлиги.

$$M_1 = D \times M_2$$

Француз олими Ж. Пруст кашф этган таркибнинг доимийлик қонунига мувофиқ ҳар қандай кимёвий тоза модда, қаерда бўлишидан ва олинниш усулидан қатъий назар ўзгармас сифат ва миқдорий таркибга эга бўлади. Масалан, тоза сув қандай усул билан олиннишдан қатъий назар 88,89% кислород ва 11,11% водороддан ташкил топади.

Кимёнинг асосий қонунларини мустаҳкамлашда назарий ва амалий тест топшириқларидан кенг фойдаланилади. Уларнинг айримларининг тавсифлари ва ечилишини келтирамиз.

5. Куйида келтирилган таърифларнинг қайси бири француз олими Ж. Пруст кашф этган қонунни ифодалайди?

А. Ҳар қандай кимёвий тоза модда қаерда бўлишидан ва олинниш усулидан қатъий назар ўзгармас сифат ва миқдорий таркибга эга бўлади.

Б. Кимёвий реакцияга киришган модаларнинг массалари ҳосил бўлган моддаларнинг массасига тенг.

С. Кимёвий элементларнинг ҳамда улар ҳосил қиласидаган оддий ва мураккаб моддаларнинг хоссалари шу элемент атомлари ядроси зарядининг миқдорига даврий равишда боғлиқ бўлади.

Д. Электролитларда ажралиб чиқсан модда миқдори электролитлардан ўтган электр миқдорига тўғри пропорционал.


Е. Бир хил шароитда турли хил газларнинг баравар ҳажмларида молекулалар сони бир хил бўлади.

Маълумки, француз олими Ж. Пруст таркибнинг доимийлик қонунини 1808 йилда кашф этган. Демак, тўғри жавоб А бандда берилган.

6. 12 г магний ёндирилганда ҳосил бўлган магний оксидининг массаси қанча?

- A) 200 г.; B) 20 г.; C) 2 г.; D) 0,2 г.; E) 220 г.

Реакция тенгламаси бўйича ҳисоблаймиз:



$$\begin{array}{ccc} 48 \text{ г} & & 80 \text{ г} \end{array}$$

48 г магнийдан 80 г магний оксиди ҳосил бўлади.

$$\begin{array}{ccc} 12 \text{ г} & & X \text{ г} \end{array}$$

$$X = \frac{12\text{г}\cdot 80\text{г}}{48} = 20\text{г}$$

Демак тўғри жавоб В бандда берилган.

7. Сульфид ангидрид газининг водородга нисбатан зичлигини аниқланг?

- A) 16; B) 48; C) 32; D) 64; E) 1,6.

Авогадро қонуни бүйича:

$$D = \frac{MSO_2}{MH_2} = \frac{64\text{г / моль}}{2\text{г / моль}} = 32$$

Демак, тұғри жавоб **C** бандда берилган.

8. Келтирилган газлардан қайси бири ҳаводан енгил?

1. Азот II-оксиди 2. Фтор 3. Аммиак 4. Кислород 5. Азот IV оксиди.

- A) Faқat 1; B) Faқat 3; C) 2 ва 5; D) 1 ва 2; E) 4 ва 5.

Келтирилган газлардан фақат аммиакгина ҳаводан енгил, чунки ҳавонинг ўртасынан молекуляр массаси 29 га тең. Тұғри жавоб **B** бандда берилган.

Мустақил ечиш учун тест топшириқлари

1. Қуйида келтирилган моддаларнинг қайсилари оддий модда ҳисобланади?

1. Олмос 2. Сильвинит 3. Фосфин 4. Фосфор 5. Ош тузи
A) 1; B) 2; C) 1 ва 4; D) 4 ва 5; E) 3 ва 4.

2. Қуйида келтирилган белгилардан қайси бири хлорники?

- A) Cs; B) Cl; C) Ca; D) Cd; E) Cu.

3. Қуйидаги таърифларнинг қайси бирида молекулага тұғри таъриф берилген?

1. Молекула модданинг физик хоссаларини ўзида сақлаб қолувчи әнг кичик заррачадир.

2. Молекула модданинг кимёвий хоссаларини ўзида сақлаб қолувчи әнг кичик заррачадир.

3. Молекула модданинг рангини ва ҳидини ўзида сақлаб қолувчи әнг кичик заррачадир.

- A) 1; B) 2; C) 3; D) 2 ва 3; E) 1 ва 2.

4. Қайси ҳолда моддалар массасининг сақланиш қонуни бузилган?

1. $Zn + HCl \rightarrow ZnCl_2 + H_2$
2. $Zn + 2HCl \rightarrow ZnCl_2 + H_2$
3. $Zn + 3HCl \rightarrow ZnCl_2 + H_2$

- A) 1; B) 2; C) 3; D) 1 ва 2; E) 1 ва 3.

5. Хлорнинг 1, 204×10 та молекуласининг нормал шароитда эгал-лайдиган ҳажми қанча?

- A) 22,4 л; B) 2,24 л; C) 44,8 л; D) 4,48 л; E) 11,2 л.

6. Қисман оксидланган магний қукуни таркибида 1% кислород бўлади. Қуқун таркибидаги магнийнинг масса улуши қандай?

- A) 9,5%; B) 97,5%; C) 92%; D) 90%; E) 91%.

7. Газнинг ҳавога нисбатан зичлиги 0,9 га тенг. Таркибидаги азотнинг масса улуши 82,35%, водородники 17,65% тенг бўлса бу қайси модда?

- A) N_2H_4 ; B) NH_3 ; C) N_3H ; D) NH_2 ; E) NH .

8. Миснинг 2 валентли тузининг 8 г массаси натрий гидроксиднинг 4 грамми билан қолдиқсиз бирика олса, унинг эквиваленти қанча бўлади?

- A) 8 г; B) 4 г; C) 40 г; D) 90 г; E) 20 г.

НАЗОРАТ САВОЛЛАРИ

1. Тест атамасининг лугавий маъноси нима?
2. Мактабда неча хил тест қўлланилади?
3. Тест қандай таркибий қисмлардан иборат?
4. Тестларнинг қийинлик даражаси нима?
5. Тест асосида ўқув материалларини тақрорлаш дарсининг тузилиши ва методикасини айтиб беринг.
6. Тест танлаш ва унинг структураси нималарга боғлиқ?
7. Назарий тестлар қандай тузилади?
8. Аралаш тестлар қандай тузилади?
9. Қуйила берилган топшириқ тестнинг қайси хилига киради?

- A) Жуда осон; B) Осон; C) Қийин; D) Жуда қийин;
E) Фақат C.

Сульфат кислотанинг моляр массаси нечага тенг?

- A) 60; B) 90; C) 98; D) 100; E) 120.

10. Қуйила берилган тест неchanчи қийинлик даражасига эга?

- A) I; B) II; C) III; D) IV; E) Фақат A.

2 г олтингугурт ва қўмир аралашмаси ёқилганда 6 г оксидлар аралашмаси ҳосил бўлди. Аралашмада неча г олтингугурт бўлган?

- A) 0,8; B) 1,2; C) 0,6; D) 1,6; E) 0,4.

8-§. КИМЕ ЎҚИТУВЧИСИ МЕҲНАТИНИ ИЛМИЙ ТАШКИЛ ЭТИШ

Ўқитувчи меҳнатини илмий ташкил этиш халқ хўжалигига меҳнатни илмий ташкил этиш муаммосининг бир қисми ҳисобланади. Меҳнатни илмий ташкил қилишнинг моҳияти кам куч сарфлаб юқори унумдорликка эришиш демакдир. Тажрибалар унумдорликни З йўл билан ошириш мумкинлигини кўрсатди: 1. Меҳнатни жадаллаштириш; 2. Механизациялаш, яъни қўл меҳнатини механизмларга юклаш; 3. Рационаллаштириш, яъни меҳнатни оқилона ташкил этиб, тартибга солиш.

Кимё ўқитувчиси меҳнатини илмий ташкил қилиш бу жуда муҳим ва чукур муаммо бўлиб, ишнинг сифати уни қандай ҳал қилинишига боғлиқдир. Амалиёт нуқтаи назаридан МИТ бу ўқитувчи меҳнатини самарали ва сифатини оширишга олиб келадиган меҳнат шароити, воситалари ва усувларини режали ва мунтазам равишда ижодий излаш демакдир.

Хозирги замон кимё ўқитувчиси ўз меҳнат жараёнини илмий асосда ташкил этиш ва унинг натижаларини яхшилаш учун илмий тадқиқот билан шуғулланиши керак. Ушбу таърифдан ўқитувчига унинг меҳнати доимо самарали бўлиши учун асқотадиган ягона универсал тавсия бериш мумкин эмаслигини осонгина англаб олиш мумкин. Ўқитувчи фаолияти ва шахси кўп қиррали ҳамда анчагина мураккабдир. Кимё ўқитиши методикаси умумий масалалари тизимида МИТ кимё ўқитишиш воситаларидан фойдаланиш методлари ва формалари ни ўзаро боғловчи бўғин ҳисобланади.

Кимё ўқитувчиси меҳнатини илмий ташкил этишда қўйилладиган талаблар қўйидаги принцип (қоида) лар асосида тузилади.

1. **Илмийлик.** Бу ерда нафақат мазмуннинг илмийлиги, балки ўқув жараёнининг илмий асослари ҳам назарда тутилади. Бу принцип ўқитувчидан доимий равища ўз меҳнатини такомиллаштириб бориш ҳамда илгор тажрибани татбиқ қилишни талаб қиласди.

2. **Режалилик.** Ўқитувчи меҳнатини режалаштириш. Бу унинг меҳнатининг энг муҳим томонидир.

3. **Узвийлик.** Ўқитувчининг таълимдаги таълим-тарбия ва ривожлантириш функциялари (вазифалари) бирлигини таъминлаш демакдир.


4. **Узлуксизлик.** Бу илмийлик ва узвийлик талабларини ҳаётга дадил татбиқ қилиб бориш, шунингдек кимё ўқитишининг барча босқичларида илгор ғояларни сингдириб бориш, ўқитишни узлуксиз такомиллаштириш, шу билан бирга маълум турғунликни таъминлашни назарда тутади.

5. Меърийлик. Юқори ташкилотларнинг норматив ҳужжатларини ва топшириқларини қаттий кузатиб бориш ва уларга ўз фаолиятида риоя қилиш.

6. Тежамкорлик. Кам меҳнат сарфлаб юқори самарага эришиш. Бу талабни алоҳида таъкидлаш зарур. Одатда, биз эрталабдан кечгача ишлаб, юқори натижа оладиган ўқитувчиларни шарафлаб ўрганиб қолганмиз. Аслида бундай ўқитувчилар тезда чарчаб қоладилар. Шунинг учун ҳам улар меҳнатини илмий ташкил қилиш алоҳида аҳамият касб этади.

Шу билан бирга ўқитувчи МИТ да ўқувчилар фаолиятини илмий ташкил қилиш ҳам жуда муҳимдир. Шундай қилиб, кимё ўқитувчиси МИТ тизимини қуидаги схемада ифодалаш мумкин.

Кимё ўқитувчиси меҳнатини илмий ташкил этиш тизими



Ўқитувчи ўқув ишини режалаштириш, кимё хонасини рационал ташкил этиш, меҳнат шароитини оптималлаштириш, ўқитишининг техник воситаларини эгаллаш, шахсий кутубхона ташкил этиш, меҳнатга, меҳнат эстетикаси ва маданиятига онгли равишда муносабатда бўлиш кабиларни қамраб олади. Бу масалада асосий эътибор ўқитувчининг дарсга тайёргарлик кўришига қаратилади. Ўқитувчининг дарсга тайёрланиши уни ўтказишдан анча аввал бошланади.

Аввалимбор кенг миқёсда илмий тайёргарлик кўрилади, яъни мутахассислик бўйича, шунингдек сиёсий, илмий-оммабоп, педагогика, психология, кимё ўқитиши методикасига оид ва бошқа адабиётлар билан танишиб чиқилади. Адабиётларни ўқиганда ўқитувчи картотекалар тузади, улардан бевосита дарсга тайёргарлик кўрганда фойдаланади. Кимё курсининг мавзуларини режалаштириш, уларни ўрганишда амалга ошириш зарур бўлган вазифаларни, уларни кимё

курсидаги ўрни, бошқа мавзулар билан ўзаро бөглиқлиги, шунингдек бошқа предметлар билан алоқасини таҳлил қилиш билан бошланади. Мавзуни ўқувчиларга таълим бериш, уларни тарбиялаш ва ривожлантиришдаги аҳамияти аниқланади. Шундан сўнг ушбу мавзуда қайси тушунчалар янги киритилади, қайсилари ривожлантирилишини ва такомиллаштирилиши зарурлигини аниқлади. Сўнгра дастурга мувофиқ мавзунининг тузилиши ҳамда мавзудаги дарсларнинг типлари, уларнинг ўзаро бөглиқлиги аниқланади. Мавзунинг мазмунига мувофиқ равишда қандай бошланғич манбалар ҳамда қўшимча адабиётлардан фойдаланиш мумкинлиги аниқланади. Айни мавзу ўрганилаётганда қайси ўқитиш воситаларидан фойдаланиш мумкинлиги аввалдан белгилаб олинади. Агар кимё хонасида мавжуд бўлмаган кинофильм ёки бошқа воситалардан фойдаланилайди ган бўлса, уни аввалдан тайёрлаб қўйиш зарур.

Кимё ўқитувчисининг дарсга тайёргарлиги қуйидаги изчиликда амалга оширилади.

Дарсга материал танлаш.

Дарс конспекти (ёки батафсил режа) тузиш.

Дарсга ўқитишининг техник воситасини, шу жумладан, кимёвий экспериментини амалий тайёрлаш.

Кимё ўқитувчиси МИТ да кимё хонасини рационал ташкил этишнинг ўзига хос ўрни бор. Айни ана шу дарсга тайёргарлик кўриш ва уни ортиқча вақт ўтказмасдан, самарали ўтишига ёрдам беради.

Кимё ўқитувчиси дарсга тайёрланиши учун қуйидаги кўринишда карточка тайёрлаши мақсадга мувофиқдир.

Дарснинг мақсад, мазмуни	Дарсда ўқитувчи ва ўқувчиларнинг ишлаш методлари	Дидактик жиҳатлари
--------------------------	--	--------------------

Тажрибали кимё ўқитувчилари қуйидагиларни тавсия қиласидилар. Амалий машғулотлар ва лаборатория тажрибалари учун картотекалар. Уларда ҳар бир столга ҳамда ҳар бир синф учун зарур бўладиган жиҳоз ва реактивларнинг умумий миқдори тўлиқ кўрсатилади.

Ҳар бир дарсга зарур бўладиган жадваллар картотекаси. Уларда жадвалларнинг тартиб рақамлари ва қайси шкафда сақланиши кўрсатилади.

“Химия в школе”, “Халқ таълими” журналларидан олинган мақолаларнинг қисқача мазмуни берилган картотека.

Директив ҳужжатлар папкалари.

Ўқувчиларни кимёга оид касбларга йўллаш бўйича материаллар.

Синфдан ташқари ишлар папкаси.

Назорат ишлари картотекаси.

Ёзма мустақил ишлар картотекаси.

Якка тартибда сўраш картотекаси.

Кимё хонасида кутубхона ҳам бўлиши зарур. Унда 4 тоифадаги: илмий-оммабоп, кимёдан маҳсус, методик ва сиёсий адабиётлар бўлиши керак. Диафильм ва диапозитивлар мавзулар бўйича жойлаштирилиши керак.

Ўқитувчи ўз ишини режалаштирап экан, ўқувчиларнинг дарсда ва дарсдан ташқари вақтлардаги ишларини тўғри ташкил этишни унутмаслиги керак. Бунга мазмун ва ўқитиш методларини тўғри ташлаш билан эришилади. Ўқувчилар меҳнатини илмий ташкил этишнинг бош вазифаси аввало уларда уқув, кўнишка ва малакаларни ҳосил қилишдир. Одатда, ўқувчилар ўзлари меҳнатни тўғри ташкил қила олмайдилар. Бунда уларга ўқитувчилар ва ота-оналар ёрдам беришлари зарур. Чунки ўқувчилар вазифаларини дарсда ёки уйда бажарадилар.

Ўқув кўнишкалари фақатгина ўқитувчининг тушунтириши ва мажбурлаши билан шаклланиб қолмайди. Ҳар қандай кўнишка мустақил фаолият жараёнида шаклланади.

Ўқитувчи ва ўқувчи фаoliyatiни юқори самара бера оладиган қилиб аввалдан ташкил этишни режалаштириш керак. Ўқувчиларга дарснинг режаси бажариладиган вазифалари ҳақида аввалдан айтиб ўтиш жоиз. Ўқитувчи ва ўқувчилар меҳнатини илмий ташкил этиш элементлари ўзаро чамбарчас боғлиқдир. Бу ўқитувчи дарснинг самарасини оширадиган, ўзини ва ўқувчиларни қийнаб қўймайдиган ўқитиш методларидан фойдалана олишида намоён бўлади.

Кимё ўқитувчиларининг иш тизимида, яъни комбинацияли тизимда ўқув вазифаларини қийинлиги бўйича табақалаш катта ўрин эгаллади. Айниқса, ҳар бир мавзу учун ўқувчиларга маҳсус методикалар ишлаб чиқиши жуда муҳимдир. Ана шундай методикалар асосида ўқув кўнишкалари шунингдек, ташкил қилинаётган мавзу бўйича ҳам кўнишкалар ҳосил бўлади. Комбинацияли тизим принципи ўқув материалини тури даражада ўрганишни босқичма-босқич қараб чиқиши, яъни ўқув материалини қабул қилиш, уни тушуниб олиш ва ўзлаштириш, сўнгра билимларни тушуниб амалда қўллаш ва ниҳоят умумлаштириш ҳамда системага солишини назарда тутади. Илфор ўқитувчилар бир неча дарсларни қамраб олган блок асосида ўқув маъruzасидан фойдаланиб, системали ёндашувни муваффақият билан қўллаб келмоқдалар (Шаталов методи). Масалан, “Азотнинг физик-кимёвий хоссалари”. “Азотнинг кислород ва водород билан ўзаро таъсиrlашувининг назарий асослари”. Бунда вақт тежалади, ўқитиш методи ва воситаларининг мажмусидан фойдаланилади ҳамда ўқувчиларнинг билиш қобилияtlари максимал даражада фаоллашади. Шу билан берилган мавзу

бўйича семинарлар ҳам ўтказилади. Семинарларнинг ўзига хос шиорлари бўлиб улар ноанъанавийлиги билан тавсифланади. Семинардаги топшириқлар мураккаб бўлиб, улар ижодий тавсифга эга бўлиб ўқувчиларнинг билимини ошишига ёрдам беради. Ўқитишнинг тарбияловчи вазифаси амалга оширилганда, ўқувчиларнинг предметга бўлган қизиқиши ортади. Синф жамоаси шаклланади, у ёрдамида синфдаги айрим ўқувчилар тарбияланади. Таълимнинг ривожлантирувчи вазифаси дарсда ўқувчиларнинг табақалашган гуруҳди ишлари, якка тартибдаги топшириқлар тизимини маҳорат билан қўллаш йўли орқали амалга оширилади. Барча ўқитувчиларнинг ҳаракати дарс иложи борича таълим берувчи, уй топшириқлари эса мажбурий бўлмаслигига эришишга қаратилган. Уй топшириқларида факат дарслик билан эмас, балки қўшимча адабиёт билан ҳам ишланади. Ўқувчиларнинг ривожланиш кўрсаткичи, бу уларнинг эгаллаган билимларини онгли равища қўллай олиши, предмет ичидаги алоқаларни ўрната олиши, умумлаштира олиши, баҳсларда асосли равища ўз фикрларини баён эта олиши ва ҳимоя қилиши, ижодий ишларни бажара олишида намоён бўлади. Айтилган фикрлардан ўқув малакаларини фақатгина репродуктив йўллар билангиша шакллантириб бўлмаслиги ҳақида хulosha қилиш мумкин. Ўқувчи мустақил изланиши ва муаммоли вазиятларни яратса олиши керак. Тайёр ечимлар берилмай, изланиш йўналиши ва методларини, ўқув қўлланмалари ҳамда маълумотнома билан ишлашни кўрсатиш зарур. Шунинг асосида анализ, синтез, умумлаштириш ва бошқа фикрлаш операцияларини шакллантириш зарур.

Ўқувчиларни сабр билан маълум изчилликда дарслик билан ишлаш, ўқитувчини тинглаш, кимёвий жиҳозлар билан ишлаш, ўз дикқатини жалб эта олиш, берилган саволга китобдан жавоб топиш, мустақил савол тузса олиш, ўқитувчи тушунтириб берган мавзу билан китобдан ўқиганини таққослай олишга ўрганиб бориш зарур. Ана шундай кўнишка ва малакаларни шакллантириш ўз-ўзидан ўқитишнинг нафақат таълим берувчи балки тарбияловчи ва ривожлантирувчи вазифасини ҳам амалга оширишга имкон беради. Ўқувчилар кимёдан ишларни дарсда ва уйда бажарадилар. Уй иши ўқувчиларнинг синфдаги ишини давом эттириши демакдир. Уйга вазифа қандай бажарилиши зарурлиги албатта тушунтирилиши керак. Айниқса, ўқитувчи ўқувчиларнинг дафтарларига алоҳида эътибор бериши керак. Ўқитувчи МИТ да ўқитувчиларнинг илфор тажрибаларини ва янги педагогик технологияларни ўзлаштириши муҳим ҳисобланади. Аммо, бунда ўқитувчининг имкониятлари чегараланган. Ўқитувчи фаолиятининг миқёси ва тавсифи илфор тажрибани излашга имкон бермайди. Бу илмий муассасалар, халқ таълими вазирлиги, олий ўқув юртларининг ишидир. Ўқитувчи эълон қилинган материаллардан фойдаланиши мумкин.

Фақат шу материаллардан фойдаланишга унинг ўз ёндашуви бўлиши керак.

Авваламбор, ҳар қандай илфор тажрибага тўғридан-тўғри эмас, балки ўзи ишлаган шароитни ҳисобга олиб ижодий ёндашиш керак. Айниқса, таълимнинг кимёвий мазмуни ўқувчиларнинг ёш хусусиятларини, атрофдаги корхоналарни ҳисобга олиши керак. Илфор тажрибанинг ташқи белгиларини эмас, балки унинг моҳиятини тушуниш керак. Бу нафақат тажрибадан самарали фойдаланиш, балки уни ижобий томонларини янада чуқурлаштиришга имкон беради. Илфор тажрибани турли томондан таълим-тарбиявий ва ривожлантирувчи жиҳатлари бўйича баҳолаш зарур. Тажриба ана шу жиҳатларнинг бирортасига ҳам зарап келтирмаган тақдирдагина ўзлаштирилиши мумкин. Кимё ўқитиш методикаси тарихидан маълумки, қўлланилган метод ва формалар фақат бир жиҳатни кучайтириб, бошқасига зарап келтирмаслиги даркор. Шу билан бирга янгиликни амалда қўлламай ва уни яроқсизлигига ишонч ҳосил қилмай туриб, янгиликка салбий муносабатда бўлмаслик керак. Методика фанининг илфор ютуқлари ва ўқитувчиларнинг тажрибалиридан доимо хабардор бўлиб бориши учун ўқитувчи “Маърифат”, “Ўқитувчилар газетаси”, “Халқ таълими”, “Химия в школе” журнallари билан мунтазам танишиб бориши керак. Ўқитувчи педагогик ўқишилар, илмий анжуманлар, мутахассислиги бўйича метод бирлашма ишларида қатнашиши зарур. Ўқитувчи мунтазам равишида малака ошириш институтларида малакасини ошириб бориши лозим.

9-§. КИМЁ ЎҚИТУВЧИСИННИНГ ИЛМИЙ МЕТОДИК ИШИ

Ўқитувчи илмий методик ишининг бош мазмуни, шундан иборатки, у мактаб ва кимё ўқитиш методикаси фани олдидаги муаммоларни англаб етиши, педагогик тадқиқот методларини ўзлаштириши ва улардан ўз олдига қўйган муаммоларни ечишда фойдалана олиши зарур. Кимё ўқитиш методикасида қўлланаётган энг муҳим ва кўп тарқалган педагогик тадқиқот методларига қўйидагилар киради: адабиёт манбалари билан ишлаш, мақсадга йўналтирилган кузатиш, сұхбат, анкета тарқатиш ва педагогик экспериментнинг турли хиллари.

Адабиёт манбалари билан ишлаш тадқиқот адабиётни ўрганишдан бошланади. Бу жараёнда тадқиқотчи ўқитувчи адабиёт манбаларига мурожаат қиласи ва уларни ўз ишига таққослаб ўрганади. Тадқиқот олинган ишларни умумлаштириш, зарур бўлганда адабиёт билан ишлаш билан якунланади.

Тадқиқотчи ўзи тадқиқ қилаётган муаммони мамлакатимиздаги ва чет элдаги ҳолатини жуда яхши тасаввур қила олиши керак. Ада-

биёт билан танишиш жараёнида тадқиқотнинг мақсади ва мавзуси аникланиб, гипотеза шаклланади.

Адабиётлар манбаларини конспект қилиш, рефератлар ёзиш, картотекасига киритиш, тақриз қилиш, аннотация тарзида ёзиш, кўчириб олиш ёки шунчаки қараб чиқиш мумкин. Аммо уларнинг барчаси тадқиқотнинг мақсадига бўйсундирилиши керак. Битта масала бўйича турли хил муаллифларнинг фикрини таққослаш улар ўртасидаги ўхшашиблик ва фарқларни, қарама-қаршиликлар ҳамда сабабларини аниқлаш, адабиёт манбаларини тадқиқотчи танлаган белгилар бўйича гурухларга ажратиш жуда муҳимдир. Бундай таҳлил мақола тарзида ёзилган бўлса, адабиётлар билан ишлашнинг умумлаштирувчи босқичи дейилади.

Мақсадни кузатиш. Бу мураккаб тадқиқот методидир. У тадқиқот мақсадига боғлиқ. Кузатишида тадқиқотчи ўқув жараёнига аралашмайди, фақат уни қандай бораётганлигини кузатиб, айрим тадқиқотга алоқадор бўлган ҳолатларини белгилаб боради. Айтайлик, тадқиқотчи нима учун бирор масалани ўқувчилар қийин ўзлаштириши сабабини аниқламоқчи бўлсин. Кузатувчи дарс пайтида ўқитувчнинг ишини кузатади, уни тушинтиришини, қўллаётган метод ва усууларини аниқлайди. Шунингдек, ҳар бир қўлланилган усула ўқувчиларнинг муносабатларини аниқлаб, баённомага киритади ҳамда ўзининг таклифларини ёзив қўяди. Сўнгра дарсдан кейин кузатиш натижаларини таҳлил қилиб, дарсда ишни қандай қилса, самаралироқ бўлиши мумкинлиги ҳақида хулоса қиласди. Педагогик кузатишинг қийинлиги шундан иборатки, кузатувчи бир вақтни ўзида жуда кўп объектларга эътибор бериши керак. Масалан, ўқув жараёни ва ўқув материалининг мазмунига эътибор бериб, улар ўртасидаги алоқани сезирлик билан аниқлаши керак бўлади. Бундан ташқари кузатувчининг дарсда иштирок этганлиги шу жараённи боришига анча салбий таъсир этиши мумкин. Шу боис, кузатиш яширин камералар ёрдамида амалга оширилиши керак. Ёки кузатувчи шундай жойлашиши керакки, у ўқувчиларга умуман кўринмасин (яъни синфдан ташқаридан кузатилиши керак). Бундай шароит доим ҳам бўлавермайди.

Сұхбат — бу метод анча субъектив бўлиб, натижаси тадқиқотчи билан текширувчининг шахслараро муносабатларига кўп жиҳатдан боғлиқ. Сұхбатга жуда синчковлик билан пухта тайёргарлик кўриш керак. Сұхбатнинг мақсади ўқитувчи ва ўқувчиларга аввалдан маълум бўлмаслиги керак. Сұхбат саволлари шундай қўйилиши керакки, текширувчининг қайси жавоби тадқиқотчига маъқул эканлигини аввалдан билмасин, сұхбат текширувчининг сұхбат даврида ўзини қандай тутишини кузатиш билан олиб борилиши керак. Сұхбатни текширувчининг қизиқишлиарини ҳисобга олинган саволлар билан бошлаш, сўнгра тадқиқот мавзуси бўйича саволларга ўтилса, мақ-

садга мувофиқ бўлади. Суҳбатни магнитофонга яширинча ёзib олиш ҳам яхши натижга беради.

Масалан, ўқитувчи айрим ўқувчилар кимёни 7-синфда яхши ўзлаштирганлари ҳолда, 8-синфда бу кўрсаткичлар пасайиб кетганигини сезиб, сабабини аниқламоқчи бўлади ва шу соҳага оид гипотеза яратади, яъни 8-синфнинг бошида жуда кўп ҳисоблашлар ўтказилиб, кимёвий тажрибалар кам ўтказилган. Натижада ўқувчиларни предметга бўлган қизиқишлари пасайган. Аммо бу ўқувчиларни спортта қизиқишини ўқитувчи инобатга олиши, аввало шу соҳага оид савол бериб, сўнгра асосий мақсадли саволларга ўтиши керак. Суҳбат учун танланган саволлар аниқ ва мақсадли йўналтирилган бўлиши керак. Умумлашган саволларга аниқ жавоблар олиб бўлмаслигини унутмаслик керак.

Масалан, “Нима учун 8-синфда кимёдан, 7-синфга нисбатан қийин ўзлаштиряпсиз?” — деган савол туғилади. Ўқувчи бу саволга жавоб бериши учун ўз фаолиятини таҳлил қилиб чиқиши керак. Шунинг учун ҳам жавоб анчагина ноаниқ бўлиши мумкин.

“Сизга кимёдан нима ёқади (ёқмайди)?”, “Кимёдан масалалар ечиш керакми?”, “Кимёдан масалалар ечиш қизиқарлимиси ёки физикаданми, нима учун?” каби саволларга анчагина аниқ жавоблар олиш мумкин.

Анкета қўллаш. Бу ҳам субъектив метод бўлиб, суҳбатдан фарқли ҳолда жавоблар ёзма тарзда бўлиб уни ўзгартириб бўлмайди. Анкетада бериладиган саволлар ҳам суҳбат усулидаги каби аниқ ва мақсадли бўлиши керак. Жавобларни оқилона бўлишини таъминлаш мақсадида анкетага ўқувчилар ўз исми ва фамилиясини ёзмайдилар (имзоси бўлади). Анкетадан касбга йўллаш, тарбия муаммоларини таҳлил қилишда кенг фойдаланилади.

Моделлаш. Тадқиқот қилишнинг турли соҳаларида кенг қўллашилади. Биз кимёдан кўплаб моделларни биламиз. Масалан, молекулаларнинг моделлари ёрдамида умумий гипотеза тузилади ва исбот қилинади. Кимёвий формула ва тенгламалар моддалар ва жараёнларнинг белгили моделларидир. Улар ёрдамида кимёвий муаммолар ҳал қилинади, бошқача айтганда қофозда ёзилган ҳар бир белги орқасида тадқиқотчи нима турганлигини яхши тасаввур қила олади. Математик моделлашда ҳодисаларнинг турли параметрлари математик формулалар ёрдамида тузилади.

Барча моделларда ҳодиса ёки предметнинг тадқиқотчи учун зарур бўлган ва энг муҳим жиҳатлари сунъий равишида ажратиб олиниди ва уни имкони борича реал объектга яқинлаштиришга ҳаракат қилинади. Ҳар қандай модел реал объектдан анча узоқ бўлади, айниқса педагогик модел.

Педагогик жараёнларни моделлаш кўплаб тадқиқотчилар томонидан ўрганилган.

Н. В. Кузминанинг таърифига кўра, моделлаш деганда, тадқиқ қилиш қийин бўлган ёки имкони бўлмаган ҳодисани ўрганиш учун шунга ўхшаган ҳодисани сунъий яратиш тушунилади. Таърифдан кўринадики, моделларни қўллаш анчагина чегараланганд. Ўқитувчи амалда моделлашни одатда дарс режасини тузганда қўллайди. Дарс режасини тузар экан, у дарсни боришини, ўз фаолиятини ҳамда бунга ўқувчиларнинг муносабатини хаёлидан ўтказади, турли хил омиллар ва уларнинг ўзаро алоқасини ҳисобга олади, асосийси дарснинг мақсади ва эришадиган натижасини аввалдан яхши тасаввур қиласди. Ўқитувчининг бу ҳаракатини кўпинча хаёлий эксперимент деб ҳам аташади. Г. И. Архангельскийнинг эътироф этишича, хаёлий эксперимент ҳам моделлаш ҳисобланади. Ёш ўқитувчилар ўз ўртоқлари олдида ёки ҳеч ким йўқлигига машқ қилиб олишга эҳтиёж излайдилар. Тадқиқот мақсадида модел тузилаётганда унда ўрганилаётган ҳодисанинг қайси параметрлари акс этиши ва улар билан қандай ўзаро боғлиқлиқда бўлишини ўқитувчи яхши тасаввур қилиши керак.

Модел бир неча бор такрорланиши ва унда дарснинг турли хил варианtlари текширилиб кўрилиши билан аҳамиятли. Яратилган моделнинг тўғрилигини фақатгина реал ўқитиш жараёнida текшириб кўрилади. Модел билан кўрсатилган жараён ўртасидаги фарқ ишни кейинги таҳдил қилиш ва унга ўзгартиришлар киритиш учун асос бўлади.

Кўп ҳолларда моделлаш педагогик эксперимент ўтказишга тайёргарлик босқичи бўлиб хизмат қиласди.

Педагогик эксперимент — педагогик тадқиқотнинг энг объектив методидир. Бу ерда ўқитувчи экспериментал шароит яратиб ўқув жараёнига фаол аралашади, ўқитишнинг турли варианtlарини тақослайди.

Эксперимент давом этиши ва ўқув юртларини қамраб олишига қараб турлича бўлиши мумкин. Масалан, дарсларни текшириш бир неча йил мобайнida бир неча вилоятларда, ҳатто республика бўйича ўтказилиши мумкин. Айрим ўқитиш методи ёки воситасининг самарадорлигини текширишни битта мактабнинг иккита параллел синфида ўтказиш кифоя. Барча ҳолларда эксперимент одатдаги дарсларни ўтказиш жараёнидек табиий тарзда ўтказилади. Баъзан изланиш ёки лаборатория эксперименти ўтказилади. Бунда синфдан бир груп ўқувчилар танлаб олиниб, дарсдан ташқари вақтда эксперимент иши ўтказилади. Эксперимент натижалари табиий эксперимент дастурини ишлаб чиқишига асос бўлади.

Педагогик эксперимент ўтказишида экспериментал ва назорат синфларини танлашда айрим қоидаларга риоя қилиш зарар. Синфлар ўзлаштириш даражалари бўйича ўзаро тенг бўлиши керак. Яхши ўзлаштирадиган, ўртача ўзлаштирадиган ва қийин ўзлаштирадиган-

лар сони деярли баравар бўлиши керак. Эксперимент натижаси ишончлироқ бўлиши учун билими кучсизроқ ўқувчилар эксперимент учун танлаб олинади.

Эксперимент айнан экспериментал таъсир туфайли самарали бўлганинги исботлаш мумкин. Бунинг учун ҳар иккала синфда ўрганилаётган омилдан ташқари барча шароитлар бир хил бўлиши керак. Масалан, билимларни дастур бўйича мустаҳкамлашнинг са- мараси текширилаётган бўлса, экспериментал ва назорат синфлари- да дарслар мазмuni ва ўтказиш методикаси бир хил бўлиши зарур. Фақат улар бир-биридан мустаҳкамлаш қисмидагина фарқ қилиши керак. Бу принцип экспериментал фарқланиш принципи дейилади.

Агар эксперимент нисбатан узоқ давом этаётган бўлса, ҳар икка- ла синфни навбат билан экспериментал синф қилиб олиш мумкин. Агар текширилаётган методика ҳар иккала ҳолда ҳам экспериментал синфда назорат синфига нисбатан яхши натижа берса, унинг сама- радиорлигини яна бир бор исботлайди.

Эксперимент натижаларидан хулоса чиқариш учун самарадорлик мезонини ишлаб чиқиш лозим. Яъни у ҳар иккала синфда эришил- ган натижаларни объектив баҳолашга имкон бермоғи лозим.

Ушбу синфларнинг сифат ва миқдор кўрсаткичларидаги фарқ- лар экспериментнинг муваффақиятли ёки муваффақиятсизлиги ҳақида ахборот беради. Билимлilar синфини аниқлаш мезонла- ридан бири билимларнинг тўлиқлиги ҳисобланади. Назорат иш- ларини текширишда ўзлаштиришни назорат қилиш муаммолари- даги шартли бирликларнинг умумий сонини осонгина ҳисоблаб чиқиш мумкин.

Мезон — билимларнинг чуқурлиги, билимларни янги ҳолатга кўчира олиш ва ҳодисалар моҳиятини чуқурроқ тушуна олиш ҳисоб- ланади. Мезон — билимлар мустаҳкамлиги уларнинг маълум вақт мобайнида, яъни 1, 2, 3, 6 ой оралиғида сақланишидир.

Билимлар мустаҳкамлигини аниқлаш учун ўтилган мавзу мазму- ни бўйича тақрорий назорат иши ўтказилиб, натижалари бошлангич билимлар билан таққосланади. Бошқа мезонлар ҳам бўлиши мум- кин.

Масалан, предметга қизиқишнинг ортиши ва бошқалар. Ҳар бир мезон миқдорий ифодага эга бўлиши керак. Бу олинган натижалар- ни статистик қайта ишлаш ва ишончлилигини исботлаш учун зарур- дир. Педагогик тадқиқотларда кўпинча ўртача балларнинг қиймат- лари таққосланади. Шунингдек, у ёки бу балларни олган ўқувчилар сони фоизда ҳисобланиб, таққосланади.

Масалан, экспериментал ва назорат синфларида ўртача ўзлаш- тирувчи ёки паст ўзлаштирувчи ўқувчиларнинг натижалари таққос- ланади. Педагогик тадқиқотларда эксперимент натижаси яққол на- моян бўлавермайди, жуда кўп субъектив омиллар унга таъсир кўрса-

тади. Шунинг учун экспериментал ва назорат синфлари ўртасидаги фарқ унчалик катта бўлмаса, натижани ишончли деб бўлмайди.

Хуоса. Кимё ўқитувчи мөхнатини илмий ташкил қилиш ўқитувчи ишининг яхлит тизими бўлиб, унга ўқув жараёнини режалаштириш, ўқувчиларда ўқув кўникмаларини шакллантириш, мустақил таълим бўйича ва илфор тажрибани ўзлаштириш бўйича ўз мөхнатини оқилона ташкил қилиш, ўз ишини таҳлил қилиш учун тадқиқот методларидан фойдалана олиш ва бир қатор ноанъянавий ечимга эга бўлган ижобий изланиш элементлари кириб, улар ўқувчи ҳамда ўқитувчи мөхнатини шунингдек, ўқитувчининг таълим берувчи фолиятини енгиллатиш, самарадорлигини оширишга қаратилгандир.

НАЗОРАТ САВОЛЛАРИ

1. Мөхнатни илмий ташкил қилишни қандай тушунасиз?
2. Кимё ўқитувчисининг ўқув фаолияти қандай режалаштирилади ва ташкил қилинади?
3. Ўқувчиларнинг кимёдан ўқув мөхнати қандай ташкил қилинади?
4. Ўқитувчиларнинг илфор тажрибаларига мисоллар келтиринг.
5. Кимё ўқитувчи мөхнати илмий тадқиқот методларидан фойдаланади? Бу тадқиқот нима учун зарур?
6. Анкета кўллашнинг моҳияти нимадан иборат?
7. Моделлашнинг моҳияти нимадан иборат?
8. Педагогик эксперимент қандай ўтказилади?
9. Билимлар мустаҳкамлиги қандай аниқланади?
10. Бирор кичик мавзу юзасидан тадқиқот режаси тузинг.

10-§. МАКТАБ КИМЁ КУРСИННИГ МАЗМУНИ ВА ТУЗИЛИШИ

Республикамизнинг мустақил иқтисодий ривожланиш даврида ҳар бир ўқитувчи, педагогик жамоа, ҳалқ таълими бўлимлари ўсиб келаётган ёш авлодни ўқитиши ва тарбиялаш билан, уларни мөхнатга лаёқатли бўлиб етишишлари учун ўз фаолиятларини таълим соҳасидаги талаблардан келиб чиқиб ташкил этишлари лозим. Ҳозирги замон кимё курси асосий эътиборни моддаларнинг хоссалари ва бу моддалар билан содир бўладиган ўзгаришларни шарҳлаб беришга қаратган. Моддалардаги ўзгаришларни эса шу моддаларнинг тузилишидан фойдаланилган ҳолда тушунириш лозим. Шу сабабли атом-молекуляр таълимот ҳозирги замон кимёсининг бошланғич бўлими ҳисобланади.

Атом-молекуляр таълимот ўз навбатида жисм ва оддий модда, мураккаб модда, атом ва молекула, кимёвий элемент, нисбий атом масса, нисбий молекуляр масса, валентлик, эквивалентлик ва бошқа мухим тушунчалар билан узвий боғланган. Мана шунинг учун барча кимёвий тушунчалар кимё курсининг асосини ташкил қиласди. Кимёвий тушунчаларсиз кимёнинг асосий негизини ўрганиш мумкин

эмас. Бу тушунчаларни шакілантариш анорганик кимё курсининг назарий асоси, Д. И. Менделеевнинг даврий қонуни ва кимёвий элементлар даврий жадвали, атом тузилиши ҳақидаги замонавий тасаввурлар, кимёвий боғланиш түғрисидаги таълимотта сұянағи. Шуннинг учун VII синфда бу курсни ўргатиши уч босқичга бўлинади: дастлаб ўқувчилар даврий қонунни ўрганиши учун зарур бўлган тушунчалар ва қонунлар билан таниширилади. Сўнг анорганик бирокмаларнинг асосий синфлари ва баъзи элементлар, уларнинг хоссалари ўрганилади. Кейин шаклланган назарий база асосида 8-синфда Д. И. Менделеевнинг даврий қонуни ва кимёвий элементлар даврий жадвали, кимёвий боғланишнинг электрон табиати ва турлари, оксидланиш даражаси, ион зарядни аниқлаш, моддаларнинг хоссаларини маълум аломатларга кўра тавсифлаш ўрганилади. Шундан сўнг айрим гуруҳдаги типик элементлар, уларнинг сиёсий тавсифини, энг муҳим бирокмаларини, бирокмаларнинг хоссаларини таққослашни ўрганадилар, ўрганилган бирокмаларнинг халқ хўжалигидаги ва ишлаб чиқаришдаги аҳамияти билан танишадилар.

Анорганик кимё курсини ўрганиш 9-синфда давом эттирилиб, аввал моддаларнинг ички тузилиши ва кимёвий боғланиш негизида турли моддаларнинг электролитик хусусиятлари ўрганилади. Бу асосида анорганик бирокмаларнинг асосий синфларининг таркиби ва тузилиши ҳақидаги билимлар чуқурлаштирилади. Кимёвий реакция типлари ҳақидаги билимлар ион алмаштириш ва оксидланиш-қайтарилиш реакциялари орқали янада кенгайтириб борилади.

Кейинги босқичда кимёвий жараёнлар боришининг асосий қонуниятлари ўрганилиб, кимёвий реакция тезлиги, кимёвий мувозанат ва уни силжитиш ҳақидаги тушунчалар берилади. Сўнгра алоҳида гурухга мансуб элементлар, уларнинг энг муҳим бирокмалари ва бу бирокмаларнинг хоссалари ҳамда шу бирокмаларни ишлаб чиқаришдаги ўрни билан танишириб борилади.

Шунингдек, 9-синфда металларнинг умумий тавсифи ўрганилади. Бунда ўқувчилар металларнинг хоссалари, характеристи хусусиятлари, ишлатилишидан ташқари, уларнинг амалий аҳамияти, ишлаб чиқариш муаммолари, металлар ва уларнинг қотишмаларини ташки таъсирдан ҳимоялаш усувлари билан таниширилади. Электролиз мисолида оксидланиш-қайтарилиш жараёни ҳақидаги билимлар янада кенгайтирилади ҳамда турли моддаларни ишлаб чиқаришнинг янги усувлари билан таниширилади. Бу синфда ўқувчилар турли бирокмаларни ишлаб чиқариш билан танишар эканлар, улар айни ишлаб чиқариш соҳасига хос касб-хунар эгалари, уларнинг бажарадиган вазифалари ҳамда айни ишлаб чиқаришда амал қилиниши лозим бўлган атроф-муҳит муҳофазаси билан танишиб борадилар.

10-синфда ўрганиладиган органик кимё курсининг мазмуни моддаларнинг кимёвий тузилиш назариясини, органик бирокмаларнинг

энг мұхим синфларини, уларнинг содда тузилишли моддалардан то организмни ташкил этувчи мураккаб тузилишли моддаларгача муракаблашиб бориш тартибида ўзаро боғланиш асосида ўрганишни ўз ичига олади. Ҳозирги пайтда кимёдан янги давлат стандарты ва дастури асосида 9-синфда “Углерод” мавзусида органик бирикмалар ҳақида маълумот бериш назарда тутилган. “Таълим тўғрисидаги қонун” га кўра ўрта таълим 9-синф ҳажмида бўлади. Кимёвий маълумот касб-хунар коллежлари ва академик лицейларда давом эттирилади.

Эски тизимга кўра, 10-синфда ўқувчилар моддаларнинг хоссалари, молекулаларнинг кимёвий, электрон ва фазовий тузилишларига боғлиқ эканлиги, органик моддаларнинг халқ хўжалигидаги аҳамияти, мамлакатимизда нефт-кимё саноатининг ривожланиб бориши билан танишиб борадилар.

Органик кимёнинг назарий асосини А. М. Бутлеровнинг кимёвий тузилиш назарияси ташкил этади. Бу назария асосида ҳар бир ўрганилаётган ўзаро ўхшаш бирикмаларнинг олиниши, молекуляр тузилиш ва хоссалари тушунтириб борилади. Молекуланинг фазовий тузилиши ва углерод атомининг боғланиш тартиби моддаларнинг табиатига таъсир этиши ўрганилади. Углеводородларнинг асосий синфлари ўрганиб бўлингандан сўнг, органик бирикмаларнинг табиий манбалари ва уларни қайта ишлаш усуллари билан таништирилади. Халқ хўжалигига углеводород ҳом ашёсидан фойдаланишнинг аҳамияти ёритиб берилади. Шундан сўнг таркибида айрим гуруҳ бирикмалари, синфлари, уларнинг табиати, молекуляр тузилиши, олиниш усуллари ва уларнинг хоссалари, амалий аҳамияти ўрганилади. Сўнгра молекуласи таркибида бир неча ёки турли гуруҳли мураккаб тузилишга эга бўлган, тирик организмлар таркибига киравчи бирикмаларнинг табиати, табиатда учраши, хоссалари, олиниш йўллари ва аҳамияти ўрганила бошлайди. Органик кимё курсининг охира ида барча синфларнинг ўзаро боғланиши орқали, уларнинг узвийлиги, бир-бирига айланиши, анорганик бирикмаларнинг хоссаларига ўхшаш томонлари ва фарқи очиб берилади.

11-синф умумий кимё курси икки қисмдан иборат бўлиб, курс бошида органик кимё давом эттирилиб, тирик организмлардаги биологик жараёнларнинг боришини таъминловчи мураккаб тузилишли биоорганик бирикмаларнинг таркиби, тузилиши ва ўзига хос хусусиятлари ўрганилади. Табиий ва синтетик юқори молекуляр бирикмалар, улар асосида яратилган полимер материаллар, уларнинг халқ хўжалигидаги аҳамияти билан таништирилади.

Кейинги умумлаштирувчи қисмда анорганик ва органик кимёдан ўрганилган тушунча назария ва қонунларга таҳдилий тавсиф берилади. Уларнинг янги жиҳатлари очиб берилади; кимёвий элемент, моддалар, уларнинг табиати, кимёвий жараёнлар ва ишлаб

чиқариш тұғрисидаги аввалги билимлар умумлаштирилади ва системага солинади. Умумий кимёни үрганиш табиат ҳақидаги фанлар орасыда кимёning тутган ўрни, әгалаган мавқеини, халқ хўжалигини ривожлантиришдаги аҳамиятини кўрсатиш ва очиб бериш билан якунланади.

Билимларни умумлаштириш ва маълум бир системага солиш атом тузилиши асосида Д. И. Менделеевнинг даврий қонуни ва кимёвий элементлар даврий жадвалини, шунингдек, табиатини диалектик тушуниш ва бошқа фанларнинг ривожланишидаги даврий қонунининг аҳамиятини очиб бериш билан олиб борилади. Моддалар таркибининг сақланиши тұғрисидаги билимлар ўзгарувчан ва ўзгармас таркибли моддалар, комплекс бирикмалар ҳақидаги билимлар билан бойитилади, кенгайтирилади. Дисперс системалар, уларнинг табиати, тузилиши ҳамда турмушдаги, техникадаги, шунингдек ишлаб чиқаришдаги аҳамияти тушунтириб берилади.

Кимёвий реакцияларни умумий тарзда синфлаш бутун кимё курси бўйича амалга оширилади. Кимёвий кинетика, кимёвий мувозанат уларга таъсир этувчи омилларнинг хусусиятлари (таъсир этиш механизми), кимёвий мувозанатни силжитиш шартлари тұғрисидаги билимлар мазмуни чуқурлаштирилади ва умумлаштирилади. Сўнгра аввал металларнинг, кейин эса металламасларнинг умумий тавсифи кўриб чиқилади. Анорганик ва органик моддалар орасидаги боғлиқлик ҳар томонлама очиб берилади. Дунёнинг замонавий манзараси, илмий тузилишида кимёning роли ҳақидаги тасаввурлар кенгайтирилади.

Кимё бу ҳам назарий, ҳам амалий фандир. Моддалар ва жараёнларни үрганиш, тажрибалар натижасида олинган далилларни таҳтил қилишга ва уларни назарий жиҳатдан тушунтириб беришга, умумлаштиришга асосланган. Агар олинган натижаларни мавжуд қонунлар ёки назариялар асосида тушунтириш мумкин бўлса, бунда улар шу қонун ва назарияларни тасдиқлашга хизмат қиласи. Агар мавжуд қонунлар ва назариялар билан тушунтириб бўлмайдиган натижалар олинса, буниси янада қизиқарлироқ. Шунда уларни тушунтиришга интилиш янги қонунларни кашф қилишга, янги назариялар яратишга олиб келади.

Мактаб кимё курсида маълум кўнилмаларни шакллантиришга қаратилган, ўқувчиларни кимёвий изланиш йўлига олиб кирувчи кимёning илмий услублари бутун мазмуни билан ўз ифодасини топмоғи лозим. Мактаб кимё курсида ўқитишининг маълум босқичларини ташкил этувчи тўртта асосий назарий концепция мавжуд. Булар 7-синфда атом-молекуляр таълимот, 8-синфда даврий қонун ва кимёвий элементлар даврий жадвали, 9-синфда электролитик диссоцияланиш назарияси, кимёвий тузилиш назарияси, кимёвий жараёнларни боришининг асосий қонуниятлари, 10-синфда моддалар-

нинг кимёвий тузилиш назарияси, 11-синфда модда тузилишининг хоссага таъсири тўғрисидаги назария. Бу концепцияларнинг ҳар бири ўзига хос маълум бир чегарага эга бўлиб, бу чегарани босиб ўтиш билан муҳим тушунчалар сифат ўзгаришига учрайди, ривожланади ва мустаҳкамланади.

Ўрта мактаб кимё курсида тушунчалар, назариялар ва қонунларни ўрганиш беш босқичга бўлинади:

1-босқич. Даврий қонунни ўрганишгача бўлган даврда атом-молекуляр таълимот асосида ўқитиладиган кириш қисм. Бунда даврий қонунни тушуниш учун зарур бўлган тушунчалар, далиллар, баъзи амалий қўникмалар ўзлаштирилади. Қолган босқичларда таълим бериш шуларга асосланади.

2-босқич. Д. И. Менделеевнинг даврий қонуни ва кимёвий элементлар даврий жадвалини, моддалар тузилишининг замонавий назариясини ўргатишдан иборат.

3-босқич. Д. И. Менделеевнинг даврий қонуни ва кимёвий элементлар даврий жадвалини гурухлар, типик элементлар ва уларнинг бирикмалари бўйича ўрганиш.

4-босқич. Органик бирикмаларни кимёвий тузилиш назарияси асосида ўрганиш.

5-босқич. Анорганик ва органик кимё курсини олинган билимлар бўйича умумлаштириш, системалаштириш ва мустаҳкамлаш.

“Дастлабки кимёвий тушунчалар” мавзуси 8-синф кимё курсининг асосий пойдевори ҳисобланади. Ана шу мавзуда атом-молекуляр таълимот ўрганилади.

“Кислород. Оксидлар. Ёниш” мавзуси даврий қонунни тушуниш учун зарур, у ўқувчиларга табиатшунослик курсидан энг яқин та ниш бўлган мавзудир. Бу мавзуда атом-молекуляр таълимот қоидалари аниқлаштирилади, оксидлар ҳақида тушунча киритилади, шунингдек оксидланиш ҳақида дастлабки тасаввур берилади. Кейинчалик бу тасаввурлар бирекиши ва ажralиши реакциялари ҳақидаги тушунча беришда умумлаштирилади ва ривожлантирилади. Бундан ташқари бу мавзуда, ўқувчилар биринчи марта атом-молекуляр таълимот асосида кимёвий элементлар ва оддий моддалар ҳақидаги аниқ билимлар тизимини оладилар, оддий моддаларни маълум режа бўйича тавсифлашга ўрганадилар.

“Водород. Кислоталар. Тузлар” мавзуси даврий қонунни тушуниш учун зарур бўлган элементларнинг бирикмалари тўғрисида тасаввурлар беради. Оксидланишга қарама-қарши жараён бўлган қайтарилиш жараёни тўғрисида дастлабки тушунчалар шакллантирилади, ўрин олиш реакциялари ҳақидаги тушунчалар мустаҳкамланади, ўқувчиларни биринчи марта алмашиниш реакциялари билан таништирилади. Бу мавзуни ўрганишда кислоталар ва тузлар ҳақидаги билимлар тизими тўла шаклланмайди.

“Сув. Эритмалар. Асослар” мавзуси аввалги икки мавзунинг давоми ҳисобланади. Бунда сувни мураккаб модда сифатидаги билимлар тизими ва баъзи элементларнинг асослари ҳақидаги билимлар ўзлаштирилади. Эритмалар ҳақидаги бўлим сувни эритувчи сифатида тавсифлашга қаратилган ва суюлтирилган эритмалар ҳақидаги тушунчалар ўқувчиларнинг эритмалар тўғрисидаги билимларини кенгайтиради.

“Анорганик бирикмаларнинг энг муҳим синфларига доир билимларни умумлаштириш” мавзуси дунёни билиш ва дунёқарашни шакллантириш нуқтаи-назаридан айниқса муҳимдир. Бу мавзуни ўрганишда моддаларнинг материал бирлиги ҳақидаги гоялар ва улар орасидаги ўзаро узвий боғланишни аниқ очиб бериш зарур. Бу мавзуларнинг барчаси даврий қонунни тушуниш учун зарур.

“Кимёдан миқдорий ҳисоблар” мавзуси ўқувчиларга модда миқдорий бирлиги, газларнинг миқдорий нисбатлари, моляр ҳажм, термокимёвий жараёнлар, иссиқлик эффекти каби тушунчаларни шакллантириш учун зарур.

Ўқувчиларда маълум ҳажмда дастлабки тушунчалар шакллангандан сўнг, асосий курс бошланади. Дастлаб “Д. И. Менделеевнинг кимёвий элементлар даврий қонуни ва даврий системаси. Атом тузилиши” мавзуси ўрганилади. Бунда даврий қонуннинг моҳияти, қонун негизида кимёвий элементларни классификациялаш, атом ядро таркиби, ядро реакциялари, электронларнинг энергетик поғоналарда тақсимланиши, унинг элемент атоми хоссаларига таъсири ўрганилади.

“Кимёвий боғланиш. Моддаларнинг тузилиши” мавзуси нафақат 8-синфнинг, балки бутун кимё курсининг назарий негизини ташкил этади. Бу мавзуда кимёвий боғланишнинг турларини фарқлаш учун аввал нисбий электроманфийлик ўрганилади, сўнг боғланиш турлари ҳақида тушунча берилади. Кимёвий боғланиш асосида моддаларнинг тузилиши, кристалл панжара турлари, унга боғлиқ равишда моддаларнинг хоссалари тушунтирилади. Кимёвий элементларнинг оксидланиши даражаси ва уни аниқлаш бўйича маълумот берилади, оксидланиш-қайтарилиш реакция тенгламасини тузиш ўргатилади.

Д. И. Менделеевнинг кимёвий элементлар даврий жадвалидаги типик элементлар ва уларнинг бирикмалари гурухлар бўйича ўрганилиши дедуктив тарзда ўзлаштирилади. “Галогенлар” мавзусини ўрганишдан мақсад — Д. И. Менделеевнинг кимёвий элементлар даврий қонуни ва даврий жадвалини тўлароқ, чукурроқ, аникроқ ўрганишдан иборат. Шундай қилиб даврий жадвал ўрта мактабда кимёни ўрганишнинг мақсад ва воситаси бўлиб хизмат қиласди.

8-синфнинг бошланишида моддаларни эритмаларида электролитик диссоцияланишини ўрганиш кимёни ўрганишнинг янги поғонаси ҳисобланади. Электролитик эритмаларнинг табиатини ўрганиш

моддалар ва кимёвий реакциялар ҳақидаги аввалги тасаввурларни ўзгаришига, такомиллашувига сабаб бўлади. 9-синфда ўргатиладиган кейинги мавзуларнинг барчаси даврий қонун, моддаларнинг кристалл тузилиши ва электролитик диссоцияланиш назарияси нуқтаи-назаридан кўриб чиқилади.

“Тузлар гидролизи” мавзуси юқоридаги билимларни янада ривожлантиради. “Кимёвий реакциялар боришининг асосий қонуниятлари” мавзуси кимёвий ва термодинамикага оид бир қатор муҳим тушунчаларни беради. Бу тушунчалар кимёвий реакцияларга доир тушунчалар тизимини бир мунча умумлаштиради ва миқдорий тушунчалар блокидан бири сифатида ўзлаштирилади. Бунда ўқувчиларда кимёвий ишлаб чиқариш асосларига доир дастлабки тушунчалар тизими шакллана бошлайди. Бу асослар “Саноатда сульфат кислотани контакт усулида олиш”, “Аммиак синтези”, “Нитрат кислота ишлаб чиқариш” каби мавзуларда маълум даражада риожлантирилади. Политехник таълим беришда “Металлургия” мавзусининг роли айниқса муҳимдир. Металлургияга оид саволларга жавоб топиш давомида кимёвий ишлаб чиқариш тўғрисидаги билим ва тушунчалар ривожланиб боради.

10-синфда “Анорганик кимё курсидан олинган билимларни умумлаштириш” мавзуси орқали асосий тушунчалар ўртасидаги узвийлик аниқланади, шунингдек ўрганилган назариялар даражасида фикрлай олиш малакаси берилади. Бундан ташқари ўқувчилар кимё ўқитишининг сифат жиҳатдан янги босқичига — органик кимё курсига тайёрланиб борадилар.

“Органик бирикмаларнинг электрон табиати” мавзуси ўқувчиларга кимёвий боғ ҳосил қилишнинг янги турлари бўлган (*сигма*) ва (*пi*) боғлар ҳақида, уларнинг ҳосил бўлиш механизмига доир дастлабки тушунчаларни беради.

“Органик бирикмаларнинг кимёвий тузилиш назарияси” асосида А. М. Бутлеров назариясининг асосий қоидалари ўрганилади. Назариянинг асосини молекуладаги атомлараро боғланиш табиатини белгиловчи “кимёвий тузилиш” тушунчаси ташкил этади. Кимёвий тузилиш доимий равишда модда тузилиши ва хоссаларини ўрганиш учун таянч нуқта ҳисобланади. Кимёвий тузилишга оид билимлар назариянинг қолган қоида ва тушунчаларига мантиқий ёндашишга имкон беради. Шундай қилиб, кимёвий тузилиш бирикмаларнинг кимёвий хоссаларини белгилаб беради, назариянинг мазмунидаги ғоя ҳам шундан иборатdir. Сўнг органик бирикмаларнинг электрон тузилиши ва стереокимёси ёритиб берилади. Шу ернинг ўзида изомерия тўғрисида тушунча шакллантирила бошланади. Кимёвий тузилиш назариясининг асосий қоидалари ва ундан келиб чиқадиган назарий тушунчаларни ўрганиш органик кимё курсининг охиригача шакллантириб берилади.

“Тўйинган углеводородлар” мавзуси бир мунча оддий тузилишга эга бўлган органик бирикмалар билан таниширади ва улар мисолида органик моддаларга оид, кейинчалик ривожлантириб борилувчи: гибридланиш, электрон ва фазовий тузилиш, кимёвий реакцияларнинг механизмлари, гомологик қатор каби муҳим тушунчалар берилади. Ўқувчилар органик кимёда катта аҳамиятга эга бўлган ҳалқаро номенклатура билан танишадилар. Шу ерда циклопарафинлар ўрганилади.

“Тўйинмаган углеводородлар” мавзусида ковалент боғланиш ҳақидаги тушунчалар янада аниқлаштирилади ва боғларнинг фарқлари кўрсатиб берилади. Гибридланиш, гомология, изомерия, номенклатура каби тушунчалар ривожлантирилади ва генетик боғланиш орқали мустаҳкамланади.

“Ароматик углеводородлар” мавзусида, мактаб кимё курсида ҳалқали тузилишга эга бўлган моддалар учун алоҳида бўлим ажратилмаганлиги сабабли, ароматик углеводородларнинг тузилиши, хоссалари, ўзига хос хусусиятлари бензол мисолида ўрганилади. Бу мавзуда тузилиш, хосса ва изомерия тушунчалари яна бир поғона юқорига кўтарилади. Ковалент боғланиш табиатининг модда хоссасига таъсири тушунишиб берилади.

“Углеводородларнинг табиий манбалари ва уларни қайта ишлаш” мавзусида анорганик кимё курси асосларида берилган кимёвий ишлаб чиқариш тўғрисидаги тушунчалар ривожлантирилади. Ўрганиш обьекти табиий ва нефть ўйлдош газлари, нефть, тошкўмир, шунингдек улардан олинадиган маҳсулотлар ва уларни ҳалқ хўжалигида ишлатилиши ҳисобланади. Қайта ишлаш усуслари ва бундан олинадиган маҳсулотларнинг аҳамияти кўрсатиб берилади. Углеводородларнинг табиий манбаларини ўрганиш органик кимё курсининг кейинги мавзуларини ўрганиш учун манба ҳисобланади. Шу сабабли уларни онгли равишда, мустақил ўрганишга ўқувчилар эътиборини қаратиш лозим.

Таркибида кислород тутувчи органик бирикмаларни ўрганиш учун тўрт мавзу берилган: “Спиртлар ва феноллар”, “Альдегидлар ва карбон кислоталар”, “Мураккаб эфирлар. Ёғлар”, “Углеводлар”.

11-синфда органик кимё курси “Аминлар. Аминокислоталар. Азотли гетероциклик бирикмалар”, “Оқсилилар. Нуклеин кислоталар”, “Юқори молекуляр синтетик бирикмалар ва улар асосида олинадиган полимер материаллар” мавзулари бўйича давом эттирилади.

Шундай қилиб, органик кимё курсининг асосий мавзуси мураккаб тузилишли биоорганик бирикмалар ҳисобланади. Агар моддалар тузилишини мураккаблик дараҷасини, уларнинг хоссалари таъсири ҳақидаги назарияга тақдослайдиган бўлсак, тўйинган углеводородлар ва циклопарафинлар орасида янги структура — ҳалқа пайдо бўлади. Этилен қатори ва диен углеводородлар тузилишида янги эле-

мент — қүш бөг, ацетилен қатори углеводородларида эса — учламчи бөг, ароматик углеводородларда — умумлашган ароматик бөг кузатилади. Кислород тутувчи бирикмаларда функционал гурухни доимий равишида мураккаблашиб бориши гидроксил гурух — альдегид гурух — карбоксил гурух — мураккаб эфир гурух — аралаш гурух кузатилади. Таркибида азот тутувчи бирикмаларда модда тузилиши янада мураккаблашиб бориши: аминлар, аминокислоталар гетероциклик бирикмалар, нуклеин кислоталар кузатилади. Гетероциклик бирикмаларда бир пайтнинг ўзида ҳам асос, ҳам ароматик хоссанинг намоён бўлиши, аминлар ва ароматик тузилиш ҳамда уларнинг хоссаси билан таниш бўлишликни талаб этади. Нуклеин кислоталар мавзуси бевосита углеводлар ва гетероциклик бирикмалар билан боғланган. Оқсил молекуласининг полифункционал гуруҳлиги; гидроксил, карбонил, карбоксил, мураккаб эфир ва аминогурух билан тавсифланади. Оқсил молекуласининг фазовий тузилиши, функционал гуруҳларнинг кучли реакцияга кириша олиш қобилияти ички молекуляр ва молекулаларро боғланишнинг турли шакллари, боғланиш бўйлаб электрон зичликнинг силжиши буларнинг барчаси турли органик бирикмаларнинг тузилиши ва хоссалари тўғрисидаги тушунчаларни маълум даражада умумлаштиради.

Юқори молекуляр бирикмалар ҳақидаги дастлабки тушунчалар этилен қатори углеводородларида берилади, кейинчалик табиий полимерлар мисолида ёритиб берилади ва ниҳоят юқори молекуляр синтетик бирикмалар ва улар асосида олинадиган полимер материалилар мавзусида бу тушунчаларни ривожлантириш ва умумлаштириш, полимерларнинг хоссаларини ифодаловчи янги тушунчаларни шакллантириш имконияти вужудга келади. Органик юқори молекуляр бирикмаларни ўқувчилар яхши тушунишлари учун, уларга маълум даражада яхши таниш бўлган анорганик полимерлар — олмос, графит, кварц, силикат кислота ҳақидаги билимлар эсга олинса яхши натижага эришилади. Бу билимлар асосида полимерларнинг физик-химёвий, механик хоссалари, фазовий ўлчамдаги тузилиши ўрганилади, ўқувчиларга мономер, структура боғини, полимерланиш дараҷаси, кристалл, аморф тузилиш, модда хоссасининг молекуляр ва кимёвий тузилишига боғлиқлиги, полимерланиш механизми, термопластиклик ва термоактивлик, стереорегулярик каби тушунчалар шакллантирилади, асосий эътибор полимер материалларнинг турлари, уларнинг классификацияси ва аҳамиятига қаратилади.

Билимларни умумлаштириш ва чуқурлаштириш бўйича якунловчи, умумий кимё бўлимиди анорганик ва органик кимёнинг ўрганилган назариялари, қонуниятларига умумий тавсиф берилади, модданинг хоссалари унинг таркибини ташкил этувчи атомларнинг электрон тузилишига боғлиқ эканлиги тушунтириб берилади, моддалар, кимёвий жараёнлар ва ишлаб чиқариш тўғрисидаги маълумотлар

умумлаштирилади, тушунчалар системага солинади. Умумий кимёни ўрганиш табиат ҳақидаги фанлар орасида кимёning тутган ўрнини, халқ хўжалигидаги роли, уни ривожлантиришдаги ҳамда инсоннинг турли эҳтиёжларини таъминлашдаги аҳамиятини кўрсатиш ва очиб бериш билан якунланади.

Кимё фанининг асосий услубий ҳужжати — дастур ҳисобланиб, унда мактабда таълим бериш мазмуни ва структураси белгиланган бўлади.

Мактаб дастури — ўқитувчи фақат айрим ҳоллардагина эмас, балки доимо, ҳар бир мавзуни ўрганиш бўйича ишчи режа тузатганда мурожаат этиши зарур бўлган ҳужжатдир. Ўқитувчи у ҳужжат асосида ҳар бир дарс мақсад ва вазифаларини аниқлайди, ўқувчиларнинг билимини ва кўникмаларининг сифатини таҳдил қилиади. Дастур талабини бажаришда ўқитувчининг ташабуси ва ижодий ёндошишига қаршилик қилинмайди. Масалан, ўқитувчи ҳар бир мавзуни ўрганишга ажратилган соатлар микдорини ўзгартириш хуқуқига эга, бундан ташқари у баъзи масалаларнинг долзарблиқ даражасини, ўрганиш изчиллигини ҳам ўзгартириши мумкин. Лекин бу ўзгартиришлар умумий берилган жами соат ҳажмидан фарқ қиласлиги лозим. Айниқса, ўқув-тарбия жараёнини ташкил этишда ўқитиши ва тарбиялашнинг турли усул ва услубларни тадбиқ этишда, дастурда кўрсатилган экспериментал қисмини амалга оширишда катта имкониятлар берилади.

Таълим соҳасидаги ислоҳот ўқитувчиларга, ўқув-тарбия жараёнига нисбатан бўлган муносабатларни ўзгартиришни тақозо этади. Ўқитувчиларнинг вазифаси ўқувчиларнинг билиш фаолиятини ташкил этиш ва унга раҳбарлик қилишдан иборатдир.

Ўқитувчи айниқса дастурда белгиланган ҳар бир синф ўқувчиларининг билим ва кўникмаларига қўйиладиган талабларга алоҳида эътибор қаратиши лозим. Бу талабларга риоя этиш ўқитувчи ва ўқувчилар ўртасидаги ўзаро муносабатни ташкил этишини осонлаштиради, ўқувчиларни дарсда ва уй вазифаларини бажаришда ортиқча оворагарчиликдан сақлайди, ўз фаолиятини режалаштириш имкониятини яратади. Дастур билан системали равишда ишлаш ўқитувчига ҳар хил фаолият турларини — дарсга тайёргарлик кўриш, тажрибалар ўтказиш, амалий машгулотларни ташкил этиш масалаларида самарали фойдаланишга ёрдам беради. Ўқув-тарбия вазифалари ўқувчиларнинг кимёning асосий тушунчалари, илмий далиллар, қонунлар, назария ва илфор фояларни ўзлаштиришлари жараёнида ҳал этиб борилади.

Ҳозир амалда бўлган ўқув режага мувофиқ мактабда 7-, 8- ва 9-синфларда анорганик кимё, эски тизим бўйича 10- ва 11-синфларда органик кимё, 11-синфда умумий кимё асослари ўрганилади.

Кимёдан дастурни билиш дунёқараш нуқтаи назаридан муҳим бўлган фоялар ва айрим қоидаларнинг, моддалар хоссасининг тарки-

би ва тузилишига боғлиқлигини, моддаларнинг хоссаларига қараб ишлатилишини, анерганик ва органик моддаларнинг моддий бирлигини, билиш жараёнининг тобора чуқурроқ мөҳиятга қараб боришини, моддаларнинг ўзгариши табиат қонунларининг таъсирига боғлиқлигини, моддаларнинг миқдор ўзгаришларининг сифат ўзгаришларга ўтиш ва зиддиятларнинг ҳал этилишини, илмий-техника тараққиёти таъсирида кимёнинг ривожланиши, янги материаллар яратишда, табиатни муҳофаза қилиш, хом ашёни тежаш ва ҳалқ ҳўжалигида кимёнинг роли ортиб бораётганлигини тушуниб олишга имкон беради.

Ўқувчиларни политехник жиҳатдан тайёрлаш мақсадида дастур кимёвий ишлаб чиқариш ва ривожланишининг асосий йўналишлари: хом ашёнинг янги манбаларини ўзлаштириш, илгор технологик жараёнларни кам босқичли, чиқиндисиз, катта қувватли аппаратларни жорий этиш, автоматлашган бошқариш ва техника воситаларидан фойдаланиш билан таништириш имконини беради. Ўқувчилар табиатни муҳофаза қилиш бўйича аниқ тадбирлар ҳақида маълумот оладилар. Моддаларнинг ишлаб чиқарилиши ва ишлатилишини ўрганиш жараёнида ўқувчилар мамлакат илмий-техника тараққиётида эришилган ютуқлар ривожланган жамият қуришда катта самара беришини тушуниб етадилар. Ўқувчиларни касб танлашга йўллаш мақсадида кимёвий ишлаб чиқаришда аппаратчи, оператор, лаборант касбларига тавсиф берилади. Кимёдан дастурда ўқув йиллари бўйича ўқув мавзулари уларнинг ҳар бири учун ўрганилиши лозим бўлган саволлар, ҳисоблаш учун масалалар типлари, кимёвий тажрибалар келтирилган.

Дастурда ўқитищ услубидан тавсиялар берилади, предметлараро боғланишлар кўрсатилади, ўқувчиларнинг билим ва уқувлари ҳамда уларни баҳолаш учун талаблар келтирилади.

Вақтнинг мавзулар бўйича тақсимланиши тахминийdir. Ўқитувчи шароитга қараб, ўрганишга ажратилган вақтга асосли ўзгартириш киритиши, шунингдек, кўриладиган масалаларнинг изчиллигини ўқув мавзуси давомида ўзгартириши мумкин. Шуни ҳисобга олиб, ҳар қайси синфда 2—4 соат кўшимча вақт берилади. Кимё саноатига ва бошқа саноат корхоналарига қилинадиган ўқув экспурсияларини курснинг тегишли мавзуларини ўрганишга ажратилган вақт ҳисобига ўтказиш мумкин. Бирор обьектга кўпчилик предметлар бўйича комплекс экспурсия ўтказиш мақсадга мувофиқdir.

Анерганик кимё курсининг назарий асосини Д. И. Менделеевнинг кимёвий элементлар даврий жадвали ва даврий қонуни, атомларнинг тузилиши ҳақидаги ҳозирги замон тасаввурлари, кимёвий боғланишлар тўғрисидаги таълимот ташкил этади. Шуниг учун курсни ўрганиш уч босқичга бўлинади. Ўқувчилар дастлаб даврий қонунни тушуниш учун зарур бўлган кимёнинг асосий тушунчаларини билиб

оладилар. Сўнгра Д. И. Менделеевнинг кимёвий элементлар даврий жадвали ва даврий қонуни, атомларнинг тузилиши, кимёвий боғларнинг электрон табиати билан танишадилар. Шундан сўнг айрим гуруҳлардаги типик кимёвий элементларни, уларнинг энг муҳим бирикмаларини ўрганилган моддаларнинг ишлаб чиқаришдаги ва халқ хўжалигидаги аҳамияти билан танишадилар.

Мактаб кимё курсининг дастури қуйидагича тузилган:

7-синф анорганик кимё курси (ҳафтада 2 соат, жами 68 соат,)

1-мавзу. Кимёнинг асосий тушунча ва қонунлари. 20 соат, шундан 3 соат амалий ишга ажратилган.

2-мавзу. Кимёвий элементларнинг классификацияланиши. 2 соат.

3-мавзу. Водород. 4 соат, 1 соат амалий ишга ажратилган.

4-мавзу. Кислород. 8 соат, 1 соат амалий ишга ажратилган.

5-мавзу. Сув ва эритмалар. 6 соат, 2 соат амалий ишга ажратилган.

6-мавзу. Анорганик моддаларнинг энг муҳим синфлари. 24 соат, 1 соат амалий ишга ажратилган.

7-мавзу. Кимёнинг қишлоқ хўжалигидаги аҳамияти. 4 соат.

8-синф анорганик кимё курси (ҳафтада 2 соат, жами 68 соат)

1-мавзу. 7-синф кимё курсининг энг муҳим мавзуларини тақори-лаш. 4 соат.

2-мавзу. Элементлар даврий системаси ва атом тузилиши. 16 соат.

3-мазу. Кимёвий боғланиш. 8 соат.

4-мавзу. Электролитик диссоцияланиш назарияси. 6 соат.

5-мавзу. Металлмаслар умумий тавсифи. 2 соат.

Галогенлар. 10 соат, 1 соат амалий ишга ажратилган.

Олтингугурт. 6 соат, 1 соат амалий ишга ажратилган.

Азот. 10 соат. 2 соат амалий иш.

Фосфор. 4 соат. 2 соат амалий иш.

6-мавзу. Минерал ўғитларнинг қишлоқ хўжалигидаги аҳамияти. 2 соат.

9-синф анорганик кимё курси (ҳафтасига 2 соатдан, жами 68 соат).

1-мавзу. 8-синф кимё курсининг энг муҳим мавзуларини тақори-лаш. 6 соат.

2-мавзу. Углерод гуруҳи. 7 соат, 1 соат амалий ишга ажратилган.

3-мавзу. Кремний, 4 соат.

4-мавзу. Металлар. 25 соат, 1 соат амалий ишга ажратилган.

5-мавзу. Органик бирикмалар. 26 соат, 1 соат амалий ишга ажра-тилган.

6-мавзу. Кимё ва илмий-техника тараққиёти. 2 соат.

7-мавзу. Анорганик ва органик кимёдан олган билимларни уму-лаштириш. 5 соат.

Эски тизим бўйича 10-синф органик кимё курси (ҳафтада 2 соат, жами 68 соат, шундан тақрорлаш учун 3 соат).

1-мавзу. Органик бирикмаларнинг кимёвий тузилиш назарияси. Кимёвий боғланишнинг электрон табиати. 5 соат.

2-мавзу. Тўйинган углеводородлар. 7 соат, 1 соат амалий ишга ажратилган.

3-мавзу. Тўйинмаган углеводородлар 9 соат, 1 соат амалий ишга ажратилган.

4-мавзу. Ароматик углеводородлар. 5 соат. Амалий иш белгиланмаган.

5-мавзу. Углеводородларнинг табиий манбалари ва уларни қайта ишлаш. 4 соат. Амалий машгулот белгиланмаган.

6-мавзу. Спиртлар ва феноллар. 7 соат, 1 соат амалий ишга ажратилган.

7-мавзу. Альдегидлар. Карбон кислоталар. 9 соат, 2 соат амалий ишга ажратилган.

8-мавзу. Мураккаб эфирлар Ёғлар. 5 соат, 1 соат амалий ишга ажратилган.

9-мавзу. Углеводородлар 10 соат, 1 соат амалий ишга ажратилган.

11-синф органик кимё курсининг давоми (ҳафтасига 2 соатдан, жами 23 соат) органик моддаларнинг тузилиши ва хоссаларини қайтариш 2 соат.

10-мавзу. Аминлар. Аминокислоталар. Азотли гетероциклик бирикмалар. 6 соат. Амалий иш белгиланмаган.

11-мавзу. Оқсиллар. Нуклеин кислоталар. 4 соат. Амалий иш белгиланмаган.

12-мавзу. Юқори молекуляр синтетик моддалар ва улар асосида олинадиган полимер материаллар. 7 соат, 2 соат амалий ишга ажратилган.

13-мавзу. Органик кимё курсидан олинган билимларни умумлаштириш 2 соат. Умумий кимё курси (ҳафтасига 2 соатдан, жами 45 соат).

1-мавзу. Атомларнинг тузилиш таълимоти асосида Д. И. Менделеевнинг кимёвий элементлар даврий қонуни ва даврий жадвали; 5 соат.

2-мавзу. Модда тузилиши. 7 соат.

3-мавзу. Кимёвий реакцияларнинг синфланиши ва кимёвий реакцияларининг бориш қонуниятлари. 5 соат.

4-мавзу. Металлмаслар. 8 соат.

5-мавзу. Металллар. 8 соат.

6-мавзу. Мамлакатимиз халқ хўжалигини ривожлантиришда кимёнинг роли. 10 соат, 5 соат амалий ишга ажратилган.

Мактаб кимё курсининг муҳим таълим берувчи вазифаси — кимёвий тушунчаларни шакллантириш. Илмий тушунчалар фан ривожланиши натижасида билишнинг маълум босқичларида ўзгаради ва мукамаллашиб боради. Кимё курсини ўрганишга тарихий-мантикий ёндашиш барча тушунчаларни ривожлантириш билиш босқичлари бўйлаб аста-секин ҳаракатланишни таъминлайди.

Бутун мактаб курсида ўрганиладиган тушунчаларни умумий категория асосида тўртга бўлиш мумкин: моддалар, кимёвий элемент, кимёвий реакциялар, ишлаб чиқариш ҳақидаги мураккаб тушунчалар тизими. Тушунчаларни шакллантиришнинг услубий шароитлари қуидагилардан иборат:

1. Қайта шакллантирадиган тушунча, уни қабул қилиш учун етарлича таянч билимга эга бўлгандагина берилади.

2. Тушунчани шакллантиришда уни мавжудлик белгилари (структураси) кўрсатилади, ёритиб бериш давомийлиги аниқланади ва улар ўртасида алоқа ўрнатилади.

3. Ҳар бир аниқ тушунчани шакллантиришда фақат ички боғланишларнинг ўзигина ҳисобга олинмасдан, уни бошқа тушунчалар билан алоқаси ҳам очиб берилади.

4. Тушунчанинг мавжудлик белгилари тушунчани ривожлантириш имкониятларини таъминлаши ва уни қабул қилишни енгилаштириши лозим.

5. Бирор бир тушунчани шакллантиришда қўлланиладиган мантикий ёндашишдан қатъий назар тушунчанинг тўғри ёки нотўғрилигига тўла ишонч ҳосил қилиш ва догматизмдан холос бўлиш учун далиллар билан мустаҳкамланади.

6. Тушунчаларни шакллантиришда тарихийлик принципидан фойдаланиш мақсадга мувофиқ ҳисобланади. Ўқув материалидағоялар курашини очиб бера олиш лозим. Бунда имконият даражасида муаммоли ёндашишдан фойдаланилса, материалнинг ўзлаштирилиши онгли равищда содир бўлади.

7. Бир қатор кимёвий тушунчаларнинг тавсифи турлича кўргазмалийкни қўллашни талаб этади. Моддаларнинг ташқи хоссалари ни ўрганиш, кимёвий тажрибалар ўтказиш, моддаларнинг ички тузилишини тушунтириш учун турли модаллардан, экранли кўргазмалардан фойдаланиш зарур.

8. Тушунчаларни шакллантириш жараёнида фанлараро боғланишдан фойдаланиш лозим.

Мактаб кимё курсида барча тўрт тушунча тизими ягона блокка узвий боғланган бўлиб, уларни шакллантириш ва ривожлантириш ўқув жараёнида маълум босқичларда кетма-кет амалга ошириб борилади.

Модда тўғрисидаги тушунча тизими қуидаги таркибий қисмлардан иборат:

1) модда таркиби; 2) тузилиши; 3) хоссаси; 4) синфланиши; 5) олиниши; 6) текширишнинг кимёвий усуслари; 7) қўлланиши. Таркиб — тузилиш — хосса тартиби асосида ўқитиш етакчи аҳамиятга эга бўлсада, ўқитиш мақсади учун етарли эмас. Агар қолган таркибий қисмлар ўрнатилмаса, кимёвий таълимнинг политехник йўналишида ва уни ривожлантиришда катта йўқотишига йўл қўйилган бўлади. Анорганик моддаларни дастлаб ўқувчилар таркибга кўра синфлашга ўрганадилар, моддаларнинг электрон тузилиши ўрганилгач, энди моддалар кимёвий боғланиш ва кристалл панжара турларига кўра синфланади. Бу тушунча “Электролитик диссоцияланиш назарияси” ўрганилгач, янада ривожлантирилиб, ковалент боғланишнинг донор-акцептор механизми бўйича, “металлар” мавзусида металл боғланиш ва металл кристалл панжара бўйича кўриб чиқлади.

“Оксидланиш-қайтарилиш реакциялари” ўрганилгач, моддалар оксидловчилик ва қайтарувчилик хусусиятига кўра фарқлана бошлиди.

Органик кимё курсида моддаларни синфлаш, аввал таркибга кўра учта катта синфга: углеводородлар; кислород тутувчи ва азот тутувчи моддаларга, уларнинг ичидаги эса тузилиши ва хоссаларига кўра кичик синфларга ажратилади. Моддаларнинг хоссалари уларнинг таркиби ва тузилишига кўра системага солинади.

Физикавий хоссаларни сезги органилари орқали сезиш (ранги, ҳидроагрегат ҳолати ва бошқалар), ҳисоблаб аниқлаш (нисбий атом массаси, нисбий молекуляр массаси, газларга нисбатан зичлиги), қурилмалар ёрдамида ўлчаш (зичлиги, қаттиқлиги, электр ва иссиқлик ўтказувчанлиги, қайнаш ва музлаш ҳароратлари) орқали аниқлаш мумкин бўлган хоссалар киритилса, кимёвий хоссалар кимёвий реакциялар ёрдамида ўргатилади. Бунда синфларга бўлиш учун таркиб ва тузилиш асос қилиб олинади. Моддаларни хоссаларга кўра анорганик (металлар ва металлмаслар, оксидлар, асослар, кислоталар, тузларга) ва органик (тўйинган углеводородлар, тўйинмаган углеводородлар, ароматик углеводородлар), молекуласида кислород ва азот тутувчи моддаларга бўлинади.

Модда ҳақидаги тушунчанинг моҳиятини очиб бериш даражасига қараб ўқитиш усули ўзгариб боради. Таълим беришнинг барча босқичларида кимёвий тажрибага кенг ўрин берилади. Тажрибанинг мураккаблик даражаси ва таҳтил қилиш ҳам такомиллашиб боради. Агар аввал тажрибалар моддани аниқлашни ифодаловчи тавсифга эга бўлган бўлса, кейинчалик ундан ўқувчиларнинг фикрлаш қобилиятини ўстирувчи восита сифатида, хусусан модданинг ички тузилишини кўрсатиб берувчи далил сифатида фойдаланилади. Тушунчанинг мазмуни қанчалик чуқур ва мураккаблашиб борса, ҳажмий, таҳтилий ва белгили моделлаштиришга шунчалик кўпроқ эътибор бериб борилади.

Кимёвий элемент тўғрисидаги тушунча — кимё курсининг муҳим, жуда қийин абстракт тушунчасидир. Ўқувчилар моддалар билан ишлайдилар, жараёнларни кузатадилар, аммо улар кимёвий элементларни ўз кўзлари билан кўрмайдилар. Шунинг учун кимёвий элементлар ҳақиқатан мавжудлиги, улар модданинг миқдорий ва сифат таркибини, хоссаларини белгилаб беришини исботлаб бериш зарур. Бу тушунчасиз Д. И. Менделеевнинг даврий қонунини ўрганиб бўлмайди. Кимёвий элемент тушунчасини шакллантиришни тўрт босқичга бўлиш мумкин; эмпирик (атом-молекуляр таълимотгача), назарий (атом молекуляр таълимот асосида), даврий қонун асосида ва ниҳоят атом тузилиши назарияси негизида.

Кимёвий элемент тушунчасини шакллантиришни тўрт босқичга бўлиш мумкин; эмпирик (атом-молекуляр таълимотгача), назарий (атом-молекуляр таълимот асосида), даврий қонун асосида ва ниҳоят атом тузилиши назарияси негизида.

Кимёвий элемент тушунчаси мазмунининг таркибий тузилишига: а) кимёвий элементларнинг атомлари ҳақидаги; б) элементларнинг табиатда тарқалиши ва айланиши ҳақидаги; в) кимёвий элементларни синфларга бўлиниши ва тизимланиши ҳақидаги тушунчалар киради.

Атом ҳақидаги дастлабки тасаввур нисбий атом масса мавзууда берилади, бунда кимёвий элемент атомнинг муайян тури бўлиб, атомлар бир-бираидан массалари билан фарқланиши тушунтирилади. Тушунча осон ўзлаштирилиши учун бир элемент атомини бир неча бирикма таркибида кириши мисол қилиб кўрсатилади: мис қириндисини куйдириш, темирнинг сиртига миснинг ўтириши ва ҳаказо.

Кимёвий элементнинг табиатда тарқалиши ҳақидаги маълумотни берилиши “Кислород. Ёниш. Оксидлар” мавзусидан бошланади. Кейинги мавзуларда кимёвий элемент тўғрисидаги тушунчалар тизими ўзгармай қолади. Д. И. Менделеевнинг кимёвий элемент ҳақидаги билимларни умумлаштирувчи даврий қонун ва даврий жадвални ўрганиш пайтида бу мавзуни чуқурроқ тушуниб оладилар. Сўнгра элементларни нисбий жиҳатдан металлар ва металлмасларга бўлиниши, амфотерлик ҳақида тасаввурлар берилади. Кейин ўхшаш гуруҳларнинг табиий оиласлари мисолида элементларни ўхшаш жиҳатлари ва фарқлари тушунтириб берилади. Бунда атом ҳақидаги тушунчани ривожлантиришда ҳам сакраш юз беради. Атомнинг ички тузилиши ва изотоплари билан таништирилади. Кейинги мавзуларда бу тушунча ривожлантирилиб, атом радиуси оксидланиш даражаси, ионланиш энергияси, нисбий электроманфийлик тўғрисидаги тушунчаларни ўзлаштириш осонлаштирилади.

Кимёвий элемент тўғрисидаги тушунчалар тизимини шакллантиришда “Анорганик кимё курсининг билимларини ўзлаштириш”

мавзусига алоҳида эътиборни қаратиш лозим. Бунда кимёвий элемент, кимёвий реакция, кимёвий ишлаб чиқариш тўгрисидаги муҳим тушунчалар ўртасидаги ўзаро алоқани очиб бериш лозим. Бу мавзу тушунчаларга нисбатан тўғри назарий тасаввурлар шаклланишида муҳим аҳамиятга эгадир. Шундай қилиб “Кимёвий элемент” тушунчасини ривожлантириш бир неча босқичларда амалга оширилади:

1. Тайёрлов — кимёвий элементни моҳиятини аниқлашгача бўлган давр;
2. Тажрибавий — атом-молекуляр таълимотни ўрганишгача бўлган давр;
3. Элементни атом-молекуляр таълимот асосида ўрганиш;
4. Элементнинг табиий гуруҳларига доир тушунчаларни шакллантириш;
5. Д. И. Менделевнинг даврий қонуни ва атом тузилиши назариясини ўрганиш;
6. Элементларни даврий жадвалини ўхшаш гуруҳлари бўйича ўрганиш;
7. 9-синф охирида ўқувчилар билимини анорганик кимё курси бўйича умумлаштириш ва бошқа тушунчаларни кимёвий элемент тушунчаси билан боғлаш орқали амалга оширилади.

Органик кимё курсида аввало органик модда молекулалари анорганик кимёда ўрганилган элементлардан иборатлиги таъкидланади. Углерод атоми орбиталларининг гибридланишига доир тушунчаларини шакллантириб борилади, шунингдек бирикма таркибидаги элемент атомларининг турлича бирикиши модда хоссасининг турлича бўлишига сабаб бўлмасдан, балки ўзаро таъсирилашув натижаси эканлиги кўрсатиб берилади. Органик кимё курсида айни бир элемент атоми бирикманинг асосий масса улушкини ташкил этиши тушунтириб берилади.

11-синфда кимёвий элемент тушунчасини ривожлантириш охирiga етказилади. Умумлаштирувчи мавзуда элемент тушунчасини анорганик ва органик кимёни бир-бирига боғловчи муҳим бўғин сифатида кўриб чиқилади.

Кимёвий реакция тўгрисидаги тушунча мураккаб ва қўп қирралидир. У “модда” тушунчаси каби бир қатор тушунчалар тизимидан иборат бўлиб, ўз структурасига эга. Мактаб кимё курсида “Кимёвий реакция” тушунчасининг ўзаро фарқланадиган олтига таркибий қисми мавжуд бўлиб, улар бир-бирини тўлдириган ҳолда кетма-кет шакллантириб борилади: а) реакция белгилари, моҳияти ва механизми; б) реакция боришининг шарт-шароитлари ва қонуниятлари; в) миқдорий тавсифи; г) сарфланиши; д) амалда кўлланилиши; е) текшириш услублари. Буларнинг барчаси нафақат билимлар тизимини, балки “Кимёвий реакция” тушунчасини фалсафий моҳиятини очиб

беришга ёрдам беради. Реакцияларнинг ички моҳияти ҳақидаги тушунчалар тизими борган сари мураккаблаштириш тарзида ривожлантириб борилади.

Реакция боришининг шарт-шароитлари ва қонуниятлари ҳақидаги тушунчалар, иссиқлик эффекти, кимёвий реакция тезлиги ва катализ, кимёвий мувозанат ва уни силжитиш шартларини ўрганиш пайтида шаклланади.

Кимёвий реакциянинг миқдорий тавсифи кимёвий реакцияларда моддаларнинг миқдорий нисбатларини ҳисоблаш орқали, модда массасининг ва энергиянинг сақланиш қонунларини, таъсирилашуви, моддаларнинг моляр нисбатларини (масса нисбатлари ёки ҳажмий нисбатлари) термокимёвий ҳисоблашларда ёритиб берилади. Кимёвий жараёнларни текшириш пайтида ўқувчилар кимёвий идишлар, реактивлар, кимё лабораториясининг жиҳозланиши ва материаллари билан танишадилар, кимёвий жиҳозлаш усуслари билан танишиб, кимёвий реакцияларнинг тенгламаларини тузишни ва кимёвий жараёнларни моделлаштиришни ўрганадилар.

“Кимёвий реакция” тушунчаси бир неча даражаларга бўлиб шакллантирилади:

1-даражада. “Ходиса” термини асосида кимёвий ҳодисалар ўргатилади, сўнгра эса кимёвий ҳодиса — кимёвий реакция эканлиги уқтирилади. Бу босқичда ўқувчиларнинг физикадан олган билимларига таянилади. Атом-молекуляр таълимот негизида кимёвий реакцияларнинг ташқи белгилари а) ранг ўзгариши, чўкма тушиши, газ ажралиши, иссиқлик ажралиши ёки ютилиши ва б) кимёвий реакция турлари ўрганилади.

2-даражада. Кимёвий реакцияларнинг энергетик жиҳатларини ўрганиш пайтида экзотермик ва эндотермик жараёнлар ҳақида, кимёвий реакциянинг иссиқлик эффекти ҳақидаги миқдорий тушунчалар киритилади. Шу ерда табиатнинг умумий қонуни — модда массасининг сақланиш ва энергияни айланиш қонуни ёритиб берилади. Шундай қилиб, кимёвий реакцияларнинг икки томони (миқдорий ва сифат) очиб берилади.

3-даражада. “Кимёвий боғланиш. Модда тузилиши” мавзусида кимёвий реакция тушунчаси бир боғланиш узилиши ҳисобига, бошқаси ҳосил бўлиши сифатида ўрганила бошланади, оксидланиш-қайтарилиш реакциялари мисолида, электронларни бериш ва қабул қилиб олиш нуқтаи назаридан оксидланиш ва қайтарилиш жараёнлари тушунтириб берилади.

4-даражада. Кимёвий реакциялар боришининг қонуниятлари тўғрисидаги тушунчалар “Кимёвий реакциялардаги асосий қонуниятлар. Сульфат кислота ишлаб чиқариш” мавзусида кенг маънода ривожлантирилади. Кимёвий реакциянинг тезлиги, унга таъ-

сир этувчи омиллар, қайтар реакциялар мисолида кимёвий муово- занат ва уни силжитиш шартлари кўриб чиқлади. Бу мавзуда кимёвий реакция ҳақидаги тушунча ривожлантирилади ва умумлаштирилади.

5-даражада. “Электролитик диссоцияланиш назарияси” мавзусида реакциянинг механизмига доир кўпгина тушунчалар киритиллади, қайтар жараёнлар мисолида моддаларнинг диссоцияланиш назарияси мавзусида реакциянинг механизмига доир кўпгина тушунчалар киритиллади, қайтар жараёнлар мисолида моддаларнинг диссоцияланиши, шунингдек тузлар гидролизининг моҳияти тушунтириб бериллади.

6-даражада. “Кимёвий реакция” тушунчасининг кейинги ривожланиши органик кимёда амалга ошириллади. Бунда кимёвий реакцияларнинг синфланиши бўйича тушунчалар тўлдириллади, кенгайтириллади ва янги реакция типи изомерланиш реакцияси киритиллади. Ўрин олиш реакциялари алканларни галогенланиши анерганик кимёдаги каби янги оддий ва мураккаб модда ҳосил бўлиши билан эмас, балки янги иккита мураккаб модда ҳосил бўлиши билан бориши, оксидланиш реакцияси (ёниш) — парчаланиш тарзида бориши тушунтириб бориллади. Бирикиш реакцияси органик кимёда бутун бир тушунчалар тизимини ўз ичига олади: гидрогенланиш, гидратланиш, полимерланиш, фотосинтез ва бошқалар. Ажралиш реакцияси ўзига: крекинг, риформинг, дегидрогенланиш каби тушунчалар тизимини мужассамлаштирган. Реакциянинг бориши механизми бўйича ҳам янги тушунчалар: эркин радикаллар механизми бўйича ўрин олиш ва полимерланиш реакциялари, ионли механизм бўйича бирикиш реакциялари ўрганилади.

7-даражада 11-синфда кимёвий реакциялар мавзусида кимёвий реакциялар тўғрисидаги тушунчалар тизими анерганик ва органик кимё бўйича умумлаштириллади. Ўқувчилардаги кимёвий реакцияяда иштирок этувчи моддаларнинг миқдорлари, реакция механизмини, бориши шароитлари бўйича тавсифлашга оид билимлар умумлаштириллади ва мустаҳкамланади.

Таълим ислоҳотига мувофиқ, мактабда таълимнинг политехник йўналишига бўлган талабни орттириш, кимёвий ишлаб чиқариш масалаларини ўрганишга алоҳида эътибор бериш зарур. Кимёвий ишлаб чиқаришни ўрганишдан мақсад — ўқувчиларга фан ютуқларини амалда қандай қўлланилиши, кимё фанининг тараққиётидаги ва саноатдаги ҳаракатланувчи ўрнини кўрсатиб беришдан иборат.

Кимёвий ишлаб чиқариш материалларини ўрганишда кимёни бошқа предметлар билан ички ва ташқи алоқаларини ёритиб бериш осон кечади. Физика билан аппаратларни ўрганишда, биология би-

лан қишлоқ хұжалигини кимәлаштирилишида, математика билан технологик режим танлашда ва бошқалар. Бунда кимёниң саноатдаги ва халқ хұжалигидаги, қишилар әхтиёжини қондиришдаги күпгина күргазмаликлардан фойдаланиш мүмкін.

Юқорида күриб ўтилган ҳар бир тушунчалар тизими, 8-сinf-дан бошлаб, кимёвий ишлаб чиқариш жараёнларини ўрганишда ривожлантирилиб, мустаҳкамлаб борилади. Шу нұқтаи назардан моддага — хом ашё ва саноат маҳсулоти сифатида, кимёвий реакцияларга технологик жараёнлар сифатида, янгича қараш юзага келади. Уларнинг қонуниятлари технологик режимни ва аппаратлар конструкциясини ишлаб чиқариш учун асос сифатида ўрганилади.

Тушунчалар тизимида: ишлаб чиқаришни қулайлаштириш, ишлаб чиқариш энергетикаси, хом ашё ва ундан фойдаланиш муаммолари, техника хавфсизлиги ва атроф-мухит мұхофазаси, ишчи қасблари ҳақидаги тамоман янги тушунчалар пайдо бўлади. Бу тушунчаларни кимёвий ишлаб чиқариш материалларини ўрганиш давомида янада тўлароқ шакллантириш мүмкін. Масалан, ҳар қандай ишлаб чиқариш учун хом ашё муаммосини ҳал қилишда жамиятнинг талабидан келиб чиқиб, илмий ёндашган ҳолда ягона анъянага риоя қилинади, яъни ишлаб чиқариш чиқиндиси бошқа ишлаб чиқариш учун хом ашё бўлиб хизмат қилувчи, чиқиндисиз ишлаб чиқаришни ташкил этиш, маҳсулот сифати ва ҳажмини ошириш учун хом ашёни бойитиш, озиқ-овқат хом ашёсини ноозиқ-овқат хом ашёси билан алмаштириш ва ҳоказо. Хом ашё муаммолари тўғрисидаги тушунчалар ишлаб чиқаришнинг бошқа тушунчалари каби маълум давомийликда, бир-бирини бойитган ҳолда ўргатиб борилади. Ишлаб чиқариш ҳақидаги тушунчалар шу тарзда ривожлантириб борилади.

Ишлаб чиқариш маҳсулотлари ва уларнинг хоссалари одатда уларни ишлаб чиқаришни ўрганишдан аввалроқ күриб чиқилади. Аввал олинган билимлар бу борада манба бўлиб ҳисобланади. Ишлаб чиқаришнинг назарий асосларини ўрганиш кимёвий реакциялар ва уларнинг қонуниятлари тўғрисидаги билимлар ҳам шундай аҳамиятга эга.

Кимёвий реакцияларнинг ўзига хослиги ишлаб чиқаришнинг технологик режимини белгилаб беради. Мактабда бу термин кўлланылмасада, бироқ ишлаб чиқариш шароитларини ўрганишда, у ноаниқ тарзда гавдаланади: жараёнларнинг тезлигига таъсир этувчи омилларнинг ўзига хослигига, маҳсулот унуми ва сифатида, жараён режимига таъсир этувчи турли омилларда (босим, ҳарорат, моддалар концентрацияси, катализатор ва б.). Юқоридаги омил-

лардан жараён учун энг қулай шароитни яратиш зарурий маҳсулотни юқори сифат билан максимал миқдорда ишлаб чиқаришга олиб келади.

“Кимёвий реакция” ва “кимёвий жараён” терминларининг фарқига тўхтаб ўтиш зарур. Кейинги тушунча аввалгисидан кенгроқдир. Кимёвий жараён деганда, реакция учун олинган дастлабки реагентларни реакция зонасига олиб кириш ва реакция маҳсулотларини реакция зонасидан олиб чиқиши тушунилади. Кимёвий реакция деганда уни қулай шароитларда ўтказиши тушунилади. Шу ерда жараённинг энергетик муаммолари: энергия манбалари, энергияни ортиқча сарфламаслик, уни иқтисод қилиш ва бошқаларни кўриб чиқиши мақсадга мувофиқ.

Ишлаб чиқариш технологиясининг муҳим элементи — жараёнлар борадиган аппаратлар ҳисобланади. Кўпгина ишлаб чиқариш соҳасида қўлланиладиган ва умумий хусусиятларга эга бўлган баъзи аппаратлар бир томонлама ўрганилади. Бу ўқувчиларда политехник билимларни шакллантириш учун берилган ишлаб чиқариш ҳақидағи маълумотларни ўзаро таққослаш ва умумлаштириш имконини беради. Бошқа томондан аппаратлар ҳақидағи маълумотларни фанларапо боғланишидан келиб чиқиб, тўғри таңлай олиш лозим. Масалан, сульфат кислота ишлаб чиқаришда олtingугурт (IV) оксидни катализатор иштирокида оксидлаб, олtingугурт (VI) оксидга айлантиришда, кўпгина соҳаларда қўлланиладиган контакт аппаратидан фойдаланилади. Катализаторлар заҳарланмаслиги учун газлар физикавий жараёнларда қўлланиладиган, ишлаш принципи ўхшаш бўлган электрофильтрдан ўтказилиб, заҳарлардан тозаланади. Аппаратларнинг материалларини ва конструкцияларини ўрганишда саноат ривожланишининг анъанавий асосларини: ишлаб чиқаришнинг унумдорлиги ва аппарат қувватини ошириш, меҳнатни механизацияластириш, зарарли жараёнлар борадиган цехларда кишилар соғлиғини муҳофаза қилиш мақсадида ишлаб чиқаришни автоматлаштириш ва узокдан туриб бошқаришни йўлга қўйиш, даврий жараёнларни узлуксиз жараёнлар билан алмаштириш каби масалалар кўриб чиқилади.

Техника хавфсизлиги ва атроф-муҳит муҳофазаси ҳақидағи тушунчаларни шакллантириш ўқувчиларга катта тарбиявий таъсир кўрсатади. Инсон ва атроф-муҳитни, табиатни асраш, уларга нисбатан фамхўрлик қилиш, меҳнат шароитларини яхшилаш ҳақида барча корхоналарнинг ҳужжатларида белгиланганлиги айтиб ўтилади. Техника хавфсизлиги ва атроф-муҳит муҳофазаси ҳақида ўқитувчи ишчиларнинг хавфсизлигини таъминлашга қаратилган аниқ тадбирларни: аппаратларнинг мустаҳкамлигини (герметиклиги), цехларни

шамоллатиши шароитларини, механик шикастланишдан сақланиши вositалари билан таъминланганлиги, доимий тиббий кўриқдан ўтказиб бориш, санатория ва профилакторияларда дам олишнинг ташкил этилганлигини айтиб бериши лозим. Бундан ташқари, атроф-муҳит муҳофазаси бўйича ишлаб чиқаришни тозалаш иншоотлари билан жиҳозланганлиги, кенг ҳуқуқга эга бўлган доимий маҳсус санитария назоратининг ўрнатилиши ва бошқалар билан таъминланганлиги таъкидланади. Буларнинг барчаси табиатни асраршга доир таълимнинг кенг доирасини ташкил этади. Асосий эътибор чиқиндисиз ишлаб чиқаришни ташкил этиш орқали атроф-муҳит муҳофазасини таъминлашга қаратилади.

Мактаб кимё курсида ўрганиш учун қишлоқ ҳўжалигини кимёлаштириш (минерал ўғитлар ишлаб чиқариш), металургия (чўян ва пўлат ишлаб чиқариш), нефт кимёси (нефтни ва унинг маҳсулотларини қайта ишлаш), анерганик синтез (сульфат кислота ва аммиак ишлаб чиқариш), органик синтез (спиртлар, юқори молекуляр бирикмалар, синтетик ювиш воситалари) соҳасидаги муҳим йўналишлар олинган.

НАЗОРАТ САВОЛЛАРИ


1. Ҳозирги замон мактаб кимё курсининг мазмуни ва тузилишини таҳдил қилинг.
2. Кимё курсидаги назариялар дастур структурасига ҳамда ўзлаштириш даражасига қандай таъсир қиласди?
3. Нима учун дастур кимё фанининг асосий методик ҳужжати дейилади?
4. А. М. Бутлеровнинг кимёвий тузилиш назарияси органик кимё курсини ўрганиша қандай аҳамиятга эга?
5. Кимё курсидаги муҳим кимёвий тушунчалар тизимини айтиб беринг.
6. Ўрта мактаб кимё курсида тушунчалар, назариялар ва қонунларни ўрганиш исчя босқичда ўргатилади?
7. “Кимёвий реакция” ва “кимёвий жараён” терминларининг моҳияти нимадан иборат?
8. Кимёвий реакцияларнинг ўзига хослиги нимадан иборат?
9. Сульфат кислота ишлаб чиқаришда қайси аппаратлардан фойдаланилади?
10. Мактаб кимё курсида ўрганиш учун ҳалқ ҳўжалигининг қайси соҳалари олинган?

11-§. КИМЁ ЎҚИТИШ ВОСИТАЛАРИ ТИЗИМИ. КИМЁ ХОНАСИ

Таълим, тарбия ва ўқувчи шахсини ривожлантириш мақсадида ташкил этилган моддий обьектлар тизимига таълим ва тарбия воситалари деб аталади. Бу бош вазифа тизимнинг ягоналигини таъминлайди.

Шу нуқтаи назардан кимёдан таълим ва тарбия воситалари тизимини қўйидаги схема билан ифодалаш мумкин.

Кимё фанининг таълим ва тарбия воситалари тизими



Куйида кимё хонаси ва унинг вазифаси ҳақида тўхталамиз.

Мактаб кимё хонаси бу — ўкув жиҳозлари, мебель ва мосламалар билан таъминланган маҳсус бино бўлиб, булар кимё предметини са-марали ўқитишини таъминлайди.

Бошқа таълим воситалари сингари кимё хонаси таълим, тарбия ва ўкувчи шахсини ривожлантиришга хизмат қиласди.

А. А. Грабецкий ва Т. С. Назаровалар томонидан кимё хонасига қўйиладиган энг муҳим талаблар ишлаб чиқилган. Улар 4 групга бўлинади:

1. Илмий-методик талаблар. Кимё хонаси кимё мазмуни, дидактика, психология, тарбия назарияси талабларига жавоб бериси керак.
2. Эргонометрик, гигиеник ва хавфсизлик техникаси бўйича талаблар. Хона меҳнатни илмий ташкил қилиш талабларини қондириши ва ўқитувчи ҳамда ўқувчилар соғлиги муҳофазасини таъминлаши зарур.
3. Техник, технологик, иқтисодий талаблар. Жиҳозлар ҳозирги замон ишлаб-чиқаришини ҳисобга олган ҳолда арzon материаллардан тайёрланган бўлиши, ишлатишда ишончли ва узоқ муддат бардош берадиган бўлиши керак.
4. Маҳсус талаблар. Улар у ёки бу таълим воситаларининг хилмакилигидан келиб чиқади.

Мактаб жиҳозлари учун давлат стандартлари (Д. С.) ва техник шартлар (Т. Ш.) ишлаб чиқилган.

ларда кимёвий тушунчаларни ривожлантириш, кимёвий ва ўқув кўникма ва малакаларини шакллантириш орқали уларнинг ақлий фаолиятларини ривожланишини таъминлайди. Бошқа сўз билан айтганда дарсликда таълимга қўйиладиган комплекс ёндошишнинг барча талаблари муайян изчилликда бажарилади, бундан ташқари унда кимё таълими учун хос бўлган барча тузилиш элементлари: кимё предметининг мазмуни, ўқитиш методлари, ўқитиш восита-лари ва ўқувчилар фаолиятини ташкил этишнинг барча элементла-ри мавжуд бўлади.

Анорганик кимёдан биринчи дарслик В. Н. Верховский томонидан, органик кимё бўйича эса В. Н. Верховский ва А. М. Сморогонский томонидан ёзилди. Улар асосан кам ҳажмли қилиб тайёрланган эди. Бу дарсликлар биринчи мустақил систематик кимё курслари ҳисобланади. Анорганик кимё курсининг асосига Д. И. Менделеевнинг даврий қонуни киритилган эди. В. Верховскийнинг дарсликлари 1949 йилгача амалда қўлланилиб келинди. Уларнинг ўрнини В. Левченко, М. А. Иванцов, Н. Соловёва дарслиги эгаллади. Бу дарсликда анорганик ва органик кимё бўйича маълумотлар қамраб олинган бўлиб, унда атом ва молекулаларнинг тузилиш назарияси назарий асос сифатида қўлланилган. Бу дарслик ўрта мактаблар учун мўлжалланган эди.

Кейинроқ, саккиз йиллик мактаблар тўлиқсиз ўрта мактаб деб қабул қилинганидан кейин 1961 йилда А. Смирнов ва Г. Шелинскийларнинг дарслиги нашрдан чиқди. Ундан сўнг Ю. Ходаков, Д. Эпштейн, П. Глориозовларнинг 7–8-синф, шунингдек, 9-синфлар учун алоҳида дарсликлари, 10-синфлар учун эса Л. Цветковнинг органик кимё дарслиги қўлланилган.

Ўзбекистон Республикаси мустақилликка эришгандан сўнг ўзбек олимлари А. Мамажонов, С. Тешабоев, М. Нишоновлар томонидан ёзилган 8-синф “Анорганик кимё” дарслигининг биринчи нашри 1995 йилда, 2-нашри 1997 йилда чиқди. Шунингдек, С. Тешабоев, М. Нишоновларнинг 7-синф ва 9-синф “Анорганик кимё” дарсликлари 2000 йилда тасдиqlаниб, нашр қилинди.

Жумладан, 8-синф дарслиги қардош давлатлар қирғиз, қозок, туркман, тоҷик ва рус тилларига 1999 йилда таржима қилиниб, нашрдан чиқарилди. 2001 йилда 8-синфлар учун М. Нишонов ва С. Тешабоевларнинг “Анорганик кимё” дарслиги лотин графикасида чоп этилди.

Ҳозирги пайтда дарслик мазмунига ўқитиш мазмунига қўйилган каби талаблар қўйилади.

Дарслик мазмуни ҳақида сўз юритишдан аввал мазмун тушунчасини ойдинлаштириб олиш зарур. Одатда, кимё ўқитиш методикасида мазмун деганда, кимёвий билимлар, кўникма ва малакалар мазмуни тушунилади. Таълим мазмуни — бу анча кенг тушунча. У предмет мазмуни, шунингдек таълимнинг тарбиявий ва ривожлантириш

аспектларини ўз ичига олади. Ҳар қандай дарслердин мазмунини күйидаги схема билан ифодалаш мумкин:

Дарслер мазмуну схемаси

Таълим мақсади
Предмет мазмуни
Ўқитиш методлари
Ўқитиш воситалари.

Юқоридаги схемада дарслер мазмуни яхлит ўқитиш тизимини ифодалайди. Демак, дарслердин ўқитиш тизими сифатида қарааш мумкин.

Юқорида берилган дарслер мазмуни тизими элементларини кўриб чиқайлик.

Дарслердин ўзига хос хусусияти уни ўқувчилар билан мустақил иш ўтказишга мўлжалланганлиги ҳисобланади. Унинг мазмунида барча элементлар шундай ифодаланиши керакки, уларни барчаси ўқувчилар эътиборига ҳавола қилиниши мумкин бўлсин. Жумладан, таълимнинг мақсадини шундай ифодаласинки, улар ўқитиш мотивларига хизмат қиласин, кимё предметини тўлиқ ўрганишга қизиқиш ўйфота олсин.

Анорганик ва органик кимё дарслерларининг бошланишида кириш қисми берилган бўлиб, анорганик ва органик кимёни ўрганишнинг зарурлиги ҳақида сўз юритилади.

Дарслерда мотивациянинг бўлмаслиги у билан ўқувчилар томонидан бажарилган мустақил ишларнинг муваффақиятини камайтиради. Фаннинг асослари энг муҳим тушунчалари назариялар, қонулар, фактлар, кимё фанининг методлари демакдир.

Бошқа талаблар билан бир қаторда мазмуннинг тузилишига, ўқувчиларга мослигига алоҳида аҳамият берилади.

Бу дарслердин ўзини тузилишида, тузилиш элементларининг тавсифида (боб, параграф ва матндан ташқари элементларда) ифодасини топади. Мазмун таълим мақсадларига қатъяян бўйсуниши ва унга мос равишда танланиши керак.

Кимёнинг предмет мазмуни бу энг муҳими бўлиб, бунга дарслер яратувчилар доимо аҳамият берганлар ва бериб келмоқдалар. Шунинг учун бу элемент барча дарслерларда муффасал ишлаб чиқилгандир.

Таълим методлари дарслерда материал ёки материаллашган шаклда берилган. Дарслерда муаммоли, тушунтириш — иллюстратив тарзда методик ёндашувлар ифодаланиши мумкин. Айниқса, Л. Цветковнинг органик кимё дарслигига муаммоли таълим жуда яқъол ифодаланган.

Шунингдек, оғзаки методлар ҳам ифодаланган. Оғзаки усуллардан тушунтириш, ҳикоя кенг қўлланилади. Масалан, табий сув ҳақидаги ҳикоя 7-синфда сувни тозалаш станциясида уни тозалаш жараёнини тушунтириш билан бирга кечади. Моддаларнинг кимёвий хоссаларини ўрганишда ҳам тушунтириш методларидан фойдаланилади.

Кўргазмали-амалий методлар кўргазмали воситалар билан умумлаштириб қўлланилади. Бунда иллюстрациялардан кенг фойдаланилади.

Дарслик мазмунида белгили моделлар, кимёвий белги, формула, тенглама, моделлар моделларнинг электрон тўлқинли моделлари кўринишида қўлланилади. Оғзаки кўргазмали методларни амалга ошириш учун турли хил расмлар, ишлаб чиқаришнинг технологик схемалари, асбобларнинг расмлари, тажрибаларнинг схемалари ва бошқалардан фойдаланилади.

Ўқитишининг оғзаки кўргазмали методлари ўқувчиларнинг мустақиллигини ривожлантиришда жуда муҳимдир.

Кимёдан ўқув фаолиятини ташкил этиш блоки ҳам ўқитишининг мақсадларига бўйсуниб, қўйидаги қисмлардан ташкил топган:

- кимёвий мазмунни ўзлаштиришни ташкил этиш;
- методологик билимлар (ҳодисаларга диалектик, муамоли ва бошқа ёндашувлар) ни таъминлаш;
- ақлий фаолият усуллари (таҳлил, синтез, таққослаш, система-га солиш)ни шунингдек, бошқа умумий ўқув кўникмаларни ўз-ўзини назорат қилиш, китобдан фойдаланиш ва бошқаларни ўзлаштиришни таъминлаш.

Кўриниб турибдики, бу блокда таълимга комплекс ёндашиш: таълимий, тарбиявий ва ривожлантириш элементлари акс этган.

Бу масалани ижодий ҳал қилишда дарсликни дастурий таълим элементларини киритиш ҳал қилувчи рол ўйнаши мумкин. Параграф матнини ўқиганда ўқувчилар уни эслаб қолишига ҳаракат қиладилар. Дарсда тингланган материал билан такқослайдилар ва кейинги дарсга қадар эсдан чиқармасликка ҳаракат қиласидилар.

Параграф охиридаги саволлардан ўқувчилар ўқитувчи топшириғи билангина фойдаланадилар, уйда дарслик билан мустақил ишлашларида уларга жавоб топадилар. Маълумки, анча кенг ахборот берувчи параграфлар ўқувчилар томонидан қийинроқ ўзлаштирилади. Ўқувчилар параграф материалини яхши тушуниши ва эсда сақлаб қолиши учун зарур бўлган йўлланмалар олиши керак. Параграф маълумотларини қисмларга бўлиш ва ҳар бир қисмни ўрганишда ўз-ўзини назорат қилишни таъминлаш керак.

Дарсликнинг бошланишида у билан қандай ишлаш кераклиги ҳақида умумий маълумот бўлиши керак. Параграф матнida нимани ёзиш, нимани эслаб қолиш, материални қандай қилиб яхши ўзлаш-

тириш, бунда қандай фикрлаш операцияларини амалга ошириш за-
рурлиги ҳақида йўлланмалар берилиши керак. Матнни ўртасида са-
воллар берилиши ўқилган матннинг қай даражада ўзлаштирилгани-
ни текшириш ва умумлаштиришга имкон беради.

Дарслик имкони борича малакали ўқитувчи ишини моделлаши
зарур.

Дарсликнинг тузилиши

Дарслик мазмунида қуйидаги элементлар бўлиши лозим: дарс-
лик матни ва матндан ташқари компонентлар.

Дарслик матни уч қисмдан иборат бўлади:

- 1) асосий матн;
- 2) қўшимча матн;
- 3) тушунтириш қисми.

Асосий матнга — асосий мазмун, тушунчалар, қонунлар, назари-
ялар ва бошқалар баёни, шунингдек лаборатория тажрибалари ва
амалий ишларни бажариш бўйича кўрсатмалар киради.

Қўшимча матнга — хужжатли хрестоматия материали, илова ва
бошқалар кириб уларни ўрганиш мажбурий эмас. Тушунтириш мат-
нинг изоҳлар, тушунтиришлар, луғатли алифболар, жадвал маълу-
мотлари киради.

Дарслик мазмунининг барча блоклари тузилиши тизимлари ва
уларга кўйилган талабларга, дастурий таълим ҳамда таълимга мұ-
аммоли ёндошув элементлари киритилган дарслик кўпроқ жавоб
беришини кўрсатади. Бу ҳолат С. Тешабоев ва М. Нишовнинг 7-
синф кимё дарслигига ўз ифодасини топганлигини таъкидлаб ўта-
миз.

7-синф кимё дарсларининг дастлабки кунлариданоқ ўқитувчи
ўқувчиларни дарслик билан ишлашга ўргатиши керак. Бунинг учун
куйидагича йўлланмалар керак:

1. Авволова параграф номини ва унда қандай мавзу ёритилганлиги-
ни тасаввур қилинг.

2. Бу параграфдан аввал қайси параграф ўтилган ва кейин қайси
параграфлар келишини кўриб чиқинг.

3. Параграфни бошидан охиригача ўқиб чиқинг, унда учраган
тушунарсиз сўзларни ёзиб чиқинг, расмларга берилган изоҳларга
эътибор беринг, матндан асосийсини ажратинг, параграф режасини
тузинг, албатта формула ва тенгламаларни кўчириб ёзинг.

4. Параграф режасини таққослаб, яна ўқиб чиқинг.

5. Китобни ёпиб, ўрганаётганингизни аввал овоз чиқариб,
сўнгра ичингизда такрорланг.

Сўнгра ўқитувчи ўқувчиларга юқори даражадаги мустақил иш-
ларни бажаришни топшириши мумкин. Бунинг учун, параграф охи-

бўлиши мумкин. Ота-оналар, мактаб маъмурияти вакиллари, ҳомийлар иштирокида якунловчи анжуманлар ёки кимё кечаси ҳам ўтказиш мумкин. 7—8-синф ўқувчилари одатда 3—4-синф ўқувчилари олдида турли қизиқарли тажрибалар кўрсатишни яхши кўришади. Ушбу тадбирларнинг барчасига деворий газеталар, стендлар, альбомлар тайёрлаб бинони тегишлича жиҳозлаш зарур.

Кимёдан гурухли синфдан ташқари ишни алоҳида омма бўлиб бажариладиган хиллари ҳам мавжуд. Бунга кимёдан оғзаки журнallар ўтказиш яққол мисолдир. Журналнинг мазмуни унинг саҳифаларида ёритилади. Уни ҳар қандай ўқувчилар гурухи учун ойда 1 марта ўтказиш мумкин. Оғзаки журналнинг “Бизнинг кимё тўгарағимиз, “Кимёдан янги китоблар” каби доимий саҳифалари бўлиши мумкин. Шу билан маълум мавзуга қаратилган журналлар ҳам бўлиши мумкин. Масалан, “Кимё касблари”, “Мустақиллик ва кимё саноати” кабилар.

Кимё кечасини ўтказиш. Бунинг учун аввало мавзу танланади. Мавзу турлича бўлиши мумкин. Айримлари барчага маълум бўлган моддаларни чуқурроқ ўрганишга (“Сув — оддий ва мўъжизакор модда”, “Ош тузи”,) қаратилса, бошқалари кимёвий жараёнларни (масалан, “Олов сирлари”) ўрганишга қаратилади. Бошқалари мамлакатимизнинг ички ҳаётини ўрганиш муаммоларига (масалан, “Кимё ва пахта ҳосили”, “Ватанимизнинг табиий бойликлари” ва ҳ.к.) қаратилади. Кимёгар-олимларнинг ҳаёт фаолиятига бағишлиланган кечалар (Д. И. Менделеев, А. М. Бутлеров, М. В. Ломоносов, Н. И. Зинин, А. П. Бородин, А. Е. Фаворский, Н. Д. Зелинский, О. С. Содиков, С. Ю. Юнусов, Х. У. Усмонов, М. Н. Набиев) жуда қизиқарли ўтади. Айниқса, мактабда топишмоқли ва қизиқарли кимё кечалари катта муваффақиятга эришади.

Агар мактабда кимё тўгараги мавжуд бўлса, кечани ўтказиш унинг аъзоларига топширилади. Тўгарак бўлмаса, кечани ўтказиш бўйича ташкилий қўмита тузилиб, кечанинг мавзуси ва сценарийси муҳокама қилинади ва ҳар бир аъзога тегишли ишлар топширилади. Бу ишлар қўйидагилар бўлиши мумкин:

Кечанинг мазмунини танлаш, дастурини муҳокама қилиш ва сценарийни ишлаб чиқиши. Бу босқичда етакчи ролни кимё ўқитувчиси ўйнайди. Аммо ўқувчилар ҳам ўзларининг ҳал қитувчи ҳиссаларини қўшадилар. Кимёвий мавзуда кўринишлар, шеърлар ёзадилар. Журнал ва бадиий адабиётлардан материаллар танлайдилар.

Кечага кимёгар-олимлар, ишлаб-чиқариш илғорларидан вакилларни таклиф этиши. Бу ўқувчиларга алоҳида топшириқ ҳисобланади.

Кимёдан ўқувчилар ишларининг кўргазмасини ташкил этиши. Ўқувчилар ўз қўллари билан тайёрлаган кўргазмали қўлланмалар, жиҳозлар, асбоблар, стендлар, альбомлар, чиройли расмийлаштирилган

маърузалар ва экспериментал масалаларни намойиш этадилар. Буни ўқувчилар ўқитувчининг топшириғига асосан бажарадилар.

Турли хил шаклларда кимёвий викториналар тайёрлаш, саволлар назарий ёки тажриба асосида бўлиши мумкин. Буни ҳам ўқувчи ўқитувчи топшириги асосида унинг назорати остида тайёрлайди.

Бадиий қисмни тайёрлаш, кеча мавзусига мос бадиий қисм номерларини тайёрлашни ҳам ўқувчилар амалга оширадилар.

Илмий-оммабоп фильм ёки овозли ёзув тайёрлаш ҳам кеча мавзусига мос бўлиши керак. Кечада ўқув фильмини қўйиш мақсадга мувофиқ эмас.

Кечада намойиш қилинадиган тажрибаларни хавфсизлик техникини қоидаларига риоя қилган ҳолда тайёрлаш керак.

Кечада намойиш қилинадиган бинони безатиш. Зални “чиройли афишалар”, таклифномалар, чақириқлар билан безатиш, кеча тугагандан сўнг, зални йиғиширишни ҳам унутмаслик керак. Ўтказиладиган барча конкурслар ва викториналарнинг натижаларини якунлаш учун ҳакамлар хайъатини сайлаш. Уни таркибига ўқувчилар, синф раҳбарлари, синфдан ташқари ишлар ташкилотчиси, кимё ўқитувчиси ва бошқалар кириши мумкин.

Кечани муваффақиятли ўтиши уни олиб борувчисига кўп жиҳатдан боғлиқ бўлади. Кечада 2,5 соат давом этиши мумкин ва бир йилда бир марта ўтказилади.

Кимё кечаси алоҳида ўтказилиши, ёки кимё ҳафталиги (декада, ойлик) таркибида ўтказилиши ҳам мумкин.

Кимё ҳафталигига кимё ўқитиладиган барча синфлар жалб қилинади. Кимё ҳафталиги доирасида барча синфдан ташқари тадбирлар ўтказилади. Бунинг учун ҳафталик аввалдан режалаштирилади ва тайёрланади. Кимё ҳафталиги ўтказилишидан уч кун аввал кимё хонаси эшиги ва мактаб айвонига ҳафталик дастури илиб қўйилади. Дастурда тадбирлар рўйхати қачон ва қаерда, ким томонидан қайси синф учун ўтказилиши кўрсатилади. Бундан ташқари ҳар куни ўтказиладиган тадбирлар ҳам эълон қилиб борилади. Одатда, ҳар куни битта тадбир ўтказилади.

Ҳафталик дастурига мисол келтирамиз.

1-кун. Ҳафталикнинг тантанали очилиши. Унда реторта ва яшил шоҳ ифодаланган эмблема топширилади.

2-кун. 7-синф ўқувчилари учун “Кимё мўъжизалари мамлакатига саёҳат” мавзусида кеча, “Нимани биламиз, нима қила оламиз?” мавзудиа конкурс.

3-кун. 8-синф ўқувчилари учун “Ўргатсалар кимёгар бўлур эдим” деган мавзуда кеча ва лаборантлар конкурси.

4-кун. 9-синф ўқувчилари учун “Кимё ва атроф-муҳит муҳофазаси” мавзусида анҷуман ва Фарғона Давлат университети кимё факультетига экскурсия.

5-кун. 10—11-синф ўқувчилари учун “Кимё ва илмий техника тараққиёти” мавзусида анжуман.

6-кун. Ҳафталикнинг ёпилиши ва натижалар якуни.

Мактаб ишида оммавий тадбирлардан олимпиада мустаҳкам ўрин олади. Бу тадбир мактаб, район, шаҳар, вилоят, республика ва халқаро турларда ўтказилади.

Кимё олимпиадаларининг асосий вазифаси ўқувчиларнинг кимёга бўлган қизиқишлигини кучайтириш, имкони борича унга кўпроқ ўқувчиларни жалб қилиш, улар орасидан иқтидорли болаларни ажратиб олиб тарбиялашдир. Олимпиадаларда ўқувчилар таффакурлай олиши, ижодий масалалар ва ноанъянавий масалаларни еча олиш қобилияtlарини намоён қилиш имконига эга бўладилар.

Олимпиада масалаларининг мазмуни журналларда эълон қилиб борилади ва ундан ҳар қандай ўқитувчи фойдалана олади.

Синфдан ташқари ишларни режалаштириш ҳам кимёдан дарсларни режалаштиришдаги МИТ талаблари асосида амалга оширилади.

Кимёдан синфдан ташқари ишларни режалаштириш уни йўналишини аниқлаб берадиган омилларни баҳолаш билан бошланади. Бунга мактаб атрофидаги ишлаб чиқариш обьектларини ўрганиш, мактаб жамоаси шуғулланётган илмий-педагогик мавзу, кимё хонасининг имкониятлари ва ўқувчиларни қизиқишлигини ўрганиш, уларнинг ота-оналари тарқибини ўрганиш киради. Шундан сўнг ишнинг мавзуси танланиб бирор турдаги синфдан ташқари иш режалаштирилади. Ёш ўқитувчи ўз ишини тўгаракни ташкил этишдан бошлагани маъқул.

Имкони бўлса тўгарак аъзолари кимё хонасида мавжуд бўлган ўқитишнинг техник воситасини ишлатишни ўқитувчи раҳбарлигида ўзлаштириб олишлари керак. Улар турли синфдан ташқари тадбирлар ўтказилганда ўқитувчига яқиндан ёрдам берадилар. Кимё хонасини жиҳозлашда ҳам тўгарак аъзолари кўмаклашадилар.

Синфдан ташқари ишларда қўлланиладиган ўқитишнинг восита ва методлари имкони борича ўқувчиларнинг таффакурлашини, мустақиллиги, ижодий фаоллигини ривожлантиришга хизмат қилиши керак. Бу ерда энг муҳими қўлланиладиган метод ва воситалар мактабда ўтказиладиган синфдан ташқари ишларнинг шакл ва турлари га мос бўлишидир.

Кимёдан синфдан ташқари иш бу ўқувчилар билан ўтказиладиган машгулотнинг мустақил формаси бўлиб, кучли эмоционал таъсирга эгадир. Бу ўқувчиларнинг дунёқараси ва фирмлашини ривожлантиради, мустақил илм олиш, ўз билимларини тўлдиришга ундан, кашфиётчилик ва ижодиётини ривожлантиради. Синфдан ташқари иш турлари ва мазмуни бўйича хилма-хил, аммо барча ҳолларда қизиқарли хусусиятига эга бўлиб, кимёга қизиқишини шакллантиради.

НАЗОРАТ САВОЛЛАРИ

1. Синфдан ташқари ишларнинг мақсади ва ўкув жараёнидаги аҳамияти нимадан иборат?
2. Кимёдан синфдан ташқари ишлар тизими қандай тузилган?
3. Синфдан ташқари ишларнинг мазмуни қандай қилиб танланади?
4. Синфдан ташқари ишларнинг форма ва турларини айтиб беринг.
5. Синфдан ташқари ишлар қандай режалаштирилади?
6. Синфдан ташқари ишларда ўқитишнинг қандай методлари ва воситаларидан фойдаланилади?
7. “Ўзбекистонда кимё саноати” мавзууда кимё кечасини қандай ўтказиш мумкин?
8. “Сиз кимёни биласизми?” мавзууда викторина саволлари тузинг.
9. Фаргона азотли ўғитлар заводига экспурсия режасини тузинг.
10. 7-синф учун қандай тўгараклар ташкил этиш мумкин?

14-§. КИМЁДАН ФАКУЛЬТАТИВ МАШГУЛОТЛАР

Мактабга факультатив курслар 1967 йилда кириб келди. Кимёдан факультатив курсларнинг мақсади қўйидагича:

- ўкувчиларнинг кимёдан билимларини чуқурлаштириш;
- ўкувчиларнинг кимёга бўлган қизиқишлиарини, қобилиятларини ривожлантириш;
- кимё фанининг методларини эгаллаш;
- илмий дунёқарашни шакллантиришга олиб келувчи предметлараро боғлиқликни амалга ошириш;
- политехник таълим принципини тўлароқ амалга ошириш;
- ўкувчиларни касбга йўллаш.

Факультатив курслар — ўкувчилар машгулотларининг ўзига хос формаларидан биридир. Бир томондан бу машгулотлар ихтиёрий. Шу билан бирга улар мактаб дарс жадвалига ва ўқитувчининг иш юкламасига киради. Факультатив курсларнинг синфдан ташқари ишлардан фарқи шундаки, синфдан ташқари ишлар дарсдан ташқари пайтларда амалга оширилади. Факультативларни ташкил этиш ва ўтказиш методикаси синфдан ташқари ишларни ташкил этиш ва ўтказиш методикасидан фарқ қиласди. Кимёдан факультатив машгулотлар асосий кимё курси билан бевосита чамбарчас боғлиқ бўлиб, кимёга қизиқсан ва кимёдан ўз билимларини чуқурлаштириш ниятида бўлган битта ёки параллел синфларнинг ўкувчиларини бирлаштиради. Кимёга қизиқиши юкори бўлган ўкувчилар кимёдан синфдан ташқари ишларда ҳам фаол қатнашадилар. Шундай қилиб, кимёдаги ўкув-тарбиявий ишларнинг барча формалари бир-бири билан чамбарчарс боғлиқдир.

Бошқа предметлар қатори кимёдан факультативларнинг бир неча турлари мавжуд. Бу қўшимча боблар, маҳсус факультатив курслари ва маҳсус факультатив практикумлардир.

Аввалги факультатив курслар 7—10-(8—11)-синфларнинг барча параллел синфларида ўтказилган. Кейинчалик, амалиёт шуни кўрсатдики, ҳақиқий факультативларни юқори синфларда (9—10 ёки 10—11) ўтказишигина самарали бўлиб чиқди. Чунки қуи синфларда факультативлар ўзлаштиrmайдиган ўқувчилар билан ишлаш учунгина фойдаланилди. Ҳозирги пайтда факультативлар юқори синфлардагина сақланиб қолган.

Қўшимча боблар одатда мактабдаги кимёning асосий курсида ўрганилаётган тушунчаларни кенгайтириш ва чуқурлаштириш, кимёвий экспериментни кўпайтириш, кимё фани методлари билан батафсилоқ таништириш учун мўлжалланган. Бундай курсларга “Умумий кимё асослари”, “Органик моддаларнинг тузилиши ва хоссалари” киради.

Махсус курсларга “Саноатда кимё”, “Қишлоқ хўжалигида кимё”, “Металлар кимёси” кабилар киради. Бу курсларни асосий курсга боғлиқлиги камроқ бўлиб, уларни дастури анча ўзига хосдир.

“Кимёвий анализ асослари”, “Агрокимёдан практикум” каби маҳсус практикумлар маҳсус ишлаб чиқилган дастурлар бўйича экспериментал машгулотлар ўтказишни назарда тутади. Юқоридаги курсларнинг тасдиқланган дастурлари мавжуд. Бироқ ўқитувчи ўзининг ташаббуси билан ҳам факультатив курс ишлаб чиқиши мумкин. Бундай ҳолда ўқитувчи ўз дастурини педагогик кенгашда тасдиқлатиб сўнгра уни эълон қилиши зарур.

Факультатив курслар мазмунига маълум талаблар қўйилади. Факультативда назария ва амалиёт бир-бири билан чамбарчарс боғланган бўлиши керак.

Факультатив курс асосий курсга нисбатан ўқувчиларда амалий кўникма ва малакаларни кўпроқ ривожлантириши керак. Бу фақат экспериментал кўникмагагина алоқадор бўлмай, масалалар ечиш, умумий ақлий меҳнат кўникмаларига ҳам даҳдордир.

Факультативда меҳнат кўникмалари шаклланиши лозим, шунинг учун унга фойдали меҳнат қўшилса янада мақсадга муофиқ бўлади.

Факультативларнинг мазмуни асосий кимё курсида ўрганилган тушунчаларни чуқурлаштириши, бироқ дастурдан четта чиқмаслиги керак.

Факультатив мантиқан якунланган, яхлит бўлиши лозим. Факультативни иложи бўлса маҳаллий ишлаб чиқаришга мослаштирилса яна ҳам фойдали бўлади.

“Умумий кимё асослари” факультатив курсининг асосий мазмунига асосий кимё курсига нисбатан умумий кимёвий назариялар чуқурроқ ва батафсилоқ киритилган. Айниқса, моддаларнинг тузилиш назарияси, кимёвий энергетика, кимёвий кинетика ва термо-динамика, эритмалар назарияларига катта эътибор берилган. Шу-

нингдек, металлар ва металмаслар, кимё фанининг ривожланиши ҳақидаги тарихий маълумотлар ҳам ўрганилиши назарда тутилган.

“Саноатда кимё” факультатив курси технологик йўналишга эга бўлиб, ўқувчилар томонидан ишлаб чиқариш жараёнларини опти-мал ёки критик қонуниятларини эгаллашга қаратилгандир.

Бу курс кимёвий технология фани ҳақида бўлиб, унда анерганик моддалар (сулфат кислота, аммиак, нитрат кислота, азотли ўғитлар, фосфор ва унинг бирикмалари, калий тузлари, комплекс ўғитлар), шунингдек органик моддалар (метанни қайта ишлаш, этилен, пропилен, бутадиен, изопрен, ароматик углеводородларни ишлаб чиқариш, метанол ва этанол синтези, формалдегид, ацеталдегид ва сирка кислота ишлаб чиқариши) технологиялари ёритилади.

“Қишлоқ хўжалигида кимё” факультатив курси тупроқни агрокимёвий текшириш бўйича амалий ишларни бажаришни қамраб олган. Шунингдек, бу курсда ўсимликларнинг кимёвий таркибини аниқлаш, минерал ва органик ўғитлар ҳамда уларнинг қўлланиши шароитида айрим тажрибаларни ўtkазиши назарда тутади.

“Органик моддаларнинг тузилиши ва хоссалари” факультатив курси асосий курсга қўшимча боблар тарзида тузилган. Бироқ унда курсда назарда тутилган бир қатор боблар ҳам мавжуд. Масалан, элемент-органик бирикмалар ва бошқалар. Қолган қисмлари кўп аъзоли ароматик бирикмалар, тўйинмаган спиртлар, кетонлар, тўйинмаган алдегидлар, кислоталарнинг ангидридлари ва хлорангидридлари, икки негизли ва ароматик кислоталар каби асосий курсда ўрганилмайдиган моддалар ҳақидаги маълумотлар билан тўлдирилган.

“Кимёвий анализ” асослари курси аналитик кимё курсини қисқача мазмунидан ташкил топган бўлиб, унда лаборатория ишлари техникаси, умумий назарий қисм, сифат ва миқдорий таҳдилга оид билимлар киритилган.

Мактабда факультатив машгулотларни ташкил қилиш учун ўқитувчи барча хоҳловчиларни таклиф қиласди. Факультатив тугагандан сўнг ўқувчининг етуклик шаҳодатномасига тегишли ёзув қайд этилади. Факультатив машгулотларни ҳисобга олиб бориш учун маҳсус журнallар юритилади. Кўпчилик ўқитувчилар факультативга ўқувчилар баҳоланиши шарт эмас, деган фикрда бўладилар. Бироқ унда фаол қатнашган ўқувчилар албатта маълум даражада рағбатлантирилиши керак, ўқувчи томонидан тайёрланган мазмунли маъруза синфда дарса тингланиши ёки мактаб конференциясига таклиф қилиниши мумкин.

Факультатив машгулотларнинг ўқитиш методлари одатдаги ўқитишдан фарқ қилиши керак. Факультативда қўлланиладиган методлар олий ўқув юрти методларига яқин бўлиши мумкин. Масалан, маърузалар, семинар машгулотларидан фойдаланиш мумкин, чунки факультативда кимёга қизиқиши юқори бўлган ўқувчилар таълим

оладилар. Ўқувчиларнинг мустақил ишларининг салмоғини ошириб бориш, шахсий ташаббусини қўллаб-қувватлаш жуда муҳим.

Факультативда адабиёт билан ишлаш, маъruzалар, рефератлар, тайёрлаш, конспектлар тузиш каби методларни кучайтириш имкони бор. Шунингдек, сұхбат методидан ҳам фойдаланиш мумкин. Бунда фақат ўқитувчи эмас, балки ўқувчилар ҳам саволлар бериси, қийин ва тўлиқ бўлмаган масалаларни тушуниришда иштирок этиши мумкин.

Айниқса, факультатив машғулотларда муаммоли таълимдан кенг фойдаланиш мумкин. Факультатив машғулотларни ташкил этиш учун яхши жиҳозланган кимё хонаси бўлиши зарур, чунки ҳар қандай факультатив кимёвий эксперимент ва дидактик воситалардан кенг фойдаланишни назарда тутади.

Кимёдан факультатив машғулотлар ўқувчилар томонидан кимё предметини анча чуқурроқ эгаллашлари учун мўлжалланган бўлиб, ўқувчилар билан мустақил ишларининг ташкилий шаклларидан бироридир. Ҳозирги пайтда факультативларнинг бир неча хиллари мавжуд. Улар юқори синфларда ўтказилади. Факультативда қўлланиладиган методлар одатдаги дарсларда қўлланиладиган методлардан бироз фарқ қиласи.

НАЗОРАТ САВОЛЛАРИ

1. Мактаб факультативининг мақсад ва вазифалари қандай?
2. Кимё ўқитиши тизимида факультативларнинг қандай ўрни бор?
3. Факультативларга қандай талаблар қўйилади?
4. Кимёдан факультатив машғулотлар қандай ташкил этилади ва қандай ўтказилади? Кайси методлардан фойдаланилади?
5. Кимёдан факультативлар бўйича қандай қўлланмалар бор?
6. “Саноатда кимё” факультатив курсида қандай маълумотлар ўрганилади?
7. “Қишлоқ хўжалигига кимё” факультатив курсида қандай маълумотлар ўрганилади?
8. “Умумий кимё” факультатив курсида нималар ўрганилади?

ТЕСТ САВОЛЛАРИ

“Сўз боши” мавзуси бўйича

1. Ўқитувчининг вазифалари, билим ва кўнилмалари, унинг иш ва шахсий сифатлари қайси ҳужжатда ифода этилган?

- A) Давлат стандартида;
- B) Давлат дастурида.
- C) Кваликацион (маҳорат) тавсифномасида.
- D) Ўқув қўлланмаларда.
- E) Юқоридагиларнинг барчасида.

2. Бўлажак кимё ўқитувчиси (олийгоҳ талабаси) нималарни билиши ва нималарга амал қилиши лозим:

- 1) Кимё ўқитишининг таълим ва тарбиявий аҳамиятини, ўқувчи шахсини ривожлантиришнинг мақсади ва вазифаларини;
- 2) Кимёдан мактаб дастури, дарсликлар, ўқув ва методик қўлланмалар ва меъёрий ҳужжатларнинг мазмунини;
- 3) Кимё ўқитиши методикаси курсининг назарий асосларини;
- 4) Ихтимоий, иқтисодий соҳадаги барча фанларнинг асосларини.

- A) 1;
- B) 1, 2;
- C) 1, 2, 3, 4;
- D) 1, 2, 3;
- E) Фақат 1, 2, 4.

3. Кимё ўқитувчиси қандай ишларни амалга оширади?

- 1) Ўқувчиларни кимё фанининг асослари билан қуроллантиради.
- 2) Уларнинг қобилиятларини ривожлантиради.
- 3) Уларда илмий дунёқарашибни шакллантиради.
- 4) Ўқувчиларнинг барчасини кимёга оид касбларини эгаллашларига эришади.

- A) 1, 2, 3;
- B) 1, 2, 4;
- C) 1, 2;
- D) 3, 4;
- E) 1, 4.

4. Ўқитувчига қўйилган қайси касбий талаблар кимё ўқитиши методикаси курсининг методологиясини белгилаб беради?

- 1) Эгалланган билим ва кўнилмаларни педагогика, психология кимё ва уни ўқитиши методикаси соҳаларида аниқ ўқув-тарбиявий вазифани ечиш учун қўллаш;
- 2) Биология ва кимё соҳасидаги фан ютуқларини доимо ўқувчиларга ва ҳамкасларига етказиб туриши;
- 3) Энг камида иккита чет тилини мукаммал эгаллаган бўлиши.

- A) 1;
- B) 2;
- C) 3;
- D) 1, 2;
- E) 1, 3.

5. Тараба кимё ўқитувчиси фазилатларини кимё ўқитиши методикаси ўқув қўлланмасидан ташқари қандай машғулотларда эгаллайди?

- 1. Маъruzаларда.
- 2. Лаборатория-практикумда.
- 3. Ўқувчилар билан мулоқотда бўлганда.
- 4. Педагогик амалиётда.
- 5. Ота-оналарнинг суҳбатлари ва маслаҳатлари чоғида.

- A) 1, 2; B) 1, 2, 4; C) 1, 2, 3; D) 3, 4, 5; E) 1, 3, 4.

КИМЁ ЎҚИТИШ МЕТОДИКАСИ ФАНИГА КИРИШ МАВЗУСИ БҮЙИЧА

6. Замонавий ўрта таълим мактаблари ўқитиш жараёнида қайси муҳим вазифаларни бажаради?

- 1) Таълим бериш. 2) Иқтисодий тарбия. 3) Экологик тарбия.
4) Тарбия бериш. 5) Ривожлантириш.

- A) 1, 2, 3; B) 3, 4, 5; C) 1, 3, 5; D) 2, 3, 4; E) 1, 4, 5.

7. Келтирилган вазифаларни қайси фанлар ўрганади?

- 1) Дидактика. 2) Мактаб кимёси.
3) Тарбия назарияси. 4) Психология. 5) Этика.

- A) 1, 2, 3; B) 1, 2, 3, 4; C) 1, 2, 3, 4, 5; D) 1, 3, 4; E) 1, 4, 5.

8. Кимё ўқитиш методикаси қандай муаммоларни ҳал қилиши лозим?

- 1) Ўқитишининг мазмунини аниқлаш.
2) Ўқитувчи фаолиятини аниқлаш.
3) Ўқувчи фаолиятини аниқлаш.
4) Нимани ўқитиш зарурлигини аниқлаш.
5) Қандай ўқитиш зарурлигини аниқлаш.
6) Қандай ўрганиш (ўқиши) зарурлигини аниқлаш.

- A) 1, 2, 4; B) 1, 2, 3, 4, 5; C) 1, 2, 3, 4; D) 1, 2, 3; E) Барчаси тўғри.

9. Олийгоҳларда кимё ўқитиш методикаси фанини ўқитиш қандай натижаларга олиб келади?

- 1) Тарабаларнинг касбий тайёргарлигини таъминлайди;
2) Тарабаларда илмий дунёқараш шаклланишига олиб келади;
3) Тарабалар мактабда бир нечта фандан дарс бера олиш кўнималарини эгаллайдилар.

- A) 1; B) 2; C) 3; D) 2, 3; E) Фақат 2 тўғри.

10. Кимё ўқитиш методикаси фани қайси фанлар билан узвий боғланган.

- 1) Психология. 2) Педагогика. 3) Табиий.
4) Ихтимоий. 5) Гуманитар.

- A) 1, 2; B) 1, 2, 3; C) 1, 2, 3, 4; D) 1, 2, 3, 4, 5; E) Фақат 3.

11. Кимё ўқитиш методикасининг ўқув фани сифатидаги асосий вазифаси нималардан иборат?

1. Илмий текшириш институтларида фаолият кўрсата олишга тайёрлашдан иборат.

2. Ўрта тактабда ишлаш пайтида зарур бўладиган билимлар ва малакалар билан қуроллантиришдан иборат.

3. Заводлар лабораториясида фаолият кўрсата олишга тайёрлашдан иборат.

- A) 1; B) 2; C) 3; D) 1, 2; E) 2, 3.

12. Ўқитиш жараёнида қандай фаолият амалга оширилади?

1. Ўқувчиларнинг табиатга, спортга бўлган қизиқиш фаолияти.

2. Ҳамкорлик натижасида ўқувчиларининг билиш фаолияти.

3. Ўқувчиларни камалотга етказиши.

- A) 1; B) 2; C) 3; D) 1, 3; E) Фақат 3.

13. Мактаб кимё ўқув предмети қандай вазифани бажаради?

1. Ўқувчилар томонидан фан асослари (муҳим кимёвий тушунчалар, қонунлар, назариялар)ни онгли равишда ўзлаштиришга эришиш, фаннинг методлари билан таништириш.

2. Кимё билан бир қаторда биология, физика, география ва бошқа фан асосларини ҳам ўргатиш.

3. Илмий дунёқарашни шакллантириш.

4. Тўғри сиёсий ғояларни, меҳнатсеварлик, предметга қизиқиш ва табиатга эҳтиёткорона муносабатда бўлишни тарбиялаш.

5. Ўқувчиларнинг фикрлаш қобилиятларини, мустақиллиги ва билимларни эгаллашда фаолликни ривожлантириш.

6. Халқ хўжалигини кимёлаштиришнинг асосий йўналишлари, ишлаб чиқаришнинг асосий жараёнларини яратишда кимёнинг ўсаётган роли билан таништириш, билим ва кўникмаларни амалий қўллай олиш малакасини шакллантириш.

7. Ўқувчиларни касбга тайёрлаш, онгли равишда касб танлашларига эришиш.

- A) Барчаси; B) Фақат 3 нотўғри; C) Фақат 4 тўғри;

- D) 2 дан ташқари барчаси тўғри; E) Фақат 3 тўғри.

14. Кимёни ўқитишда илмий дунёқарашни шакллантириш босқичларини кўрсатинг.

1. Алоҳида ғоявий қарашларни кўриб чиқиш (тайёрлов босқичи).

2. Материя ҳаракатининг кимёвий форма даражасидаги бир қатор асосий қарашларни шакллантириш.

3. Ғоявий қарашларни чуқурлаштириш.

4. Ғоявий қарашлар ва тушунчаларни фалсафий даражада умумлаштириш.

5. Ўқувчилардаги материя ҳаракатининг кимёвий формаси ҳақидағи тасаввурларни табиий фанлар ва фалсафа даражасида маълум сис-темага солиши.

A) Барчаси; B) 1, 2, 3; C) 2, 3, 4; D) 1, 2, 3, 4; E) 2, 4, 5.

15. Ривожлантирувчи таълимнинг психологик шартларини кўрсатинг.

1. Кимёвий билимларни шакллантириш ва ривожлантириш ақлий фаолиятини юзага келтириш.

2. Интелектуал кўнгилмаларни шакллантириш ва ривожлантириш (мантиқий фикрлаш, таққослаш, анализ ва синтез қила олиш, умумлаштира олиш, фикрни тасаввур этиш, асослай олиш ва б.).

3. Ўзлаштиришнинг оқилона йўлларидан фойдаланишни шакллантириш ва ривожлантириш (ўқиш кўнкимаси).

4. Хотира элементларининг (эсга олиш, эсда сақлаш, эсга тушириш) асосийини ривожлантириш.

A) 2, 3, 4; B) 1, 2, 3; C) 1, 3; D) 2, 3; E) Фақат 3.

МАКТАБДА КИМЁ ЎҚИТИШНИНГ МАҚСАД ВА ВАЗИФАЛАРИ МАВЗУСИ БЎЙИЧА

16. Кимё ўқитишининг асосий вазифаларини кўрсатинг.

1. Ўқувчиларни кимё фанининг асослари билан таништириш.

2. Асосий кимёвий тушунчалар, илмий далиллар, қонунлар, на зариялар асосида кимёвий билимлар, кўнгикма ва малакаларни, (амалий кўнгикма ва малакалар, дарслик, қўлланма ва қўшимча адабиётлар билан мустақил ишлаш, жавобларни режалаштириш, ўз-ўзини назорат қилиш ва бошқа малакалар) фанлараро боғланишдан фойдаланиб шакллантириш.

3. Ўқувчилар билимидаги етишмовчиликни ўз устида ишлаш орқали тўлдиришни мукаммаллаштириш.

4. Ўқувчиларда илмий дунёқарашни шакллантириш.

5. Ўқувчиларни ғоявий-сиёсий жиҳатдан тарбиялаш.

6. Иқтисодий ва экологик таълим бериш жараёнида ўқувчиларни кимёвий касбларга йўналтириш.

7. Ўқувчиларни жаҳон олимпиадаларига тайёрлаш.

8. Ўқувчиларни барча назарий таълимот, қоидаларни ёдлаб олишга эришиш.

A) Фақат 3 нотўғри; B) Фақат 2, 3 нотўғри; C) Фақат 4, 5 нотўғри;
D) Фақат 6, 7 нотўғри; E) Фақат 7, 8 нотўғри.

17. Мактабда кимё ўқитишининг мақсади нимадан иборат?

1. Таълим бериш; 2. Тарбиялаш; 3. Ўқувчи шахсни ривожлантириш; 4. Баркамол инсонни ақлий фаолиятини ривожлантириш; 5. Ўқувчини фикрлашга ўргатиш.

A) 1, 2; B) 2, 3; C) 1, 2, 3; D) 1, 2, 3, 4; E) Барчаси.

18. Кимёни ўқитиши жараённанда ўқувчиларни фикрлаш қобилиятларини ривожлантиришнинг асосий воситаси қайсилиар?

1. Кимё курси. 2. Кимёвий тушунчаларни босқичма-босқич ривожлантириш; 3. Ўқув жараённини фаол тавсифи; 4. Фактик материалларни баён қилиш тезлиги; 5. Назарияларни чуқурлилиги.

A) 4, 5; B) 1, 2, 3; C) 2, 3, 4; D) 1, 2, 3, 5; E) Барчаси.

19. Ўқувчиларнинг фикрлаш қобилиятларини ривожлантиришда қайси тушунча ва фактлардан фойдаланилади?

1. 7—8-синфларда дастлабки кимёвий тушунчалар ва қонунлар, даврий қонун, атомлар тузилиши.

2. 9-синфда электролитик диссоциация назарияси, органик бирималарнинг тузилиши назарияси.

3. 10-синфда органик бирималарнинг тузилиш назарияси.

4. 11-синфда биорганик моддалар, анорганик ва органик кимёни умумлаштириш.

5. 11-синфда технологик жараёнларни моделлаш.

A) 1, 2, 3, 4; B) 2, 3; C) 3, 4; D) 1, 4; E) Барчаси.

20. Умумлаштириш кимё ўқитишида қандай аҳамиятга эга?

1. Ўқувчиларни мустақил ишга тайёрлайди.

2. Ўқувчиларни касбга мойиллигини оширади.

3. Умумлаштириш фикрлаш фаолиятининг олий даражаси бўлганлиги учун, ўқувчиларда кўникмалар ҳосил қиласи ва кейинги босқичга тайёрлайди.

4. Кўп хатоликлардан сақловчи самарали усул ҳисобланади.

5. Назариядан амалиётга ўтишга имкон беради.

A) 1, 2, 3, 4; B) 2, 3, 4; C) 3, 5; D) 1, 3; E) Барчаси.

21. Ўрта мактаб кимё курсида қандай умумлаштирувчи мавзулар бор?

1. VII—VIII синфларда анорганик моддаларнинг синфлари ва хоссалари.

2. IX синфда кимёвий элементларнинг даврий жадвалдаги ўрни, атом тузилиши ва хоссалари.

3. XI синфда электролитик диссоциация ва кимёвий боғланиш.

4. X синфда органик бирималардаги кимёвий боғланишларнинг электрон табиити ва асосий органик бирималарнинг хоссалари.

5. XI синфда органик ва анорганик кимёни умумлаштириш.

A) 1, 2, 4, 5; B) Барчаси; C) 1, 2, 3; D) 1, 2, 4; E) 1, 2, 5.

22. Кимёни ўқитишида ўқувчиларнинг фикрлашини ривожлантиришда ўқув воситаларидан ташқари яна қандай омиллардан фойдаланилади?

1. Муаммоли ўқитиши. 2. Кўргазмали ва техник воситалар. 3. Билимларни системали назорат қилиши. 4. Мустақил ишларнинг турли усуллари. 5. Табақалаб ёндошиши. 6. Ўқитувчининг мавзуни баён этиш тезлигини ошириш ёки пасайтириши.

- A) Фақат 1 нотўғри; B) Фақат 2 нотўғри;
C) Фақат 5 нотўғри; D) Фақат 6 нотўғри; E) Барчаси тўғри.

23. Ўқувчилар билимини ривожлантиришида муаммоли ўқитишининг қандай аҳамияти бор?

A) Ҳозирги фан ва техника тараққиётини тушуниб олишга ёрдам беради.

- B) Билимларни назорат қилишга ёрдам беради.
C) Ўқувчиларни табақалаб ўқитишига ёрдам беради.
D) Техник воситалардан кенгроқ фойдаланишига имкон беради.
E) Муаммоли ўқитиши — бу ривожлантирувчи ўқитиши бўлганлиги учун, ўқувчиларнинг эгаллаган билимларини англаб олиш эҳтиёжини қондиради.

24. Муаммоли таълимни амалга оширишнинг босқигуларини курсатинг.

1. Муаммони қабул қилишга тайёргарлик; 2) Муаммоли вазиятни яратиш; 3) Муаммони тартибга солиш; 4) Муамони ҳал қилиш
а) фояни илгари суриш
б) ҳар бир фояни ҳал қилиш учун режа тузиш
в) фоянинг тасдиги ёки тасдиқланмаслиги

5. Муаммони ҳал қилиш.

- а) фояни илгари суриш учун режа тузиш
б) режа асосида фояни илгари суриш
в) фоянинг тасдиги ёки тасдиқланмаслиги

6. Ҳал қилиш йўлининг тўғри ёки нотўғрилиги, агар мумкин бўлса амалиётда тасдиқлаш.

- A) 1, 2, 3, 4, 5; B) 2, 3, 4; C) 1, 2, 3, 4, 6; D) 4, 5, 6; E) Фақат 4.

25. Муаммоли вазиятни яратиш учун кимё ўқитиши методикаси қайси усулларни таклиф этади?

1. Ўқувчиларга маълум бўлмаган ва тушунтириш учун қўшимча маълумот талаб этувчи бир қатор далилларни бериш ёки намойиш этиши.

2. Ўқувчилардаги билимлар асосида нотўғри фикрлаш юзага келганда, мавжуд билимлар ва ўрганилаётган мазмун ўртасидаги қарама-қаршиликларни пайдо бўлишидан фойдаланиш.

3. Аввал ўрганилган назария ва қонун асосида янги билимларни тушунтириш.

4. Маълум назария асосида гоя яратилади, сўнгра бу гояни тўғрилиги амалиётда синалади.

5. Вазифани бажариш шароити ва охирги мақсади бериллиб, уни ҳал қилишнинг энг қулай усулларини топиш сўралади.

6. Тарихийлик принципидан фойдаланиш.

7. Ўқитувчининг тажрибани доимо ўзи бажариб кўрсатиш.

8. Кимё тажрибалари хавфли бўлганлиги учун ўқувчиларга фататгина айрим тажрибаларни бажаришга рұксат бериш.

9. Берилган шароитда вазифани ўқувчи ўзи мустақил бажариши сўралади.

A) 1, 2, 3, 4, 8, 9; B) 1, 2, 3, 4, 5, 6, 9;

C) Фақат 8 нотўғри; D) Фақат 7 нотўғри; E) Барчаси тўғри.

КИМЁ ЎҚИТИШ МЕТОДЛАРИ МАВЗУСИ БЎЙИЧА

26. Метод атамасининг луғавий маъносини кўрсатинг.

A) Англаш; B) Хотирлаш; C) Йўл; D) Восита; E) Текшириш.

27. Мактабда энг кўп қўлланиладиган методлар қайсилар?

1. Ўқувчининг баёни 2. Кимё эксперименти

3. Ўқувчиларнинг мустақил ишлари 4. Кимёдан масалалар ечиш

5. Дарслик устида ишлаш.

A) 1, 2; B) 2, 3; C) 3, 5; D) 1, 2, 3; E) 1, 2, 3, 4.

28. Кимё ўқитиши жараёнида қайси методлардан фойдаланиш мақсадга мувофиқ?

1) Нормал ташкил қилинган таълим-табия жараёни бирор универсал методдан эмас, балки мавжуд методларнинг ҳаммасидан кимёда фойдаланишни талаб қиласди;

2) Мустақил ишлаш методидан;

3) Ўқувчиларнинг фикрлаш фаоллигини кузатадиган барча методлардан;

4) Жадвал, график ва транспарантлардан.

A) 1, 2, 3, 4; B) 1, 2, 3; C) 1, 2; D) 2; E) 1.

29. Ўқув материалиини баён қилишнинг қандай усуллари бор?

1. Суҳбат 2. Маъруза 3. Масала ечиш 4. Тажриба ўтказиш

A) 1; B) 1, 2; C) 1, 2, 3; D) 1, 2, 3, 4; E) Фақат 2.

30. Сұхбат ўтказишининг қайси икки мұхим тамойилига риоя қилиш керак?

- 1) Ўқитувчи суҳбатни айрим ўқувчи билангина ўтказиши лозим.
 - 2) Ўқитувчи синф ўқувчиларига әргашиб, суҳбат ўтказиши лозим.
 - 3) Ўқитувчи суҳбатни бутун синф билан ўтказиши керак.
 - 4) Ўқитувчи суҳбат давомида бутун синф ўқувчиларини әргаштириб бориши лозим.
- A) 1, 2; B) 2, 3; C) 3, 4; D) 1, 5; E) 2, 4.

31. Кімё ўқитувчиси вақтни тежаш учун суҳбат ўтказиш олдидан нималарни аниклаб олиши керак?

- 1) Ўқувчиларга қандай саволларни ва қандай тартибда бериш кераклигини.
 - 2) Ўқувчиларда қандай саволлар туғилиши мүмкінligини.
 - 3) Сұхбат жараёнида нималар күрсатыш кераклигини.
 - 4) Нимани ва қандай қилиб ёзишни.
 - 5) Сұхбатни вақт жиҳатдан қандай тақсимлаш лозимлигини.
- A) 1, 2; B) 1, 2, 3; C) 1, 2, 3, 4; D) 1, 2, 3, 4, 5; E) Фақат 1.

32. Кімё эксперименти неча хил бўлади?

- A) 1; B) 2; C) 3; D) 4; E) 5.

33. Ўқитувчи экспериментининг бошқача номини айтинг.

- A) Лаборатория тажрибаси;
B) Кимёвий тажриба;
C) Намойиш тажрибаси;
D) Амалий иш;
E) Экспериментал тажриба.

34. Лаборатория тажрибасининг дидактик вазифасини айтинг.

- A) Янги билимлар бериш;
B) Янги билим ва кўникмаларни шакллантириш;
C) Кўникмаларни шакллантириш;
D) Билимларнинг шакллантириш;
E) Фақат А тўғри.

35. Амалий машгулотларнинг дидактик вазифасини кўрсатинг.

- A) Эгалланган билим ва кўникмаларни мустаҳкамлаш;
B) Янги билимлар бериш;
C) Янги кўникмаларни шакллантириш;
D) Кўникмаларни мустаҳкамлаш;
E) Малакалар ҳосил килиш.

ТЕСТ ТУРЛАРИ ВА УНДАН ЎҚУВЧИЛАР БИЛИМИНИ НАЗОРАТ ҚИЛИШДА ФОЙДАЛАНИШ МАВЗУСИ БҮЙИЧА

36. Тест атамасининг луғавий маъносини айтинг.

1. Текшириш; 2. Тадқиқ қилиш; 3. Синааб кўриш; 4. Исботлаш;
5. Тавсифлаш.

A) Барчаси; B) 1, 2; C) 1, 2, 4; D) 1, 2, 3; E) 4, 5.

37. Мактабда қўлланиладиган тест қандай мезонларга жавоб бериши керак?

1. Фактлар ва улар ўртасидаги ўзаро боғлиқликни билиш;
2. Назарий ва амалий муаммоларни ечиш;
3. Ўз-ўзини баҳолаш;
4. Билимларни янги шароитда мустақил қўллай олиш;
5. Физик қонуниятларни очиб берса олиш.

A) 1, 2, 3, 4, 5; B) 1, 2, 3, 4; C) 1, 2, 3; D) 1, 2; E) 1.

38. Тест қачон муваффақиятли ҳисобланади?

1. Ўқувчи хотирасини аниқлаб берса;
2. Ўқувчи билим даражасини аниқлашга ёрдам берса;
3. Билим даража, кўникма ва малакасини аниқлашга имкон берса.

A) 1; B) 2; C) 3; D) 1, 2; E) 1, 3.

39. Тест жавобига қараб неча хил бўлади?

A) 1; B) 2; C) 3; D) 4; E) 5.

40. Жавоби танланадиган тест неча қисмдан иборат?

A) 1; B) 2; C) 3; D) 4; E) 4.

41. Ядро, тўғри жавоб ва тарқоқликдан ташкил топган тест тестиң қайси хилига киради?

- A) Осон; B) Жуда осон; C) Қийин; D) Жуда қийин;
E) Жавоби танланадиган.

42. Тест мазмунига кўра неча хил бўлиши мумкин?

A) 1; B) 2; C) 3; D) 4; E) 5.

43. Предмет бўйича маълум ўқув материали асосида тузилган, стандартлаштирилган тестлар қандай номланади?

1. Психологик.
2. Мантиқий.
3. Предметли.
4. Ютуқли.
5. Расмли.

A) 1, 2; B) 3, 4; C) 4, 5; D) 1, 3; E) 3.

44. Психологик тестлар қандай ҳосил бўлади?

1. Тест шартларида ва унга тегишли бўлган чизмалар ҳамда расмларда берилган тушунчаларни белгилар ва кўргазмали белгилар нисбатлари орасидаги фарқдан ҳосил бўлади.

2. Саволлар ва тавсиялар, чизмаларнинг турли хил комбинациялари ёрдамида берилган белгилар орасидаги фарқдан ҳосил бўлади.

3. Фикрлар ва сўз ўйинлари ёрдамида, чизмаларни турли ҳолатда бериш орқали.

- A) 1; B) 2; C) 3; D) 1, 2; E) 1, 3.

45. Кимё ўқитувчиси меҳнатини илмий ташкил этишда қайси қоидаларга риоя қилинади?

1. Тарихийлик. 2. Илмийлик. 3. Режалилик. 4. Узвийлик 5. Узлуксизлик. 6. Меъерийлик. 7. Тежамкорлик.

- A) Барчаси; B) Фақат 1 нотўри; C) 1, 2, 3, 4, 5, 6;
D) 1, 2, 3, 4, 5; E) 1, 2, 3, 4, 5, 7.

**КИМЁ ЎҚИТУВЧИСИ МЕҲНАТИНИ ИЛМИЙ
ТАШКИЛ ЭТИШ МАВЗУСИ БЎЙИЧА**

46. Кимё ўқитувчиси меҳнатини илмий ташкил этиш тизими элеменларини кўрсатинг.

1. Мактаб жамоаси, шу жумладан ўқувчилар фаолиятини режалаштириш ва ташкил этиш.

2. Кимёни ўрганишда ўқувчилар меҳнатини илмий ташкил этиш.

3. Кимё ўқитувчиси шахсий фаолиятини режалаштириш ва ташкил этиш.

4. Кимё ўқитувчининг илмий-методик иши.

5. Мустақил таълим. Илгор тажриба ва янги педагогик технологияни ўзлаштириш ва кимё ўқитиши жараёнини такомиллаштириш бўйича ишлаш.

- A) Барчаси тўғри; B) Фақат 2 нотўри;
C) Фақат 3 нотўри; D) Фақат 1 нотўри; E) Фақат 3 тўғри.

47. Кимё ўқитиши методикасида қўлланиладиган энг муҳим методларни кўрсатинг.

1. Адабиёт манбалари билан ишлаш.

2. Мақсадга йўналтирилган кузатиш.

3. Суҳбат. 4. Анкета тарқатиш.

5. Педагогик эксперимент. 6. Моделлаш.

- A) 1, 2, 3, 4, 5; B) 2, 3, 4, 5, 6; C) Барчаси;
D) 3, 4, 5, 5; E) 4, 5, 6.

48. Педагогик эксперимент қандай метод?

- A) Объектив; B) Субъектив; C) Фойдали;
D) Қизиқарлы; E) Тезкор.

49. Педагогик эксперимент самараси қандай аниқланади?

1. Экспериментал синф натижасига күра. 2. Назорат синф натижасига күра. 3. Ҳар икки синф натижалари ўзаро таққосланиб.

- A) 1; B) 2; C) 3; D) Фақат 1; E) Фақат 2.

КИМЁ ЎҚИТИШ ВОСИТАЛАРИ ТИЗИМИ. КИМЁ ХОНАСИ ТИЗИМИ МАВЗУСИ БҮЙИЧА

50. Таълим-тарбия воситалари тизимини таърифини айтинг.

1. Ўқитиш мақсадида қўлланиладиган моддий объекtlар мазмуни.

2. Тарбиялаш мақсадида қўлланиладиган моддий объекtlар тизими.

3. Ўқувчи шахсини ривожлантириш мақсадида қўлланиладиган моддий объекtlар тизими.

4. Таълим тарбия ва ўқувчи шахсини ривожлантириш мақсадида қўлланиладиган моддий объекtlар тизими.

- A) 1, 2; B) 2, 3; C) 1, 3; D) Фақат 4; E) Фақат 2.

51. Мактаб синф хонасининг жиҳоз тизимлари таркибини кўрсатинг.

1. Кимё хонаси биноси.

2. Илмий иш олиб бориш жиҳози.

3. Ўқув жиҳозидан фойдаланиш учун мебель ва мосламалар.

4. Ўқув жиҳози.

5. Ўқув жараёнини илмий ташкил этиш ва уни бошқариш учун маҳсус мосламалар.

- A) 1, 2, 3, 4, 5; B) 2, 3, 4, 5; C) 1, 3, 4, 5;
D) Фақат 1; E) Фақат 2.

52. Натурал объекtlарга нималар киради?

1. Реактивлар. 2. Идишлар. 3. Асбоблар. 4. Буюмлар. 5. Минераллар. 6. Металлар.

- A) Барчаси; B) 1, 2, 3; C) 3, 4, 5; D) 4, 5, 6; E) 2, 3, 4, 5.

53. Натурал объекtlар тасвиirlарига нималар киради?

1. Моделлар; 2. Макетлар; 3. Ҳажмий тасвиirlар, экран қўлланмалари; 4. Транспарантлар.

- A) 1, 2, 3, 4; B) 1, 2, 3; C) 1, 2; D) 1, 3; E) Фақат 1.

54. Шартли воситалар билан предмет ва воситаларни ифода-лашга мисоллар келтиринг.

1. Д. И. Менделеев даврий жадвали.
 2. Эрувчанлик жадвали.
 3. Металларнинг кучланишлар қатори.
 4. Металмасларнинг электроманфийлик қатори.
- A) 1, 2, 3; B) 1, 2; C) 1, 2, 3, 4; D) 3, 4; E) 3.

55. Ўқитишнинг техник воситаларига нималар киради?

1. Телевизор.
 2. Кинопроектор.
 3. Диапроектор.
 4. Магнитофон.
5. Кинофильмлар.
6. Диафильмлар.
 7. Диапозитивлар.
 8. Кодотранспорантлар.
 9. Магнитофон ёзувли тасмалари.
 10. Ўргатувчи дастурлар.
 11. Видео ёзувлар.
- A) 1, 2, 3, 4, 5, 6; B) 2, 3, 4, 5, 6, 7; C) 3, 4, 5, 6, 7, 8;
D) 4, 5, 6, 7, 8, 9; E) 5, 6, 7, 8, 9 10, 11.

КИМЁ ДАРСЛИГИ ТАЪЛИМ БЕРУВЧИ ТИЗИМ СИФАТИДА МАВЗУСИ БЎЙИЧА

56. Дарслик мазмуну қайси нуқтаи-назардан муҳокама қилинади?

1. Гигиеник.
 2. Тузилиш ҳусусияти.
 3. Тарбиявий вазифалари;
 4. Таълимий вазифалар;
 5. Ривожлантирувчи вазифалари.
- A) 1, 2, 3, 4, 5; B) 1, 2, 4, 4; C) 1, 2, 3; D) 1, 2; E) Фақат 1.

57. Дарсликнинг вазифасини айтинг.

1. Ўқувчиларнинг методологик билимлар ва фалсафий ғоялар билан қуроллантириб, уларда дунёқарашни шакллантириди.
2. Ўқувчиларда кимёвий тушунчаларни ривожлантириш, кимёвий ўқув кўнишка ҳамда малакаларни шакллантириш.
3. Ўқувчиларда кўплаб касбий фазилатларни шакллантириш.

- A) 1; B) 1, 2; C) 1, 2, 3; D) 2; E) 3.

58. Кимё ўқитиш методикасида мазмун ва таълим мазмуни тушунчалари қандай тушунилади?

1. Мазмун деганда предмет мазмуни тушунилади.
2. Таълим мазмуни деганда предмет мазмуни, таълимнинг тарбиявий ва ривожлантириш жиҳатлари тушунилади.
3. Мазмун деганда кимё фанининг мазмуни тушунилади.
4. Таълим мазмуни деганда ўқитишнинг тарбиявий ва ривожлантириш жиҳатлари тушунилади.

A) 1, 2, 3, 4; B) 1, 2, 3; C) 3; D) 1, 2; E) 3, 4.

59. Дарсликнинг предмет мазмуни бу:

1. Фан асослари. 2. Назариялар. 3. Қонунлар. 4. Фактлар. 5.

Кимё фанининг методлари демакдир.

A) 1, 2, 3; B) 1, 2, 3, 4; C) 2, 3, 4; D) Барчаси; E) 1, 2.

60. Дарслик матни хилларини айтинг.

1. Асосий. 2. Кўшимча. 3. Тушунтириш. 4. Иллюстрация.

A) 1; B) 2, 3; C) 3, 4; D) 1, 2, 3; E) 1, 3.

61. Дарсликка дидактик жиҳатдан қандай қарааш лозим?

1. Ўқитиш воситаси. 2. Ўқитиш тизими. 3. Ўқитиш методи сифатида.

A) 1; B) 2; C) 3; D) 1, 2; E) 1, 3.

62. Ўқитувчи ўқувчига дарслик билан ишлашни ўргатганда йўлланмалар бериш тартиби қандай бўлиши керак?

1. Китобни ёпиб, ўрганаётгандарингизни аввал овоз чиқариб сўнгра ичингизда такрорланг.

2. Параграф режасини таққослаб, яна ўқиб чиқинг.

3. Аввало параграф номини ва унда нима ҳақида гап бориши бўйича тассаввур ҳосил қилинг.

4. Бу параграфдан аввал қайси параграф ўтилган ва кейин қайси параграфлар келишини кўриб чиқинг.

5. Параграф бошидан охиригача ўқиб чиқинг, унда учраган тушунарсиз сўзларни ёзib чиқинг, расмларга берилган изоҳларга эътибор бериб матндан асосийини ажратинг, параграф режасини тузинг, формула ва тенгламаларни албатта кўчириб ёзинг.

A) 1, 2, 3, 4, 5; B) 3, 4, 5, 2, 1; C) 1, 2, 3, 4;

D) 5, 4, 3, 2, 1; E) 4, 3, 2, 1, 5.

КИМЁ ДАРСЛАРИ КИМЁДАН ЎҚУВ ЖАРАЁНИНИ ТАШКИЛ ЭТИШНИНГ АСОСИЙ ШАКЛИ СИФАТИДА МАВЗУСИ БЎЙИЧА

63. Кимё дарсига қандай талаблар қўйилади?

1) Дарснинг мақсадига эришиш аниқ йўналтирилган бўлиши;

2) Мазмуннинг илмийлиги;

3) Фояйй-сиёсий савиаси;

4) Предметлараро боғлиқлик;

5) Муаммоли таълимдан фойдаланиш;

- 6) Дарс мақсади ва ўқув материалини ўзаро мос келиши;
7) Ўқувчиларнинг мустақил ишларини ташкил этиш;
8) Дарснинг барча қисмлари бир-бирига мос келиши;
9) Дарсда ўқитувчи ва ўқувчининг ўзаро ишончи;
- A) Фақат 1 нотўғри; B) Фақат 9 нотўғри; C) Барчаси тўғри;
D) 1, 2, 3, 4, 5; E) 4, 5, 6, 7, 8, 9.
- 64.** Дарс структурасига кўра қандай классификацияланади?
- 1) Янги билимларни эгаллаш.
 - 2) Билим ва малакаларни мустаҳкамлаш ва такомиллаштириш.
 - 3) Ўзлаштириш натижаларини текшириш.
 - 4) Ўзлаштириш натижаларини баҳолаш.
 - 5) Кириш ва якунлаш дарслари.
 - 6) Техник воситалардан фойдаланиб ўтиладиган дарслар.
- A) 1, 2, 3, 4; B) 2, 3, 4; C) 3, 4, 5; D) 5, 6; E) 4, 5, 6.

- 65.** Дарс конспекти қандай қисмлардан иборат бўлади?
1. Кириш қисми; 2. Асосий қисм; 3. Мустаҳкамлаш; 4. Уй вазифаси; 5. Реферат тайёрлаш.
- A) 5, 4, 3, 2, 1; B) 1, 2, 3, 4; C) 1, 2, 3, 4, 5; D) 3, 4, 5; E) 2.
- 66.** Дарснинг кириш қисми қандай тартибда таҳлил қилинади?
1. Мазмунни. 2. Таълим, тарбия, ривожлантириш вазифасини ифодаланганилиги. 3. Уй вазифасини текшириш методлари. 4. Янги материални қабул қилишга тайёрлаш учун билимларни актуаллаш методлари, мазмун, саволларни аниқ ва равонлиги. 5. Сўров пайтида синфни банд қўилганлиги. 6. Кириш қисмига сарфланган вақт. 7. Предметлараро боғлиқлик.
- A) Барчаси тўғри; B) Фақат 6 нотўғри; C) Фақат 5 нотўғри;
D) Фақат 4 нотўғри; E) Фақат 7 нотўғри.

СИНФДАН ТАШҚАРИ ИШЛАР, ФАКУЛЬТАТИВ МАШГУХОТЛАР МАВЗУСИ БЎЙИЧА

- 67.** Кимёдан синфдан ташқари ишларнинг мақсадини айтинг.
1. Кимёдан билимлар, эгалланган кўнирма ва малакаларини чукурлаштириш ва кенгайтириш. 2. Дунёқарашни кенгайтириш. 3. Кимёга бўлган қизиқишлиарини ривожлантириш. 4. Мустақиллиги, ижодий фаоллигини ривожлантириш. 5. Фоявий-сиёсий, меҳнат, аҳлоқий ва эстетик жиҳатдан ўқувчиларни тарбиялаш. 6. Илмий ишга ўргатиш. 7. Касбий фазилатларини шакллантириш.
- A) 1, 2, 3, 4; B) 2, 3, 4, 5, 6; C) Барчаси;
D) 1, 2, 3, 4, 5, 6; E) 4, 5, 6, 7.

68. Кимёдан синфдан ташқари ишларга қандай талаблар қўйилади?

1. Илмийлилик. 2. Тарихийлик. 3. Онглилик. 4. Мувофиқлик. 5. Долзарбилилиги ва аҳамияти, ҳаёт билан боғлиқлиги. 6. Қизиқарлилик.

A) 1, 2, 3, 4, 5; B) 3, 4, 5; C) 1, 4, 5, 6; D) 2, 3, 4, 5; E) Барчаси.

69. Кимёдан факультатив курсларнинг мақсади нимадан иборат?

1. Кимёдан ўқувчилар билимини чуқурлаштириш.

2. Ўқувчиларнинг кимёга бўлган қизиқишларини, қобилиятларини ривожлантириш.

3. Кимё фанининг методларини ўргатиш.

4. Илмий дунёқарашни шакллантиришга олиб келувчи предметлараро боғлиқликни амалга ошириш.

5. Политехник таълим принципларини тўлароқ амалга ошириш.

6. Ўқувчиларни касбга йўллаш.

A) 1, 2, 3, 4, 5, 6; B) 1, 2, 3, 4, 5; C) 1, 2, 3, 4; D) 1, 2, 3; E) 1, 2.

70. Факультатив курсларни ўтказиш синфдан ташқари ишларни ўтказишидан қайси жиҳатидан фарқ қиласи?

A) Дарсдан ташқари пайтларда ўтказилиши билан.

B) Дарс пайтида ўтказилиши билан.

C) Курснинг қизиқарли эканлигидан.

D) Ихтиёрийлиги билан.

E) Билимларни чуқурлаштириш ва кенгайтириши билан.

Тест топширикларининг жавоби

1	C	15	B	29	B	43	B	57	B
2	D	16	E	30	C	44	A	58	D
3	A	17	C	31	D	45	B	59	D
4	A	18	B	32	B	46	E	60	D
5	B	19	A	33	C	47	C	61	D
6	E	20	C	34	B	48	A	62	B
7	D	21	A	35	A	49	C	63	C
8	E	22	D	36	D	50	D	64	A
9	A	23	E	37	B	51	C	65	B
10	D	24	C	38	C	52	A	66	E
11	B	25	B	39	B	53	A	67	D
12	B	26	C	40	C	54	C	68	A
13	D	27	E	41	E	55	E	69	A
14	A	28	B	42	C	56	A	70	B

ФОЙДАЛАНИЛГАН АДАБИЁТЛАР

1. “Методика преподавания химии”. Под общей редакцией профессора Н. Е. Кузнецовой. Учебное пособие для студентов педагогических институтов. М., Просвещение, 1985 г.
2. Г. М. Чернобельская. Основы методики обучения химии. Учебное пособие для студентов педагогических институтов М., Просвещение, 1987 г.
3. С. Тешабоев, М. Нишонов *ва бошқалар*. Кимёдан давлат стандарти. Таълим тараққиёти журнали. 1999 йил 3-максус сони.
4. С. Тешабоев, М. Нишонов *ва бошқалар*. Кимё дастури. Таълим тараққиёти журнали. 1999 йил 3-максус сони.
5. С. Тешабоев, М. Нишонов. Анорганик кимё (ўрта мактабларнинг 7-синфи учун дарслик) Т. “Ўқитувчи”, 2000 й.
6. М. Нишонов, С. Тешабоев. Ўрта мактабларнинг 8-синфи учун дарслик. Т. “Ўзбекистон”, 2001 й.
7. С. Тешабоев, М. Нишонов. Ўрта мактабларнинг 9-синфи учун дарслик. Т. “Ўқитувчи”, 1999 й.
8. М. Нишонов, С. Тешабоев. Мактабда кимёдан амалий ишлар. Т. “Ўқитувчи”, 1992 й.
9. М. Нишонов, С. Тешабоев. Мактабда кимёдан лаборатория ишлари. Т. “Ўқитувчи”. 1995 й.

МУНДАРИЖА

Сүз боши	3
Кимё ўқитиши методикасининг умумий масалалари	
1-§. Кимё ўқитиши методикаси фанига кириш	5
2-§. Маҳтабда кимё ўқитишининг мақсад ва вазифалари	14
3-§. Кимё ўқитиши методлари	21
4-§. Тест турлари ва ундан ўкувчилар билгимини назорат қилишда фойдаланиши	28
5-§. Тест асосида кимёдан ўкув материалларини такрорлаш дарсининг тузилиши ва методикаси	35
6-§. “Кимёнинг асосий тушунчалари” мавзуси бўйича тестлар тузиш	36
7-§. “Кимёнинг асосий қонуулари” мавзуси бўйича тестлар тузиш	38
8-§. Кимё ўқитувчиси меҳнатини илмий ташкил этиши	42
9-§. Кимё ўқитувчисининг илмий-методик иши	47
10-§. Мактаб кимё курсининг мазмуни ва тузилиши	52
11-§. Кимё ўқитиши воситалари тизими. Кимё хонаси	73
12-§. Кимё дарслиги таълим берувчи тизим сифатида	78
13-§. Кимёдан синфдан ташқари ишлар	83
14-§. Кимёдан факультатив машгулотлар	90
Тест саволлари	94
Фойдаланилган адабиётлар	110

T91 Кимё ўқитиш методикаси. Муаллифлар: М. Нишонов,
Ш. Мамажонов, В. Хўжаев. — Т.: “Ўқитувчи”, 2002. — 112—
бет.

1. М. Нишонов ва б.

ББК 74.268.3

Миркозим Нишонов, Шухратжон Мамажонов, Ваҳобжон Хўжаев

КИМЁ ЎҚИТИШ МЕТОДИКАСИ

Талабалар учун ўқув қўйланма

Тошкент “Ўқитувчи” нашриёти, “Зиё Ношир”
КШК, 2002

Муҳаррир Ф. Орипова
Бадиий муҳаррир Ф. Некқадамбоев

ИБ 8155

Теришга берилди 26.11.2002 й. Босишга рұхсат этилди 25.12.2002 й. Бичими $60 \times 90^{1/16}$.
Офсет қозози. Кегли 10 шпонли. Таймс гарнитураси. Офсет босма усулида босилди.
Нашр. т. 7,0. 500 нусхада босилди. Буортма № 124

“Ўқитувчи” нашриёти, “Зиё-Ношир” КШК. Тошкент, 129. Навоий кўчаси 30.
Шартнома 18—2002.

“Амарпринт” МЧЖ босмахонасида босилди. Тошкент, Ҳ. Бойқаро, 51.

1600 =

010360/
17

"O'QITUVCHI"

74.2
H